

WANTOK


NIUSPEPA BILONG YUMI OL PAPA NIUGINI STRETI - 27 YIA NAU

36 pes

Namba 1,199

Wik i stat long Fonde Jun 19, 1997

50 toea



1997 Westen Hailans ileksen

... I no gat trabel

RHONDA KAVOP na JAMES KILA i raitim

WESTEN Hailans provins i bin lukim wanpela gutpela ileksin tru.

Plis i no bin kisim wanpela bikpela ripot bilong trabel taim vot i bin stat insait long wan-de voting long Mande, June 16.

Long bipo, planti ripot i save kamap long ol pasin bilong pait na manmeri i kisim blut long taim bilong ileksin long Westen Hailans. Tasol Mande nogat wanpela bikpela trabel i bin kamap.

Provinsal ileksin 97 ofisal long provins, Jack Karali i tok dispela gutpela pasin long vot bihainim lo stret long Westen Hailans i gutpela na em i tok tenkyu i mas go long ol plis, ol ileksin ofisel na olgeta manmeri long provins.

Mista Karali i tok ol ilektorel opisa i kisim olgeta bokis bilong vot pinis na stap long opis bilong Ilektorel Komisnin long Hagen. Ol i wet tasol long kaunim i stat.

Insait long ol ripot Wantok Niuspepa i kisim long aste apinun, kaunim i bin stat long 4-pela ilektoret tasol. Narapela ol ilektoret bai i lukim kaunim bilong ol vot stat long nait na sampela long tude.

Stat long aste apinun samting olsem 4-klok, kaunim i bin stat long Mul-Baiyer Open ilektoret.

Hia em ol tali na namba bilong ol vot ol i kaunim inap long 2:35 pm long Trinde apinun (aste).

Insait long Westen Hailans Provinsal, bihain long kaunim bilong 51-pela bokis, Thomas Nolonga Amuk (Independent) i go pas wantaim 3,806. Man ron namba tu em Pater Robert Lak - 2,982 na gavana na olpela praim minista Paias Wingti i ron namba-3 wantaim 2,618 vot.

Long Hagen Open ilektoret, man i go pas long kaunim bihain long 19-pela bokis em, Marx Bu Kanamon wantaim 1,189. Man i ron namba tu em Michael Mel (PDM) wantaim 1,174. Mista Mel em memba bipo bilong Anglimp-Saut Whagi. Kenidet ron namba-3 long kaunim em siting memba, Paul Pora (Nesene Pati) wantaim 1,056.

Long Dei Open bihain long ol i kaunim 12-pela bokis i lukim siting memba Reuben Namba Parua (Independent) i go pas wantaim 1,940. Man ron namba tu em Puri Ruing (Independent) wantaim 1,909, na kenidet ron namba 3 long dispela resis em Paul Koi Namba (Independent) 652.

Resis long Not Whagi Open bihain long 20-pela bokis i lukim Mark Wom (PAP) i go pas wantaim 1,381 vot. Kenidet ron namba tu em Dokta Fabian Pok (Independent) wantaim 1,353, na kenidet ron namba-3 em Joe Malie Kumb wantaim 1,150.

Kaunim bilong ol narapela ilektoret aste apinun, na sampela bai stat tude.

11 pipel lus long solwara

11-PELA pipel i bin lus long solwara long hap bilong Kavieng long Niu Ailan provins.

Dispela ol pipel i bin lus bihain long strongpela win i bin karim ol i goaut. Dairekta jeneral bilong Nesene! Disasta na Imejensi Sevis, Leith Anderson i tokaut long dispela aste apinun. Mista Anderson i givim bikpela tok lukaut tu i go long ol pipel husat i stap long ol provins we i stap arere long solwara long stap long haus na noken goaut na swim o painim pis yusim ol bot.

Em i tok tupela man i bin lusim laip bilong ol long Is Niu Briten na narapela 19-pela man i bin lus long not kos long Madang provins.

Tasol ripot aste i tok olsem ol i painim pinis ol dispela 19 pipel.

Mista Anderson i tok olsem ol strongpela win i ron hariap tru na i ken bagarapim laip bilong ol man sapos ol i no lukaut gut. Em i tok olsem ileksin i wok long gohet na planti moni i go long helpim dispela wok, na ol lain bai i no inap hariap tumas long mekim ol wok bilong ol.

Telek promotim PNG musik...


George Telek, man i gat namba long PNG musik i soim pinis olsem musik bilong PNG i gat pawa. Telek i soim stret stail bilong em na winim lewa bilong planti manmeri tru taim em i go pilai long ol siti bilong Australia olsem Melbon, Sydney, Adelaide na Brisbane. Telek i bin rekotim wanpela CD album bilong em, we Origin Studio long Australia i stat long salim. Em i mekim tu ol vidio bilong em. Wanpela bikpela musik buk long wol "Rolling Stone" i bin stori tu long dispela nupela Telek. Ol i soim olsem Telek em wanpela namba wan man bilong Saut Pasifik long stap long dispela buk. Telek i hapim nem bilong PNG musik long wol. Foto: James Kila.

INSAIT

• Sampela moa PNG manmeri kisim namba long Kwin p2

• Momis painim rot bilong stretim Bogenvil hevi p3

• Bogenvil stori. p4



MUTRUS

MAJOR SPONSA BILONG RAGBI LEAGUE INSAIT LONG PAPA NIUGINI

GOVERNMENT WARNING: SMOKING IS DANGEROUS TO HEALTH

Plis RIPOT



HAGEN: Plis Komisina Bob Nenta i givim strongpela tok lukaut i go long ol hailans man, husat i laik yusim gan long taim bilong ileksen. Mista Nenta i tok olsem ol sekyuriti fos, long hailans i redi long bungim husat man i laik bagarapim ol ileksen. Em i tok olsem ol plis-man i kisim sampela ripot olsem ol man i laik yusim gan long taim bilong ileksen. Mista Nenta i tokim ol plisman na ami long dispela samting taim em i kamapim wanpela opere-sen long Kimninga bareks.

MENDI: Plis long Sauten Hailans i holim pas wanpela pasto na tupela arapela kenedet, na sasim ol bikos ol i holim ol gan. Provinsel Plis Komanda, Gary Baki i tok dispela tripela kendidet i tokaut pinis long rong bilong ol long Mendi Distrik kot. Na kot i askim ol long baim K500 bel mani na wetim kot bilong ol. Mista Baki i tok ol dispela tripela kendidet i mas ripot long plis stesen long olgeta wik. Ol plis-man i sasim tu 11-pela sapota bilong ol narapela kenedet, na sasim ol tu bikos ol i holim ol gan long las wik.

GULF: Morere logging Camp long Kikori i bin lusim K33,000 long las wik, Trinde. Gulf Plis Komanda, Peter Taiang i tok 8-pela man i bin hansapim ol wokman bilong kamapani opis wantaim ol gan, na ranawe long bot wantaim dispela mani. Mista Taiang i tok olsem ol plis-man i holim pas pinis faipela man na kisim bek K11,370.20. Ol plisman i wok long painim yet ol arapela tripela man, wantaim ol hap mani.

BOGENVIL: Ol, BRA i lusim pinis Memba bilong Bogenvil John Momis long dispela wik Tunde. Mista Momis i bin kamap long Buka long wanpela helikopta ol Bogenvil Transisinal Gavman, i sataim. Bogenvil Premia, Gerald Sinato wantaim Lieutenant Colonel, Tarua Falaniki i bin wetim Mista Momis long ples balus wantaim ol sapota bilong em.

MADANG: Ol plisman long Madang, i kisim K178,000 bilong wok bilong ol long taim bilong ileksen. Provinsel Plis Komanda, Theodore Muriki i tok hamamas taim ol i kisim dispela mani. Mista Muriki i tok ol plis i ken yusim dispela man long lukautim ol yet taim ol i go long ol ples bilong vot. Mista Muriki i givim strongpela tok lukaut i go long husat man i laik kirapim trabol long taim bilong vot.

LAE: Wanpela kendidet bilong Lae Open lilektoret, i bin sanap long Lae Distrik kot, i mas baim K1,000 kot fain bipo long 4.pm long Fraide. Dispela kanedet i no bin baim nominesen fi bilong em. Lae Plis Komanda, Simon Kauba, i tok ol plisman i wok long painim dispela kendidet nau bikos em i wok long hait i stap. Mista Kauba i tok taim ol plisman i painim em, ol bai salim em i go long Buimo haus kalabus, we em bai stap, sikspla mun, wantaim na mekim ol strongpela wok.

Sampela moa PNG manmeri kisim namba long Kwin

KWIN Elizabeth II i givim namba bilong "Knighthood" i go long sampela bikman bilong Papua Niugini insait long Jun 10, 1997 "honours" lista bilong en long tingim de mama i bin karim em.

BARBARA MASIKE i raitim Kwin Elizabeth II i bin givim dispela namba i go long g...
Ambasada bilong Papua Niugini long United States, Nagora Bogan na olpela Sekreteri bilong Gavena Jenerel, Thomas Ritako.

Mista Bogan bai kisim namba olsem "Knight Commander of the Most Excellent Order of the British Empire" (KBE), na Mista Ritako bai kisim namba olsem "Knight Bachelor".

Kwin i luksave tu long Jimson Sauk, na i givim em namba bilong "Companion of the Most Distinguished Order of Saint Michael and Saint George" (CMG), long ol bikipela wok em i mekim insait long pablik sevis.

Robin Moaina bai kamap "Commander of the Civil Division of the Most Excellent Order of the British Empire" (CBE), long ol sevis em i givim go long pablik sevis.

Ol lain bai kamap "Ordinary Officer of the Civil Division of the Most Excellent Order of the British Empire" (OBE), em long Belong Salim long sevis i go long lokol gavman kaunsel,

Reveren Thomas Tamanabae long sevis i go long Sios na Komyuniti, Wayne Kenneth Golding long sevis i go long "Chamber of Commerce and Industry", Guao Katunane Zurenuoc long sevis i go long pablik sevis na komyuniti, John Edward Arkosi long sevis i go long Komes na Komyuniti, Aho Nollen Baliki long sevis i go long benk na Profesa Lance Hill long tisim "Science, Education na Environmental" stadi long Yunivesiti bilong PNG.

Kwin i givim namba tu long Allan Pini bilong PNG Difens Fos long kamap "Ordinary Officer of the Most Excellent Order of the British Empire, Military Division", OBE long givim sevis i go long ol ami bilong PNG.

Raphael Yaki i kisim namba bilong "Companion of the Imperial Service Order" (ISO), long sevis i go long Komyuniti na lokol gavman. Philip Kweigam Kabon i kisim tu wankain namba bilong ISO long sevis i go long pablik sevis, helt na Komyuniti.

Kwin i givim 14-pela manmeri namba bilong kamap "Ordinary Member of the Civil Division of the Most Excellent Order of the British Empire" (MBE).

Ol lain i kisim dispela namba em long, Kambua Gabena Mogia long sevis i go long ol pipol bilong Simbu na gavman,

Levi Salot long sevis i go long Komyuniti, Tibang Kanong long sevis i go long Gavman na Komyuniti, Thoa Iamo long sevis i go long sevis long education na edministresen insait long Kantri, Kiso Sasarea long sevis i go long politik na Komyuniti, Inspekta Michael Periwanga long sevis i go long gutpela wok long plis fos, Stanis Sarafeni long sevis i go long Komyuniti, Maria Hayes long sevis i go long ol meri na Komyuniti, Mark Wani long longpela sevis i go long pablik "auditing" wok na komyuniti, Heni Vada long sevis i go long pablik "auditing" wok na komyuniti, Ronald Arthur Cox long sevis i go long pablik sevis na komyuniti, Soro John Sape long sevis i go long pablik sevis na plis fos, Kore Kone Mamando long sevis i go long komyuniti na kantri, Karo Geno Kila long sevis i go long pablik sevis long ilektorel komisin na gavman.

Tripela man i kisim namba bilong kamap "Ordinary Member of the Most Excellent Order of the British Empire, Military Division" (MBE) em long Philip Noa Playah, Davey Magupia Ugul, na Stanley Womara long sevis i go long PNG Difens Fos.

Narapela 14-pela manmeri moa bai kisim "British Empire medal of the Civil Division" (BEM). Em long Karl Mondo

long sevis i go long ol meri na komyuniti, Robin Teratere long sevis i go long Gavman bilong PNG, Yut Etami long sevis i go long Helt Dipatmen, Bal Tala long sevis i go long Gavman, Justin Tkatchenko long sevis i go long PNG "orchid industry na tropical gardening", Sam Maupua Lari long sevis i go long komyuniti, Peter Guinness, Conrad Rame, na Jeremiah Biamaga long sevis i go long plis fos na wok bilong Lae Komyuniti.

Evelyn Komasein long sevis i go long Helt Dipatmen, John Jack long sevis i go long pait insait long namba tu wol wo. Wendy Walo Loi long sevis i go long mekim wok painim aut long edukesen na developmen bilong Gavman, Poaipa Tindiwi long sevis i go long Helt dipatmen, Yatu Geoawa long sevis i go long wok bilong ol yut, komyuniti na pablik sevis.

Narapela foapela man moa i kisim namba bilong "British Empire Medal, Military Division" (BEM). Em long John Welei Agilo, Joseph Maino, Rupert Arisa na Joseph Kathy long sevis i go long PNG Difens Fos.

Na Emmanuel Hela bai kisim namba long sevis i go long plis fos na long ol pipol bilong Sentrel provins.

Sir Michael stretim ol askim

SIR Michael Somare i tokim ol manmeri long Vanimo, Sandaun provins olsem pawa i stap long ol long "rausim o putim bek" ol memba bilong palamen.

Sir Michael Somare i mekim dispela toktok long taim em i kamap long Vanimo long mekim kempen long tripela Nesenel Alaiens kendidet long Sandaun provins.

Ol pipel i harim olsem kantri i bungim traipela hevi tru we nau i no gat mani na haus sik i no gat marasin na ol skul tu i kisim taim.

Ol pipel i harim olsem as bilong dispela ol hevi i kamap bikos gavman bilong tude i gat asua long kamapim paul pasin long hait na kamapim ol toktok na tingting long baim Sandlain ami long kam insait long Papua Niugini na kilim dai ol BRA paitman husait i pipel bilong dispela kantri.

"Prait Ministra i bin kam long Vanimo. Olgeta samting i no stret yet na em i kalap hariap na kisim bek wok olsem prait ministra. Na em i kamap long Vanimo na i tok em i no gat pekato.

Sir Michael daunim poin

Sir Michael tu i autim tok long gavman bilong Sir Julius long i no luksave wanem as tru BRA i wok long pait long en. Em i tok tu olsem gavman i asua long holim ol miting bilong en long ol ples arasait olsem long Honiara na Cairns long Australia.

Em i askim watpo Sir Julius i no laik holim ol miting ya long asples bilong ol BRA. Na painimaut wanem samting tru ol BRA i wok long pait long en.

"Wanpela samting tu i kamap em gavman i no lukautim gut ami bilong en yet. Sindaun bilong ol soldia long Bogenvil i nogut. Ol ka bilong ami i no gat speapat i nogat bensim na wel, ol soldia tu i nogat kaikai. Taim sindaun bilong man i no gutpela na yu tok long mekim wanpela samting - soru tu em as em i go inap karim o bihainim yu.

"Long asua bilong gavman, ol i kamapim tingting long baim ol traipela helikopta i gat masin gan, ol balus bilong pait olsem ol i bin yusim long wo.

Na gavman i tromoi nating K51 milien i go pinis long baim ol samting bilong pait. Mani i go pinis na mipela bai i mekim wanem nau?". Sir Michael i mekim.

Sir Somare i tok tu olsem wanpela bikipela giaman bilong Sir Julius wantaim namba tu bilong em husait i ministra bilong fainens, Chris Haiveta. Em tupela i tokim PNG olgeta olsem "mani bai i pulap na kampani. Ol tu i tok rifom taim i kamap bai dispela i kapsaitim mani i go insait long wanwan liklik ples. "Tasol tude yu go na mekim ol presiden bilong komyuniti gavman long mani. Ol bai tokim yu stret olsem i no gat mani", em i tok.

"Kwin mas givim namba long planti meri": Hayes



Maria Hayes i sanap long baksait, lephan, wantaim sampela meri long felosisip grup.

PRESIDEN bilong ol Katolik meri long Papua Niugini Maria Hayes bai kisim namba long Kwin Elizabeth II.

Misis Hayes em bilong Is Sepik Provins na em i stap namel long 50 manmeri husat bai kisim namba long Kwin Elizabeth.

Misis Hayes i stap namel long 14 manmeri husat i kisim namba ol i kolim Ordinary Members of Civil Division of the Most Excellent Order of the British Empire (MBE).

Man bilong em Charles Hayes i tok olsem i gat planti moa meri husat i wok long mekim bikipela wok tru long olgeta hap bilong kantri na faipela tasol i kisim namba.

Mista Hayes i tok olsem sapos i bin gat planti moa meri i kisim namba orait i mas gat sampela i kisim antap moa long MBE.

Famili i tok save pinis long mama bilong ol husat i stap nau long Is Sepik.

Misis Hayes i sanap resis egensim Sir Michael Somare long rigonol sit bilong Is Sepik.

Nius olsem em i kisim namba i wokim em i hamamas moa yet na em i strong long sanap egensim Somare.

Mista Hayes i tok em i no wari sapos meri bilong em i no kisim bikipela namba tasol em i no amamas bikos i gat planti meri long kantri i wokim bikipela wok tasol ol i no kisim luksave.

Pikinini meri bilong ol Claire i tok long mama bilong em: "Mi amamas tru long mama i kisim dispela luksave, i no olsem mama save kisim wanpela pe tasol amamas bilong em tasol long wok wantaim ol meri na komyuniti."

Taim mipela i askim em sapos em bai bihainim wok bilong mama bilong em Claire i tok: "Mi no save sapos bai mi bihainim wok bilong mama, tasol mama i putim pinis ol tingting bilong em long mi."

Misis Hayes i bin wanpela skul tisa tasol em i bin lusim dispela wok bikos em i gat bikipela laik long wok wantaim ol meri na komyuniti.

WANTOK

All departments. Phone: 325 2500 - Fax: 325 2579
P.O. Box 1982, Boroko, NCD, Papua New Guinea

Published Weekly, Thursday, for
Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola for Word Publishing Co. Pty Ltd.

Acting General Manager and Group Editor in Chief Anna Solomon

Papers distributed by air throughout PNG

Advertising Manager James DeLisle

Available by airmail subscription within Papua New Guinea and overseas

Editor of Wantok Leo Watwa

Advertising Deadlines Display Bookings and Camera ready copy: Tuesday midday
Classified Advertising: Wednesday 2pm

Word Publishing Company Pty Ltd is owned by the four major churches of Papua New Guinea: Catholic 55%, Lutheran 25%, Anglican 10% and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms of acceptance are available at Word Publishing Company Pty. Ltd., and are set out in full on the reverse side of its official Display Advertising Booking Form.

WANTOK

NIUSPEPA BILONG PAPUA NIUGINI STRET

Ol BRA i larim Momis i go fri

GAVMAN na ol pipel i mas wok long kamapim bel isi na sekan pasin long Bogenvil.

VERONICA HATUTASI
i raitim

Bogenvil Rijonal memba John Momis i bin mekim dispela tok tok long taim em i kamap long Buka long Tunde bihain long ol lain Bogenvil Revoluseneri Ami long Tinputz na Sentrel Bogenvil i bin holim em i stap inap tupela wik.

Mista Momis i singaut nau long bel isi na sekan pasin i mas kamap namel long ol BRA, resistens grup, ol wan wan grup long Bogenvil husat i gat belkros, ol sekyuriti fos memba na olgeta pipel long Bogenvil.

Long taim ol BRA i kisim Mista Momis i go long Panguna, em bin sindaun na stori gut wantaim Francis Ona na ol Bogenvil Interim Gavman (BIG) memba long planti samting we i sutim Bogenvil na hevi i stap nau long 10-pela yia. I luk olsem Mista Momis wantaim ol BRA lida i kamapim gutpela save na wok bung wantaim namel long ol Bogenvil lida na pipel long stretim hevi long ailan.

Opis bilong Bogenvil Trengsisenel Gavman i tok gutpela pasin, luksave na



• John Momis.

wok bung wantaim namel long BTG, sekyuriti fos, BRA/BIG i soim olsem ol i no gat samting bilong haitim na dispela

i gutpela.

"Wok bilong BTG i karim kaikai na mipela i amamas long gutpela pasin we ol BRA i lukautim Mista Momis na lusim em i kam bek", warpela opisa bilong BTG i tok.

Long wankain taim tu, Seketeri bilong Dipatmen bilong Pesonal Menesmen Peter Tsiamalili i makim Bogenvil komyuniti long Mosbi na salim bikpela tok amamas i go long Bogenvil primia, ol meri na sios grup, ol siefs, lida na ol arapela grup long Bogenvil husat i bin wok hat long kisim bek Mista Momis.

Em i tok pasin we ol BRA i mekim long lusim Mista Momis i go fri i soim olsem i gat hop long bel isi pasin, sekan na gutpela sindaun long Bogenvil bai i kamap.

Mista Tsiamalili i tok dispela em i namba wan taim ol BRA i holim wanpela biknem lida bilong Bogenvil na kantri husat i bin gat sans long stap na toktok wantaim ol bikman bilong BRA olsem Mista Ona na ol lain bilong em.

Em i tok moabeta ol lain husat i stap long wok bilong traime kamapim bel isi, sekan na gutpela sindaun long Bogenvil i harim ol toktok bilong Mista Momis.

Vot em i bikpela samting

OL PIPEL long kantri i stat vot long las wik Sarere na i kam inap nau ol i stat pinis long kaunim vot long sampela provins. Ol pipel bilong Mosbi na Westen Hailans i wok long kisim ripot nau long hamas vot ol kendidet long ilektoret i wok long kisim.

Wok bilong ileksen i no ran gut long sampela ilektoret. I gat ples we ol pipel i kamap na painimaut olsem nem bilong ol i no stap long buk. I gat ripot we ol vot pepa i sot na ol pipel i mas wet inap moa pepa i kamap. I gat ripot we i tok moa pipel i sanap yet long lain na long sikis klok apinun ol plisman i rausim ol na stapim wok.

Dispela ol hevi em i no nupela. Olgeta yia taim ileksen i kamap, wankain hevi i save kamap. Ol pipel i ting bai lilektoral Komisn i painim rot bilong abrusim ol dispela hevi. Tasol nogat. Olgeta taim wankain hevi i save kamap yet.

Yumi askim nau, ileksen i save kamap bihain long faivpela yia, orait long foapela yia, ol opisa bilong lilektoral Komisn i save mekim wanem kain wok tru? Ol i sindaun nating o ol i skelim ol hevi i bin kamap na wok long painim ol rot bilong abrusim ol dispela hevi. Watpo na ol i mas wet inap wanpela yia bipo long ileksen i kamap na ol i kirap nogut na hariap hariap long mekim wok.

Ol pipel husat i no vot i mas skelim nau. Em i asua bilong ol o em i asua bilong lilektoral Komisn. Sapos em i asua bilong yu, orait neks taim putim nem long buk na yu yet i mas go sekap gen long lukim olsem nem bilong yu i stap long buk. Nogut yu bilip long lilektoral Komisn i mekim dispela wok na bai yu kirap nogut long taim bilong makim vot pepa olsem nem bilong yu i no stap long buk.

Vot em i bikpela samting. Kantri bilong yumi i nidim ol gutpela lida. Na em i wok bilong yumi wan wan man na meri long makim ol gutpela lida husat i ken kamapim ol gutpela lo bilong lukautim sindaun bilong yumi tude na bilong ol tumbuna bilong yumi long taim bihain.

Bikpela amamas long Momis

BOGENVIL Rijonal memba na lida bilong Melanisen Alaiens (MA) Pati John Momis bai i kam bek long Mosbi tude apinun long Buka.

Bogenvil Revoluseneri Ami i bin larim em i go fri long Tunde, Jun 17.

Ol BRA i bin holim em na narapela bikman bilong MA pati, James Bili long Tinputz eria long Sande Jun 1. Tasol ol i bin larim fri Bili long Tunde Jun 9 na ol (BRA) i bin kisim Momis i go long hetkota bilong ol long Panguna.

Taim Momis i kam bek long Mosbi tude, ol lain Bogenvil komyuniti long Mosbi bai i holim wanpela welkam seremoni long tok amamas long lida bilong ol.

Long Tunde moning bihain long Hevi Lift helikopta i kisim Momis long Panguna insait long Sentrel Bogenvil i go bek long Buka na nius i go aut, bikpela amamas tru i bin kamap namel.

Long Buka ples balus yet, bikpela lain manmeri, pikinini na ol arapela bikman i bin bung long tok welkam. Wanpela bambu ben grup bilong Buka i paitim gutpela musik na planti pipel i bin amamas na krai wantaim long kisim bek Momis.

Pailot bilong Hevi Lift helikopta Gavin Radford wantaim Distrik Manesa bilong

Arawa Peter Siunai na narapela wokman bilong Sentrel Bogenvil edministresen Dokta Benedict Pisi i bin lusim Buka long 6 klok moning long go long ples Guava antap long Panguna we ol lain bilong Francis Ona i wok long lukautim em i stap.

Long Mande apinun, helikopta i traime long kisim Momis tasol klaut i haitim plesLong Mande moning wok-about i go gut tasol na helokopta i kisim Momis i go long Buka.

Bogenvil Primia Gerard Sinato, bos bilong ol sekyuriti fos long Buka Fowod Tektikal koman Leftene Kenel Tarua Falaniki, ol memba bilong BTG, Bogenvil edministresen na ol pipel long Buka i bin welkamim Momis long ples balus. Bihain Primia Sinato na ol opisa bilong em wantaim Kenel Falaniki i bung wantaim Momis.

Bihain long dispela, Momis i go wantaim ol Melanisen Alaiens Pati lain long Buka na wokim welkam kaikai long amamasim em.

Momis i bin kisim wanpela wik long han bilong ol BRA. Long dispela taim em i bin stap wantaim ol BRA lida long Panguna na miting wantaim ol. Ona wantaim ol lain bilong em i bin lukautim em gut na ol i no bagarapim em.

Momis i fri, Ona i laik tok sori na stretim sindaun long Bogenvil

BOGENVIL rigoonol MP John Momis i fri na BRA rebol lida Francis Ona i redi long tok sore na sindaun long stretim ol pait.

Dispela toktok i stap antap tru long olgeta tok Mista Momis i kisim i kambek long ples bilong Ona, Guava viles.

Ripot i kam long opis bilong Bogenvil Primia Gerard Sinato long tunde moning i tok i bin gat bikpela tok sore namel long Momis na Ona we tupela i bin sekan long Sande long Guava viles yet.

Ol BRA paitman i bin holim pas Momis long namba wan de bilong mun Jun long Tinputz we Momis i bin wok long kem-

pien. Ol i bin holim Momis wantaim Melanesian Party lida bilong em James Bili. Ol paitman i bin lusim Mista Bili i go fri long fraide Jun 6.

Helikopta bilong ol Hevi-Lift i bin go long Tunde moning long kisim Momis i kam bek long Buka. Long Mande tu helikopta i bin go tasol klaut i bin pasim tru ples na helikopta i no nap go daun.

Mista Momis i bin tok tenkyu long Francis Ona wantaim ol lain bilong em long lukaut ol i bin gimim long em.

Em i tok: "Bihain long dispela yumi mas wok wantaim long kamapim bek bel isi long Bogenvil."

Ol studen givim skul

OL STUDEN bilong Is Nu Briten husait i stadi lo Univesiti bilong Papua Niugini (UPNG) i surukim awenes progrem bilong ol i go moa yet.

Ol i bin laik kar n aut ol dispela progrem bilong ol long skul holid bilong ol tasol ol i surukim dispela i go long krismas.

Wanpela sumatin yet na projek kodineta, Linus Variop i tokaut olsem ol i bin kamapim dispela tingting long karim aut dispela awenes progrem bikos ol i pilim olsem em i wok bilong ol long toksave long ol lain pipol bilong pies long ol dispela ol samting.

Dispela tingting i bin kirap taim Fransis Koimanrea wantaim sampela ol arapela ol bikpela man i bin i go na sindaun na toktok wantaim ol.

Mista Variop i tok moa olsem nau yet ol sampela sumatin bilong Is Nu Briten long UPNG i wok long toktok yet wantaim ol lain long provinsol gavamn bilong ol long givim tok orait long sampela sumatin bilong ol long wok wantaim ol long krismas.

WANTOK

NIUSPEPA BILONG OL PNG STRET

P O Box 1982 BOROKO
Telepon namba: 325 2500

Feks namba: 325 2579

**PE BILONG WANPELA
YIA 52 NIUSPEPA**

PLES	AIR
Mosbi	K 40.00
Arapela PNG eria	K 75.00
Australia na Nu Silan	K115.00
Esia pasifik na Japan	K150.00
Amerika na Yurop	K215.00



TORO
TORO GO SANAP
OLSEM WANPELA
SKRUTINI LONG
WANPELA POLING
BOOT LONG
GORDENS!!!

EM SAPOTIM WANPELA
KENDIDET NA TOKIM
OL MANMERI SANAP
LONG LAIN LONG VOTIM
EM!!!
PEST! YUPELA
VOTIM MIKES!

SAPOS YUPELA LAIKIM
EM, PUTIM TICK ...
SAPOS YUPELA LES
LONG EM, PUTIM
EX . OKE?

NAU ELEKTOROL OPISA
ILUKIM OLSEM NA
EM BELHAT LONG TORO..
HOI! YU! MASKI
PAULIM OL VOTAS!!

OL POLIS I KIRAP
NA APIM TORO NA
SUBIM EM IGO
INSAIT LONG BALOT
BOX NA KARIM
EM I GO!!!

Ol Bogenvil stori wantaim VERONICA HATUTASI

Saut Bogenvil bai vot long Mande

BRA kilim yangpela papa

WANPELA man i dai pinis na narapela tupela i stap long Arawa Fil haus sik bihain long sampela lain Bogenvil Revoluseneri Ami i sutim ol.

Birua i bin kamap long Mande nait long samting olsem 10 klok. Ripot i kam long PNG Difens Fos het-kota opis long Lohoho i tok tripela man ya i wokabaut i go long ples bihain long ol i kisim wanpela sik pikinini i go long haus sik taim ol BRA i banisim na sutim ol.

Daiman em i bilong ples Pavaire klostu long Arawa na narapela tupela husat i stap long haus siki bilong Sirowai.

Ripot i tok ol lain BRA bilong Pavaire, Amoin na Rumba i kamapim dispela birua.

"Pasin we ol BRA i wokim long kilim ol man nating na ol siklain i nogut tru. Em i pasin bilong sik sosaiti", Leftenen Kenel Tokam Kanene, bos bilong Bogenvil operesens long Lohoho i tok.

Kenel Kanene i wari bikos dispela birua i kamap long eria we ol i makim olsem "Not Nasioi Pis Zon".

"Long eria we ol i makim olsem pis zon i karim kaikai, ol pipel yet husat i save stap long en (eria ya) i mas givim sapot na lukim olsem ol i bihainim dispela tasol i luk olsem dispela i no go gut long Not Nasioi", Kenel Kanene i tok.

Ripot i tok Arawa nau i no gutnau. Bikos long dispela asua i kamap, ol yangpela bilong asples i askim ol sekyuriti fos long givim ol samting bilong pait tasol ol ami i no yesa long ol. Ol i larim ol siefs na ol bikman bilong ples long stretim dispela hevi.

OL I SURUKIM taim bilong vot long Saut Bogenvil i go long neks wik Mande Jun 23. Long pastaim voting long dispela eria inap kamap long dispela Mande Jun 16.

Ilektorol opis long Buka i tok hevi i kamap bikos Hevi-Lift helikopta i laikim ful pei pastaim bipo ol i go het long karim ol opisa na ol balot pepa bokis bilong ileksen.

Tasol opis i tok Hevi Lift helikopta kampani i kisim pinis mani long dispela wik. Vot long Buka Distrik i bin stat long

Tunde na i go gut. Tasol planti wanem sampela asua i bin kamap long komon rol.

Dispela hevi i kamap long wanem sampela asua i bin kamap long kompyuta taim ol i wok long rekotim nem long putim long komon rol. Opis i tok long stretim dispela hevi, ol i bin putim nem bilong sampela pipel long saplimenteri rol. Sampela em asua bilong ol bikos ol yet i no putim nem bilong ol.


Vot long Tinputz distrik i bin stat tu long Tunde.

Opis i tok nogat trabel i kamap long olgeta hap bilong provins long bagarapim wok go het bilong ileksen.

Ol Bogenvil pipel husat i stap nau long ol arapela hap bilong kantri na ol i aplai long wokim postel voting bai inap long vot tu. Elektorel opis long Buka i salim nem na namba bilong ol long wanpela lista i go long ilketorel komisin opis long wanem hap ol i stap long en na ol lain Bogenvil i ken makim ol lida long provins bilong ol yet.



CATHOLIC COMMISSION FOR JUSTICE, PEACE & DEVELOPMENT P.O. BOX 6576 BOROKO, N.C.D PAPUA NEW GUINEA.



Redi long 1997 nesanel ileksen

- 13. Yumi mas skelim ol promis bilong kendidet na lukim sapos dispela promis bai inap karim kaikai o nogat.
- 14. Yumi mas lukim sapos kendidet i yusim mani long baim ol vot. No ken harim gris na salim vot bilong yu.
- 15. Yumi mas strong na tok nogat long kendidet husat i raun long baim vot.
- 16. Yumi mas skelim mani bilong ol lida husat i laik resis long ileksen. Ol i kisim dispela mani we tru? Ol i kisim long hatwok bilong ol yet o nogat?
- 17. Kendist husat i tromoi nating mani, bai i mekim wankain pasin long mani bilong gavman sapos em i win.
- 18. Pasin bilong helpim wantok em i gutpela long pasin bilong yumi. Tasol long taim bilong vot, no ken votim wantok sapos yu save olsem em i no inap kamap gutpela lida. Makim lida husat i gat tingting long helpim kantri bilong yumi.
- 19. Sapos kendidet i tok em i wanpeal kristen, orait yumi mas skelim em i wanem kain kristen tru.
- 20. Tingim gut, yumi ol vota yet i save makim gutpela o nogut gavman.



Stail bilong Buka yet... •Tupela ya em, mama Eva Betson na pikinini meri bilong em i wetim sampela lain bilong ol long Buka ples balus.

BIZ BIABIA WET NA BETEN LONG HAUS TAIM OL ELEKTROL OPISA KAUNTIM VOT...

PLIS PAPS, MI LAIK WIN! GIV MI A SANS!

OLGETA MANMERI HARIM EM AUTSAIT NA OL I TING BIABIA ISIK NA SINGAUT ISTAP...

RINGIM AMBALANS, MAN YA LAIK DAI NAU!

AIYOOO! I WANT TU WIN! WIN! WIN!

BAGA BETEN STRONG TRU...

PLISS, HELP MI! AAH! PLISS! PAPS, I WANT TU WIN YAAH, PLISS...

!?!?

NAU AMBALANS IKAM NA OL I RON I GO INSAIT NA KIRAP NOGIT LONG LUKIM BIABIA BETEN ISAP...

ESKUS MI LOD... (SOB!)

!?!?

ELEKGEN FIVA...

Bai i nogat wan de vot long Bogenvil

DE BILONG vot long Bogenvil em ol i no banisim long wanpela de tasol.

Provinsal Ritening Opisa Mathias Pihei i tok pastaim ol i bin plen long holim wanpela de bilong vot long saut, sentrel na sampela hap bilong not Bogenvil. Dispela em ol eria we ol i ting bai trabel i kamap bikos ol lain Bogenvil Revoluseneri Ami i strong insait long ol ples ya.

Tasol Mista Pihei i tok taim ol i glasim ol samting na tu laik bilong planti pipel i laik vot tasol wanpela de i no inap, ol i larim vot i go abrusim wanpela de.

Em i tok wanem ol i mekim nau em long larim vot i go long tu na tripela de na sapos nogat man i go long ples bilong vot, ol bai pasim na pinis.

Ol pipel bilong Nissan Ailan long Atols distrik em ol namba wan lain long vot long las Sarere Jun 14, em de tu we taim bilong givim vot i op long kantri.

Long Buka distrik, vot i bin stat long dispela Mande Jun 16. Long Sentrel Bogenvil ol pipel i vot long Trinde Jun 18. Na long Saut, voting bai i stat long Mande Jun 23.

Mista Pihei i tok long sampela hap bilong biples, ol BRA i katim ol diwai long stapim ol manmeri long vot tasol dispela i no stapim ol pipel. Ol i go het yet long vot. Dispela i kamap long ol ples olsem Inus long Wakunai eria na Siara long not Bogenvil.

Em i tok provins i nogat bikpela hevi long ol man i no vot bikos taim ol man i no lukim nem bilong ol long nupela komon rol pepa, ol i wok long sekim gen long olupela enrolmen fom na long dispela rot no gat planti hevi i kamap. Tu planti pipel em nem bilong ol i stap pinis long komon rol. Em i tok sampela i kisim taim bikos ol i no save givim bikpela tingting long putim nem bilong ol long komon rol.

Sentral Bogenvil ileksen go het gut nogat trabel

DISTRİK Manesa
bilong Sentral
Bogenvil Peter Siunai
i tok Sentral ilektoret
i go het long wan de
vot long Trinde na
olgeta samting bai go
het gut tasol.

"Mi no save long ol
taim bilong ol arapela
ilektoret long vot na
ol redi olsem wanem
long ileksen olsem na
mi ino inap tokaut,"
Mista Siunai i tok.

Tasol long Sentral
ilektoret olgeta sam-
ting bilong ileksen i go
gut na ino gat hevi o
trabel i kamap long ol
BRA. I gat liklik hevi
tasol em long sait
bilong ilektoral
Komisen olsem ol i no
kisim nupela komon-
rol.

Mista Siunai i tok ol
i stretim komon rol na
nem bilong ol pipel na
salim i kam long
ilektoral Komisen.
ilektoral Komisen no
salim dispela nupela
komon rol i go bek
haraip. "Dispela asua
i no inap kamapim

planti hevi tumas long
ilektoret," em i tok.

Em i tok distrik i bin
gat trening program
na wok redi long ilek-
sen olsem na i mekim
isi long wok bilong ol.
Ol sevenpela tim i
lukautim Sentral ilek-
toret we foapela i stap
long Arawa na tripela i
go ol ples.

Mista Siunai i tok
vot pepa i kamap long
Sentral Bogenvil long
taim. Em i tok bihain
long vot olgeta pepa
bai go long Buka we
bai ol bai kaunim. Vot
pepa bilong olgeta
ilektoret tu bai i go
stret long Buka.

Ilektoral Komisen i
givim inap sapot long
ol opisal. Ol givim
helikopta na spid bot
long helpim wok
bilong ileksen i ran
gut.

Mista Siunai i tok ol
planti pipel insait long
ilektoret i amamas tru
na redi tasol long vot
long ol 12 kendidet i
resis long Sentral
Bogenvil ilektoret.

Vot pepa i sot long Westen Hailans

PROVINSAL poling opisa bilong Westen Hailan
Jack Karani i tokim Wantok long dispela wik olsem
provins i gat wan de long vot long Mande tasol ol
vot pepa i sot. Anglip Saut Waghi na Tambul
Nebilyer i sot long pepa olsem na ol i skruim taim
bilong vot i go long Tunde.

Tupela ilektoret hia i kisim nupela saplai long vot
pepa na kisim lef ova pepa bilong ol arapela ilek-
toret we i pinis vot long Mande.

Ol bos i go pas long ileksen i no skelim gut
hamas vot pepa bai i go antap long Westen Hailan.

Mista Karani i tok dispela em liklik samting we ol
opisa bai i stretim na i no kamapim trabel.

Ol 646 poling tim wantaim ol plis na 300 soldia i
lukautim ileksen long Westen Hailan.

Mista Karani i tok plis na soldia i go long helikop-
ta na wakabaut i go long ol ilektoret. Ol i karim gan
long was tasol nogut trabel i kamap.

Ol plis na soldia i helpim ol opisa bilong ilektoral
Komisen i laikim ileksen i ran gut tasol.

Em i tok aut olsem long Mande 443 vot tim i go
aut long ol ilektoret long taim bilong vot. Na 203
poling tim opisal bilong Anglip Saut Waghi na
Tambul Nebilyer i stap inap long Tunde.

Mista Karani i tok taim vot i pinis bai ol i karim
olgeta pepa i go long ples bilong kaunim vot.

Em i tok ol opisal i tingting gen olsem i gutpela
moa long pinisim vot bilong Anglip Saut Waghi na
Tambul Nebilyer na bihain bai ol i kaunim vot.

Mista Karani i tok tu olsem ol i laik hariapim wok
bilong ileksen bikos nogut ol i westim taim na tra-
bel i kamap. Ilektoral Komisen i redim gut na givim
inap taim na moni long trenspot bilong ol tim opisal
wantaim ol plis na soldia.

Wok i mas kamap gut long mekim ol kendidet na
pipel i amamas long dispela ileksen.

I gat 15 kendidet i resis long rigonal sit na 124 i
resis long ol open sit long provins na olgeta ol
kendidet i sanap long dispela ileksen inap olsem
139.



□ Ileksen taim tasol dispela i no stopim dispela meri Baining long go salim ol bikpela taro long Kokopo maket. Long Mosbi, olgeta bikpela maket i bin pas long Mande long larim ol manmeri go vot.

Pokawin i tok em bai win

OPEN Memba na Gavana bilong
Manus Stephen Pokawin i tokim
Wantok long olsem em i winim
pinis riginol sit bilong provins.

Mista Pokawin i tok em i no
wari o sem long tokaut long win
long publik bikos ol pipel i tokim
na sapotim em olsem dispela sia
i bilong en.

Wanpela kendidet husat bai
salenim em i memba nau i holim
dispela sia, Arnold Marsipal.

"Mi no save gut yet long dis-
pela taim long husat kendidet bai
i winim na holim open sit," em i
tok. Ol publik tu, ino inap save
yet bikos i gat foapela gutpela
kendidet i resis.

Taim bilong vot long Manus bai
kisim wanpela wik olgeta na stat
long las Sarere namba 14 na
pinis long dispela Sarere namba
21. Taim long kaunim vot bai i
stat stret long Sarere long tei
rum na bai kamap long redio we
ol pipel i ken harim.

Kempen stail long Manus i gut-
pela tru na i no kamapim wan-
pela trabel.

Ol pipel i soim rispek long ol
kendidet long taim bilong kempen.
I no gat wanpela kros o pait
i kamap namel long ol sapota o
pipel.

Nesanel Gavman i tokim olge-
ta provins pinis long putim kefiu
long taim bilong ileksen.

Tasol Manus province i les
long kefiu na ino inap putim
bikos provins i orait na i no laikim
kefew.

Mista Pokawin i ting sapos
nesanel gavman i tok strong yet
long mekim kefiu long Manus.

Mi (Pokawin) bai i kisim ol
pipel na mangi bilong mi long
kamaul long olgeta nait long 10
kilok long singsing, danis, toktok
na mekim kankain samting.
"Mipela bai mekim," em i tok.

Bipo yet, provinsal gavman i
stopim stua na klab long salim
bia na strongpela dring inap long
foapela yia.

Provinsal gavman i tingting
long rausim dispela tambu long
Julai 31 long dispela yia.

Yunivesiti eria i stap isi

PLES bilong vot long yunivesiti i
stap isi na olgeta wok bilong
kisim vot i ran gut.

Ol plisman wantaim ol opisa
bilong ilektoral Komisen i ama-
mas long pasin bilong ol studen
long uni. Ol studen i holde nau
tasol long taim bilong vot ol i go
bek long vot.

Yunivesiti Administresen i bin
salim nem bilong ol studen i go
long ilektoret Komisen long
putim insait long komon rol. Ol
studen husat i winim 18 krismas
bai vot long ilektoret we yuni-
vesiti i kam aninit long en. Poling
taim i stat long moning na pinis
long alpinun bikos ol studen i
planti tru.

Ol studen i go wantaim ol aidi
kad namba bilong ol long soim ol
opisal olsem em i stap long yuni-
vesiti. Na tu ol poling opisal bai
sekim sapos nem long aidi i
wankain olsem long komon rol o
nogat.

Plis Opisa Michael Ben i tok ol
plis i stap long yunivesiti i no
karim wanpela gan bikos ol i billip
olsem ino gat trabel bai i kamap.
Em i tok sampela eria bilong
Mosbi we plis i ting trabel bai i
kamap long en, ol i go wantaim
gan long sambai tasol.



□ Ol opisal long lektoral Komisen. Foto: IVAN BAYA-GAU

Long yunivesiti ol poling opisal
wantaim plis i kisim 700 vot pepa
i go long ol studen long yusim
long makim ol kendidet.

Mista Ben i tok insait long Pot
Mosbi Not Wes ilektoret i gat
120 vot tim i bin wok. Em i tok
insait long yunivesiti eria wan-
pela vot tim i stap long Fort Bena
na arapela i stap long Forum
eria.

Na wanpela tim tu i stap long
Nesanel Riset Institut (NRI)

klostu long yunivesiti. Em i tok
sapos olgeta studen i pinisim
laik bilong ol long vot ol bai kisim
vot pepa i go long Admin Koles
we ol bai kaunim vot.

Dispela em i tali rum bilong
Mosbi Not Wes ilektoret tasol
bikepla ples bilong kaunim vot
em long Sir John Guise
Stadium. Taim bilong kaunim
vot bilong Nesanel Kepitel
Distrik i stat long Tude apinun.

I gat 39 kendidet i resis long
Mosbi Not Wes.



TOKSAVE

Bos bilong Ileksen 97 Mista
Reuben Kaiulo i tok long
aste Tunde Jun 17 olsem
em i sori na kros wantaim
long olplanti manmeri husat
i no inap long vot long
ileksen.

Mista Kaiulo i tok em i sori
long wanem ol i no vot na
em i kros long wanem asua
i stap long ol dispela lain
yet.

Mista Kaiulo, husat em i
ilektoral Komisen, i mekim
dispela toktok long wanem
planti manmeri bilong Pot
Mosbi i no vot long Mande
Jun 16.

Ol i no vot long wanem nem
bilong ol i no stap insait
long buk bilong ileksen em
ol i kolim Komon Rol.

Ol manmeri husat i laik vot
i mas putim nem bilong ol
pastaim long Komon Rol
bipo ol inap long vot.

Planti ol manmeri bilong Pot
Mosbi i kirap nogut taim ol
i painim olsem nem bilong
ol i no stap insait long
Komon Rol.

Ol dispela lain manmeri i
tok olsem ol ileksen ofisa
yet i bin putim nem bilong ol
long Komon Rol taim ol i
raun long ol wanwan haus
insait long Pot Mosbi long
kisim nem bilong ol vota.

Ol arapela manmeri bilong
Pot Mosbi i ting olsem nem
bilong ol i stap yet long
Komon Rol long wanem ol
i bin vot long 1992 ileksen.

Wanpela femili bilong Mista
Kaiulo yet i no bin vot long
wanem nem bilong em i no
bin stap long Komon Rol.

Mista Kaiulo i tok dispela
hevi i no inap kamap sapos
ol manmeri i bin harim
wanpela toktok em i bin
mekim long Jenuei 14 long
dispela yia.

Long dispela taim Mista
Kaiulo i bin askim olgeta
manmeri husat i laik vot
long i go long ol ilektoral
Kominis ofis long hap bilong
ol na sekim nem bilong ol
long Komon Rol.

Em i tok ol manmeri i noken
wastim taim na wet i go
inap long taim bilong vot
long sekim nem bilong ol
long Komon Rol.

Mista Kaiulo i tok long
dispela taim olsem dispela
kain pasin i bin bagarapim
ol ileksen bilong bipo na
em wantaim ol ileksen ofisa
bilong em i no laikim ol
manmeri long mekim
dispela kain pasin long
ileksen 97.

Dispela toktok bilong Mista
Kaiulo i bin kamap long
Ileksen Toksave bilong
Wantok, Post-Courier na
National Niuspepa long
Jenuei 15.

Long Mas 4 na Mas 6 Mista
Kaiulo i bin askim ol
manmeri ken long sekim
gut nem bilong ol long
Komon Rol. Nogut bai i gat
asua ol ofisa bilong em i no
painim.

Mista Kaiulo i tok nem
bilong ol manmeri husat i
bin vot long 1992 ileksen i
no stap long Komon rol
bilong ileksen 97 long
wanem olgeta nupela
ileksen i mas gat nupela
Komon rol na ol manmeri i
mas putim nem bilong ol
ken long vot.

Mista Kaiulo i tok ol
wokmanmeri bilong em
inap long stretim gut ol nem
insait long Komon Rol
bilong ileksen 97 sapos ol
vota i bin bihainim gut toktok
em i bin mekim long Jenuei
14, Mas 4 na Mas 6.

TU MINIT TINGTING

Pasin bilong pogivim narapela



FRANK MIHALIC i raitim

tasol, em bai givim tok nogut long yu na i rausim yu olgeta long hia."

Orait, nau seketeri ya i go tok save long bisop long dispela ripota nogut i stap. Tasol bisop i no kros. Em i givim oda long seketeri olsem: "I orait, bai mi go lukim em."

Ripota i wet na i guria nogut tru. Tasol bisop i kam insait long rum, na i go long ripota na i sekan wantaim em na em i tok olsem long ripota, "Mista ripota, yu bin raitim planti giaman stori long mi. Mi laik tok save long yu olsem: planti dispela stori bilong yu i no tru olgeta.... Orait. Nau mi inap helpim yu olsem wanem?"

Yu lukim pasin bilong bikpela man? Em i save pogiv, na kwiktaim em i laik mekim gut na helpim man i bin mekim nogut long em.

Long olgeta de yumi olgeta wan wan i gat sans bilong pogivim narapela man o meri. Long wanem, long olgeta de yumi save mekim asua na pundaun long kain kain liklik rong, na tu yumi save putim nating hevi long ol narapela manmeri. Pasin pogiv em i wanpela mama lo bilong yumi Kristen.

Yumi save pinis long stori we sen Pita i askim Jisas long em i mas pogiv hamas taim. Ol Judaman i gat pasin long pogivim narapela manmeri inap tripela taim.

Bihain, i nogat moa. Olsem na taim Pita i askim Jisas sapos em i mas pogiv inap 7-pela taim, em i dabolim lo bilong ol wantok bilong em.

Tasol yumi save gut long tokbek bilong Jisas. Em hia: "Mi no tok long yu mas pogivim rong inap 7-pela taim tasol. Nogat. Mi tok, yu mas pogivim inap 70 taim 7-pela taim." (MT18: 22). Dispela i min: yumi mas pogivim arapela manmeri oltaim.

Orait, nau sapos wanpela man o meri i bin mekim rong long yumi na yumi laik soim em yumi pogivim em pinis, bai yumi mekim wanem? No gut yumi wet inap em i askim yumi long pogivim em. Em bai sem tumas. Tasol sapos yumi lukim man o meri ya i laik mekim gut long yumi na helpim yumi, orait, givim sans long em. Pasin helpim i soim pogiv bilong em.

Na yumi tu inap mekim wankain pasin sapos yumi yet i bin mekim nogut long wanpela man o meri. Yumi mas go tasol na helpim em long wanpela kain we. Sapos em i larim yu i helpim em, orait, dispela i min em i bin pogivim yu.

Pasin pogiv em i wanpela gutpela marasin bilong lewa bilong yumi. Long taim yumi belhat, i olsem wanpela sua i stap insait long bel bilong yumi na i wok long kaikaim insait bilong yumi. Pasin pogiv i pinisim dispela sua.

Ating yumi lus tingting long wanpela poin. Em hia: long taim yumi kros na belhat long wanpela man o meri, dispela i no save givim liklik pen long em. Nogat. Ating em i no save olgeta long yumi kros long em. Pasin kros i bagarapim yumi tasol.

I gat wanpela las poin bilong pasin pogiv; em i stap insait long wanpela stori. Wanpela bikpela man i gat pasin insait long famili bilong em i go olsem.

Bihain ol i pinisim kaikai bilong nait, ol i save nildaun nabaut long tebol na wokim beten bilong nait. Na

ol i save pinisim beten bilong ol wantaim "Papa bilong mipela."

Orait, long wanpela nait famili ya i wokim beten bilong em, na namel long beten bikpela man ya i sanap na i go arasait. Meri bilong em i wari na i go bihainim em na i askim em, "Ating yu gat sik, laka?"

Na em i bekim tok olsem, "Nogat. Mi no gat sik. Tasol tude mi bin pairap long wanpela man na mi kros nogut tru long em, na mi no pogivim em yet. Olsem na mi no inap beten "Papa bilong mipela" we i gat tok long pogivim ol narapela manmeri. Mobeta mi no beten "Papa bilong mipela."

Ating planti taim yumi save lus tingting long dispela poin na yumi beten nating. Sapos yumi bilipim tru tok yumi mekim insait long "Papa bilong mipela," orait, i no mas gat wanpela man o meri husat yumi no bin pogivim.

Long wanem, yumi askim God long pogivim yumi olsem yumi bin pogivim pinis narapela manmeri. Na sapos yumi no pogiv pinis, yumi askim God long no pogivim yumi. Sapos yumi beten olsem, yumi stupit tru. Mobeta yumi no beten "Papa bilong mipela" Olgeta.

Ating yu bin tingim dispela poin long sampela taim, laka?

Bisop Gadebo i opim Holi Famili haus lotu long Hohola



Anglikan Bisop Isaac Gadebo i opim Holi Famili haus lotu long Hohola, Mosbi Asdaiosis. Foto: WENCESLAUS MAGUN

"LUKIM dispela sain, yupela ol spirit nogut, na lusim dispela ples," Bisop Isaac Gadebo i tok, taim em i sutim dua bilong nupela Holi Famili haus lotu long Hohola peris na opim. Klostu 400 bilipmanmeri na pikinini bilong Anglikan Sios i bin bung na misa wantaim Bisop Gadebo na Pater Caedmon Koeba na ol arapela pater long Holi Famili peris long Jun 14.

WENCESLAUS MAGUN i raitim

Dispela de i makim wanpela bikpela samting long laip bilong ol Anglikan long Holi Famili peris. Em i de ol i kam bung amamas wantaim bikpela misa na givim tenkyu i go long God na long ol yet. Bikos ol i bin wok hat tru long painim mani bilong wokim dispela Holi Famili Haus lotu we ol i opim long dispela de.

Long makim maus bilong ol peris pipol, peris pris, Pater Koeba i tok, em i amamas tru long lukim hatwok bilong ol bilipmanmeri na

pikinini long peris bilong em i karim kaikai.

"Dispela em i sain bilong bilip bilong ol Anglikan long Holi Famili peris. Ol yet i wok hat long painim mani na kamapim samting olsem K120,000 long wokim dispela haus lotu," Pater Koeba i tok.

Pater Koeba i tok i bin kisim samting olsem 7-pela yia olgeta long ol long painim dispela mani we ol i yusim long bekim bek K50,000 long WesPac Benk. Ol i bin kisim K30,000 olsem dinau mani long WesPac. Na narapela hap bilong mani ol i bin yusim long baim ol samting bilong wokim misa wantaim ol samting bilong wokim haus lotu stret.

Taim mi kamap stret long haus lotu, mi kirap nogut long harim wanpela man i paitim dua olsem ol stilan i laik brukim haus na i go insait. Mi ting sampela lain i pait na paitim dua bilong haus lotu o wanem samting i kamap. Olsem na kwiktaim mi ron i go long pes bilong haus lotu long sekim wanem samting i kamap. Mi bin kirap

nogut taim mi lukim olsem Bisop Gadebo i yusim stik bilong ol bisop long paitim dua olsem sain bilong opim dispela nupela haus lotu.

"Dispela em i ples holi. Yupela i mas kam bung na beten. Dispela em i de yumi givim i go long God bilong amamas long dispela nupela haus lotu na amamas tu wantaim Krais," Bisop Gadebo i tok. Em i tok, Krais em i het bilong Sios na ol kristen i bodi bilong en. "Insait long Krais yumi inap painim gutpela kaikai bilong strongim bodi na sol bilong yumi," em i tok.

Bisop Gadebo i tokim ol lain Anglikan long Holi Famili peris olsem em i amamas tru long ol. "Dispela peris em las peris bilong mi long Nesenel Kapitel Distrik, tasol yupela i soim mi olsem pasin yupela i mekim bilong painim mani na wokim dispela haus lotu i namba wan stret," Bisop Gadebo i tokim ol.

Bisop Gadebo i salensim ol bilipmanmeri na pikinini long go long misa olgeta de na kisim sakramen bilong Oikaristia.

Madang Yunaited Sios go "Outreach" long Yonki

BIHAIN wanpela singaut i kam long ol kristen long Yongki las mun, ol Yunaited Sios bilong Madang bai salim 20 memba bilong ol "gospel singers" bilong ol i go long Yongki na autim tok bilong God. Dispela "Outreach" bai kamap long Jun 20 inap long 22, 1997.

Yunaited Sios Lay Evanjelis, Silas Zale i tokim Wantok olsem dispela grup bilong em bai go na strongim bilip bilong ol bilipmanmeri na pikinini long God.

"Mipela bai traिम long helpim ol kristen long Yongki long painim God, luksave long Em, Harim tok bilong Em na bihainim Em," Mista Zale i tok.

Dispela em i namba wan taim ol liklik lain kristen long Yongki i askim mama Sios bilong Yunaited Sios long Madang long salim sampela memba bilong Sios long go bungim ol na serim tok bilong God.

Mista Zale i tok dispela bung em i bilong olgeta susa Sios.

"Long dispela taim mipela i laik bung wantaim ol arapela kristen bilong ol arapela Sios na olsem wanpela bikpela kristen famili, mipela i ken telimautim tok bilong God, na serim ekspiriens bilong mipela wan wan long narapela narapela long God," Mista Zale i tok.

Em i tok, taim ol i go bek long Madang, ol bai holim ken narapela "Outreach".

Dispela bung bai kamap long Julai 3 i go long 6.

Ol i tingting long askim wanpela Pasto bilong Luteran Sios long Lae, Pasto Anoma na wanpela sumatin lida long Yunivesiti bilong Teknoloji long Lae, Mista Eddie bilong go pas long dispela bung.

Yunaited Sios long Madang i redi tu long bungim yia 2000 wantaim kankain ol ektiviti bilong strongim bilip bilong ol bilipmanmeri na pikinini insait long Sios bilong ol.

Vunapalading Komyuniti givim pater presen

LONG Jun 1, 1997, moa long 1000 Katolik manmeri na pikinini i bin bung long selebretim bikpela misa long Vunapalading Katolik peris. Dispela Misa em i spesel bikos em i de bilong Korpus Kristi pestode.

Long dispela Misa ol pipel i witnessim tupela nupela marit i mekim promis na wanpela papa wantaim pikinini i kisim namba wan komunio.

Bihain long Misa ol pipel i givim presen mani na ol narapela samting i go long peris pris bilong ol Pater Paul Toluaina.

Dispela em i wanpela pasin ol pipel i save mekim long olgeta yia long de bilong Korpus Kristi.

Ol i save tok tenkyu long peris pris long ol wok em i mekim long lukautim peris bilong em.

Sampela ol Komyuniti long Vunapalading peris husat i givim ol dispela presen i go long peris pris em long: Vunapalading i givim K400, tripela sia na kofi meika, Vunapalading tu i givim K200, tripela sia na kofi tebol, Usuwit i givim K100 na wanpela dasen glas bilong dring wara, Mandres i givim K200, na Burit bai givim bihain. Olgeta mani ol pipel i bungim wantaim i kamap olsem K1,100.

Pater Toluaina i tenkim ol pipol long givim em mani we em bai yusim bilong lukautim em yet na i tok olsem ol presen olsem ol sia samting em bai givim i go long peris.

Em i tok tu olsem em i wok bilong ol pipol long peris long painim mani long pinisim haus bilong pater na haus lotu bilong peris.

German Gavman i helpim ol pipel long stretim sindaun long ples

RAVAL Vokesenel Senta (RVC) long Is Niu Briten i stat long givim sampela sotpela skul i go long wanem ol pipel i stap klostu long Gazelle Peninsula long Rabaul long stretim sindaun bilong ol.

As tingting bilong dispela skul em bilong skulim ol pipel long ples long stretim na kamapim gutpela sindaun long ples. Olsem bai ol i amamas long stap long ples. Dispela em i namba wan bilong ol lain long Rabaul long kisim kain skul. Ol lain bilong "German Technical Cooperation" (GTZ) i bin putim mani bilong ronim dispela skul. Na ol voluntia bilong German Development Sevis (GDS) yet i go pas long skulim ol pipel.

Ol tisa bilong GDS i save tis long RVC. Na skul ol i wok long givim i ken go inap long tupela de o sampela taim inap go long 10 de.

I gat 13 pela kainkain kos insait long dispela skul. Ol dispela kos

bai stat long dispela mun na pinis long Septemba.

Sampela ol kos ol pipel inap lainim long dispela skul i olsem: stretim humben bilong pis (tripela de), wokim tenk wara wantaim simen (faiv pela de), ronim liklik bisinis (10 de), mekim dua (tripela de), we bilong mekim haus, (tripela de), we bilong mekim baket (tripela de), kisim save long laip bilong man olsem bai wan wan man i ken save long lukautim em yet na ol arapela (faiv pela de), we bilong lukautim pik (faiv pela de), we bilong lukautim kakaruk (faiv pela de), salim ol kaikai long maket (tupela de), we bilong lukautim hani (faiv pela de), we bilong stretim ka (tripela de), na we bilong stretim bot (tupela de).

Ol lain bilong GDS i no sasim bikpela mani long ol lain long ples husat i laik kisim dispela skul. Ol lain i laik kisim dispela skul i ken baim skul fi long mak bilong K6 i go inap long K60.

Man i go pas long dispela projek Bruno Hanke i tok dispela skul i lukluk long helpim ol pipel i stap long ples.

"Husat ol lain i kam kisim ol dispela skul i ken yusim dispela save long statim ol liklik bisinis bilong ol long helpim ol yet na ol arapela pipel" Mista Hanke i tok.

Em i tok tu olsem tingting long kamapim dispela skul i kam long ol man na meri long ples yet. Viles Trening na Developmen Komiti yet i mekim wanpela wok painim aut olsem ol pipel long ples i gat laik na amamas long stretim sindaun bilong ol.

Olsem na ol i go het na askim ol lain long GDS long givim ol dispela skul long ol.

Dispela ol kain projek German Gavman i givim moni long ronim i stap tu long Westen, Gulf, Morobe, na long Isten Hailans provins.

"Ol Manam long Bogia, go bek long Manam": Barter

MINISTA bilong Provinsal na Lokel Level Gavman Peter Barter i askim Sekreteri bilong Lans long mekim wanpela wok painim aut long sekim ol graun long Manam Ailan.

Ol bai mekim dispela wok painim aut long sekim sapos graun bilong ol pipol long Manam i gutpela yet long planim kaikai o no gat bihain long Manam i paia na das i karamapim planti ples long ailan.

Mista Barter i mekim dispela bihain long wanpela midia ripot Wol Visen i mekim long ol gaden long Manam.

Opis bilong Minista Barter i kisim pinis wanpela ripot i kam long Dipatmen bilong Praimeri Industri (DPI) i soim olsem ol das i kamap long maunten i paia i no long taim i go pinis i wankain tasol olsem ol das bilong paia long bipo.

Ripot i soim tu olsem dispela ol nupela das i no gat poisin ol i kolim long "toxic gas". Dispela i min olsem i no gat samting i rong long graun bilong maunten i paia bilong bipo we ol i save wokim gaden. Na nau tu bai no gat sam-

ing i bagarapim ol gaden kaikai.

Ripot i soim tu olsem taim bikpela ren i kam daun em bai mekim graun i malmalum na gutpela long planim kain ol kaikai olsem taro, banana, tapiyok na aibika.

DPI i salim pinis ripot bilong en i go pinis long presiden na administreta bilong Bogia. Dispela ripot i tok klia olsem no gat wanpela rong long graun. Mista Barter i amamas tru long dispela ripot bilong DPI na i askim olgeta Manam pipel long go bek long ailan. Mista Barter i tokaut olsem em i wari long Gavman i yusim bikpela mani long lukautim ol Manam pipel long Bogia.

Em i tok tu olsem ol pipel i mas go bek pastaim long ailan na givim inap taim long gavman na ol bikman long aspies Bogia long paitim gut toktok long ol Manam pipel long go na sindaun long ol plentesin long Bogia we Gavman i baim pinis.

"Nesinel Gavman i mekim dispela tingting long baim graun long ol plentesin long Bogia na larim ol Manam long go

na stap long ol," em i tok. Dispela wok i go het pinis tasol gavman i laik painim aut gut long ol papa graun na toktok wantaim ol long larim ol Manam pipel i go sindaun long ol dispela plentesin.

Long dispela taim yet gavman i painim hat long lukautim olgeta manmeri na pikinini i stap long ke senta long Bogia. Olsem na Mista Barter i askim ol Manam pipel long traime long helpim ol yet. Mista Barter i tok i moa beta long ol pipel kisim helpim long gavman na tu traime long mekim gaden o arapela kain wok long helpim ol yet.

Bikman bilong Lans John Painap i go lukluk raun long Madang long toktok long provinsal gavman na ol papa graun bilong Bogia, tasol ol papa graun i no kam long miting wantaim em. Olsem na ol i no stretim ol toktok gut long stretim hevi bilong larim ol Manam pipel i go sindaun long Bogia. Planti moa toktok bai go het yet long stretim dispela hevi i stap namel long ol Manam pipel na ol papa graun bilong ol plentesin long Bogia.

Sir Rabbie givim K30,000 long Raluana Lokel Level Gavman

Raluana Lokel Level Gavman long Is Niu Briten i lukluk long stretim olpela opis bilong en. Dispela opis i sanap long 1960's na Warbete Kivung Grup i yusim long mekim wok politik bilong ol. I kam inap nau, nogat wanpela senis i kamap long dispela opis. Tasol nau ol i laik stretim.

Ol wok i go het pinis long senisim sait wol bilong dispela opis, we i wok long bruk i go daun. Ol bai penim na wokim rum i go bikpela long inapim planti wokmanmeri. Na tu

insait long dispela opis ol bai mekim wanpela miting rum bilong ol wokmanmeri.

I gat wok tu i go het long wokim wanpela nupela opis bilong vilis kot. Pastaim, ol vilis kot i bin bung na yusim wanpela opis tasol wantaim ol wokmanmeri bilong Spot na DPI. Nau bai ol i gat opis bilong ol yet.

Presiden bilong Raluana James Agi i tok ol i kisim longpela taim long stretim ol opis bikos ol papa bilong graun i no bin givim tok orait long ol. Hevi namel long ol tripela papa graun i pinis taim gavman i givim

K16,000 long stretim wari bilong ol.

Tupela lokel kontrakta i mekim dispela projek. ToBarip i go pas long wokim vilis kot opis na Skowoghan i go het long wokim miting rum na stretim ol liklik opis rum. Dispela projek bai i kos olsem K30,000 na Raluana Lokel Gavman bai lukluk long stretim.


Mista Agi i amamas long Siaman bilong Kokopo Distrik Sir Rabbie Namaliu long kisim Rurel Eksen Program Fan mani bilong en long stretim dispela projek.

WESLEY
PAGOT
i raitim



Nesinel Tok Promis bilong ol Nupela Independent Memba bilong Palamen

- Promis olsem yu bai stop namel stret long helpim olgeta grup, na wan wan manmeri na tu bai yu no mekim wanpela samting bilong bagarapim gutpela nem bilong wanpela grup o manmeri o mekim ol pasin i no stret wantaim pawa yu kisim long nem bilong ol manmeri.
- Promis olsem yu no inap kisim nating wanpela moni or arapela bilas nating long ol man. Olgeta samting yu kisim mas bihainim wanem samting i stap long buk bilong Ombusman Komisen.
- Tok i orait long toktok bilong TI - (PNG) Inc long tokaut ples klia na sainim nem bilong mi long dispela Nesinel Tok Promis .




Yu no ken larim dispela kamap long yu.

Ringim TI - (PNG) Inc sapos yu iaik sainim nem bilong yu: Telepon: 320 2188 fax: 321 7223

Sekim gut ol lain i vot

...no gut ol i vot planti taim



□ Sam Inguba i tokim ol piisman long was gut long ileksen taim.

WANPELA viles kot mejstret na lidaman bilong ples Kisenepoi insait long lalibu long Sauten Hailans Provins, Ninu Moks i askim ol lain husat i wok olsem ol poling opisa long lukaut gut long taim bilong ileksen.

yusim long en i no gat strong bilong stap long-pela taim". Em i tok, taim ol opisa i makim pinga bilong oi manmeri bihain long ol i vot, ol i save go yusim kain marasin olsem spirit, blis bilong wasim klos, moli na tu petrol long wasim pinga bilong ol na go vot gen.

MICHAEL MONDA i raitim

Em i tok, planti p a u l p a s i n i n a p kamap na dispela bai kirapim trabel.

Mista Moks i mekim dispela toktok bihain long em i tingim bek ol hevi i bin kamap long 1992 nesenol ileksen.

Mista Moks i tok, long 1992 ileksen, ol opisa bilong poling but i yusim pen i no kik tumas na planti ol lain manmeri i bin vot planti taim. Dispela samting i bin kamap long planti hap bilong Papua Niugini. "Dispela pasin i kamap bikos pen ol i

"Dispela sem kain pasin bai inap kamap sapos ol wokman i no lukaut gut long ples bilong vot," Mista Moks i tok.

Narapela samting tu, em i askim husat ol ami na piisman i wok olsem sekyuriti long glasim gut ol manmeri long taim bilong vot.

"Ol sekyuriti i mas was long ol manmeri husat i slip namel long ol boda bilong ol wan wan provins long PNG.

Nogut bai ol manmeri i brukim boda na i go vot long narapela provins." Mista Moks i tok.

LIVING WITH GAS

Whether it's needed for Cooking, Cooling, Heating or Lighting ... Boral Gas has the answer.

Hot Water System, Portable Gas Lights, Benchtop Gas Stoves, Gas Ovens, Gas Fridges, & Freezers Gas BBQ's, Portable Gas Stoves.

If you need cylinder refills, just look for the "BORAL GAS KISIM LONG HIA" signs.

Yes, Boral Gas.

Quick Clean

BORAL GAS

The quick SAFE clean natural energy saven for PNG

giving you time BACK to enjoy the good LIFE

BORAL GAS OUTLETS

- PORT MORESBY PH: 321 4248
- LAE PH: 472 3177
- RABAU PH: 982 1177
- WEWAK PH: 856 2125
- MADANG PH: 852 1341
- KIMBE PH: 983 4117
- KBSA Hardware PH: 545 1216
- Mt HAGEN Highlands Gas

Korea givim K17.5 milion long Wewak stomwara projek

WANPELA bikpela askim i go nau long olgeta pipel bilong Is Sepik husat i stap long ol setelmen na tu i go long ol papagraun bilong Wewak taun long wok bung wantaim ol wokman bilong Wewak stomwara projek long mekim dispela projek i go het.

Long wankain taim, sapos dispela ol pipel i gat sampela bel hevi ol i mas lukim ol wokman bilong projek na paitim toktok long stretim ol hevi.

Dispela askim i kam long Mema bilong Wewak Bernard Narokobi.

Mista Narokobi i putim kamap dispela askim insait long seremoni bilong brukim graun olsem mak i soim stat bilong Wewak stomwara projek. Ol i wokim dispela projek bilong rausim ol taiswara na mangro insait long Wewak taun.

Mista Narokobi i tok pasin bilong bel hevi bai stopim projek long go het.

Em i tok gutpela rot bilong stretim hevi em long ol lain husat bai bungim hevi aninit long dispela bikpela projek long sindaun na paitim toktok wantaim ol wok-

man bilong dispela projek na stretim hevi ol i gat o bai bungim. Em i tok sapos ol pipel i bihainim dispela rot, ol inap larim projek i stat, na go het inap long pinis bilong en.

Mista Narokobi i tok i gat planti bikpela samting i stap yet bilong stretim yipo long projek i ken stat.

Mista Narokobi i tenkim ol pipel na Gavman bilong Korea long givim dispela helpim.

Em i tok Is Sepik em i namba wan provins insait long Papua Niugini long kisim wanpela bikpela kain projek olsem we i kosim bikpela mani.

Em i tok dispela stomwara projek i kos K17.5 milien.

Tasol mak bilong mani bai go antap long K17.5 Milien bikos projek bai kisim longpela taim long statim.

Mista Narokobi i askim nar'ha tu daireketa bilong Nesenel Plening Opis long bihainim tok promis bilong em na givim fainensal helpim long dispela projek long olgeta yia stat long taim ol i statim wok inap long taim ol i pinisim wok.

Klostu Ok Tedi na Porgera main i pas

REN i no pondaun longpela taim nau long planti hap bilong kantri na i kamapim hevi long ol asples manmeri, ol pipel long taun na planti ol wok bisnis.

ABBY YADI i raitim Mekin na tupela bikipela maining kampani long kantri i kisim taim nau. Tupela em long Ok Tedi na Porgera main.

Hevi long nogat ren i fosim Ok Tedi main long katim daun ol wok bilong em o sapos olsem wanem, long pasim main olgeta.

Long las wik, main i tokaut olsem em i katim wok long mil bikos ol i no inap long trenspotim 140,000 ton hevi kopa konsentret we i hip i stap nau long main

na bris long Kiunga. Ol sip i no inap long go kisim kopa na karim i go long nambis long ok bikipela sip i kisim i go aut long kantri bikos wara levul bilong Fali Riva i wok long go daun.

I nogat sip i wok long antap long Fali Riva nau bihainim dispela hevi. Sip MV Karabi we i save karim ol kopa i stap wet long Mosbi bris i stap. Ol sip bilong Ok Tedi maining kampani i save karim 50,000 ton hevi bilong kopa konsnetret long wangepela trip.

Ok Tedi main i save yusim Flai Riva long planti ol wok bilong em. Dispela i karamapim ol eria olsem kisim ol main saplai, disel piul na kisim kopa i go aut.

Ol miling operesen long Porgera i bin pas long Jun 1 na bihain long dispela, ol i pasim moa wok long main. Planti ol wokman em ol i salim ol i go long "fos malolo" na tokim ol long stap long ples inap long ren i pondaun na wok i ken stat bek.

Residen manesa bilong Porgera Gol main Evert Van den Brand i tok taim main i stap pas, kamapni bai i lusim moa long K1.5 milien insait long wangepela de.

"Sapos nogat ren i pondaun insait long foapela wik i kam, wok long mil, operesen na prodaksen bai i bagarap na i luk olsem mipela bai i pasim main olgeta", Mista Vander Brand i tok.



Papindo stoa kamap long Kokopo • Traipela nupela stoa bilong Papindo long Kokopo i pulim planti pipel long en. Ol i bin opim stoa ya long dispela yia tasol. Ol pipel bilong Is Nu Briten i gat sans nau long wokim soping bilong ol long sampela ol biknem stoa we i op nau long Kokopo bihain long maunten paia bilong 1994 i bin bagarapim ol arapela bikipela stoa long Rabaul taun. Kokopo taun nau i gat Andersons na Papindo supamakot long ol pipel i baim ol samting long ol. Planti ol arapela nupela bisnis i wok long kamap bek gen long Kokopo na taun kamap strong na luknais moa nau.

Poto: Veronica Hatutasi

POSF kamapim rekot winmani

PABLIK Opisas Supanuesen Fan (POSF) i bin mekim bikipela winmani inap long K67.3 milion long las yia.

Dispela winmani mak fan i winim em bihain long ol i rausim takis long en. Mak i winim dispela long 1995 wantaim K44 milion moa.

Bikipela winmani i bin kamap bikos POSF fan i go insait long planti ol wok bisnis invesmen long kantri.

Mekin na nau fan i tokaut pinis long givim 15 pesen sea i go long ol kontributa bilong em. Dispela mak tu em i bikipela moa

no bin laik toktok long wangepela bikipela opis long Kens Australia we gavman i bin baim long mani bilong fan. Long las yia ol toktok i bin kamap long dispela opis bilding taim ol ripot i kamap olsem gavman i westim bikipela mani bilong ol kontributa long fan taim em i tromoi moa long 19 milion kina bilong baim dispela opis na i nogat planti lain i rentim long yusim. Na bikipela hap long dispela opis bilding i stap nating.

Tasol Mista Ragi i tok POSF i bin kisim bikipela rent mani long gavman long 1995 na 1996 long dispela opis long Kens.

Mista Lupari wantaim manesing dairekta bilong (POSF) fan Ereman Ragi wantaim tu ol arapela bod memba i

no bin laik toktok long wangepela bikipela opis long Kens Australia we gavman i bin baim long mani bilong fan. Long las yia ol toktok i bin kamap long dispela opis bilding taim ol ripot i kamap olsem gavman i westim bikipela mani bilong ol kontributa long fan taim em i tromoi moa long 19 milion kina bilong baim dispela opis na i nogat planti lain i rentim long yusim. Na bikipela hap long dispela opis bilding i stap nating.

Tasol Mista Ragi i tok POSF i bin kisim bikipela rent mani long gavman long 1995 na 1996 long dispela opis long Kens.

Helpim yu wantaim wok bisnis



arapela eria i save bagarapim gutpela wok bisnis long go het.

1.5 Gutpela wok bisnis envaironmen

Maski ol dispela hevi i stap, kantri bilong yumi i go het long kamapim gutpela envaironmen o ples long wok bisnis i go het.

1) Komyunikesen: Telekomunikesen o wok long salim tok i go i kam insait long kantri

long PNG em i gutpela tru na i stap long top lista long Pasifik rijon. Postel sevis long kantri em i gutpela na i gat ol kain rot i op i stap long postel sevis. Pasin long salim toktok long telefon na feks masin i stap ol long kantri na em i gutpela.

2) Tred agrimen: PNG i gat ol tred agrimen wantaim sampela ol bikipela kantri (developed) we i pasim tok pinis long yumi long yusim maket bilong ol long ol prodak bilong yumi.

3) Rot na bris:

Maski kantri i gat ol hevi we i stapim ol gutpela rot sistem, PNG i gat gutpela rot netwok taim yumi skelim wantaim ol arapela liklik (tet-wol) kantri long wol.

4) Ilektrik pawa: Planti ol bikipela senta long kantri i gat pawa long yusim long laip na sindaun bilong ol.

Sans bilong ol liklik bisnis

Long 1994 ol i bin daunim strong long Kina long tu pe sen mak. Bikos long dispela, kantri i bungim hevi long kisim ol guts o ol samting i kam insait long narapela kantri long PNG bikos em i kostim bikipela mani long peim bikipela foren eksens. Dispela i min olsem yumi mas kamapim moa samting long kantri na i no kisim moa i kam insait long ol ausait kantri. Olsem na em i moabeta long strongim ol PNG bisnis manmeri long go hetim strong ol wok kamap long ol liklik bisnis na prosek bilong ol.

Ol liklik bisnis insait long kantri inap long 3.5 pesen mak long ol samting we kantri i kamapim. Skel long dispela em ol i kolim long Gros Domestik Prodak (GDP). Na long fomol sekta wok, em inap long 4 pesen mak. Skel bilong planti ol arapela liklik kantri long wol inap long 50 na 80 pesen mak. Bikipela tingting i mas go long developim ol liklik bisnis long kantri bikos dispela eria inap long givim wok long planti pipel long kantri.

Gat moa long neks wik

Namba tu hap

Hevi bilong ol liklik bisnis long PNG

Maski i gat sans long wok bisnis insait long kantri i stap, hevi i save kamap long fisikol na sosel sait bilong wok developmen long bisnis.

1) Trenspot: Trenspot em i wangepela bikipela hevi long PNG bikos wangepela samting em yumi mas tromoi bikipela mani long en. Dispela i kamap bikos balus na helikopta em wangepela rot tasol bilong yusim long i go i kam insait long ol bikiples eria bilong kantri.

2) Graun: Bikipela eria long kantri i karamapim 70 pesen bilong graun long PNG na i no gutpela long wokim ol gaden bilong planim ol diwai olsem kakau, kokonas, kopi na ol arapela diwai bilong groim na salim long kisim mani long ol. Hevi i stap long sait bilong graun i no gutpela, i malumalum, maunten na (graun) i no gutpela. Wl gat tu komplek long ol papagraun i singaut long kompensesen mani i mas go long ol long yusim graun bilong ol.

3) Sevis: Ol sevis i karim planti wok na dispela i givim sans long ol liklik bisnis lain. I gat planti wok long impruvim mentenens long ol masineri na ol arapela samting long yusim long go hetim ol wok.

4) Prodaktiv skils: PNG i nogat ol gutpela save lain long planti ol eria long wok. Sampela em long katim na stretim diwai, mekim klos, kaikai na ol arapela moa olsem

5) Kapitel: Mani em i wangepela samting we i save kamapim hevi long statim bisnis. Dispela em mani long kirapim wok bisnis. Ol pipel i mas lain long sevim inap mani sapos ol i laik long statim bisnis bilong ol yet.

6) Lo na oda: Wok nogut bilong ol raskol long taun na ol

LAIPISTAIL

KANAGE

“Em nau, narapela wik bilong mi ken”



Wanpela taim hot san bilong Lae i kukum lapun Kanage long het kela. Olsem em i go sindaun arere tru long pablik toilet, na em lukim wanpela swit 16 bilong Simbu i ron tasol i go long toilet. Kanage tingting i go na em kism wanpela aida. Em kism wanpela ston na toromoi i go antap long kapa. Swit 16 ya i kirap nogut na tok, “Em husat ya?” Kanage senisim nek bilong em olsem oi meri na tok, “Aiya sis, mi wet long taim na olgeta hap bodi bilong mi hot na wet ya. Tasol swit 16 ya i ketsim nek bilong Kanage na tokim em, “Yu dispela lapun kela bilong Yalibu. Bai mi kotim yu long oi tas plis fos, na bai oi i senisim nek bilong yu”. Taim Kanage i harim olsem em pret no gut tru na Hariap tasol Kanage i lus long toilet.

R. P.K

Makustan

Kanage i raun long Rabaul maket na em i lukim wanpela meri Tolai na em i singaut na brukim a long em. Meri Tolai i tanim bek na tokim paps Kanage olsem, “Too bad”. Paps Kanage i no save gut long tok Inglis olsem na em hariap tasol i go long haus na wokim tupela bed na tek ov gen i go long maket. Long maket ples Kanage i singaut gen long meri ya na brukim ai gen long em. Meri Tolai ya i belhat no gut tru na i tokim Kanage olsem, “mi tok wanem long yu na yu sigirap yet. Mi tok “too bad long yu”. Paps Kanage bekim na tok, aste yet mi wokim tupela bed pinis. Meri yauro i harim olsem na olgeta toktok bilong em i pinis.

Skindai Mangki

Wopa Kantri

Lae, Morobe provins.

Kanage wantaim meri pikinini bilong em oi i go katim gaden long bus. I no apinun yet na em i singautim oi meri pikinini bilong em i kam. Bai oi i go long ples. Na Kanage em i man bilong pret long level na sanguma. Em nau long 3 kilok abinun, oi i go long ples. Na meri bilong em i sanap long bihain na tupela pikinini i go pas long em. Na Kanage yet i sanap namel tru. Em nau oi i wokabout i go kamap ples. Long 5 kilok abinun Kanage i tokim tupela pikini long ekskotim em i go long toilet. Em nau papa i opim dua na em i go insait na pekpek i stap. Na meri bilong Kanage i laik trikim em olsem tevel. Meri hia i kirap isi tasol na i go long baksait bilong toilet na em i mekim nois. Na tupela pikinini i sanap long dua bilong toilet tu i harim nois. Em nau tupela pikini i singaut long papa Kanage: “papa tevel ya”. Man taim Kanage i harim tupela pikinini i singaut olsem, em i kirap tasol na tek ov. Em i ron i go tokim meri bilong em olsem: “man tevel i no isi. Planti tru i stap long toilet”. Turangu, Kanage i no pinis pekpek. Kanage i pasim pekpek na oi i slip. Long nait em i no inap pasim pekpek. Pekpek i kilim Kanage nogut tru, na isi tasol em i kirap na pekpek insait long haus. Long moning taim meri bilong em i kirap na askim husat i pekpek, Kanage i sutim tok long junia. “Em mangi ya tasol i pekpek.” Tasol taim meri bilong Kanage i laik rausim pekpek em i lukim bikpela pekpek. Na em i save olsem Kanage tasol i pekpek long nait long haus. Meri bilong Kanage i krossem Kanage stret long ai bilong oi pikinini bilong en. Turangu, paps Kanage i sem no gut.

William Gaui

Madang, Madang provins.

Moa tok pilai long pes 16

Nau yu ken planim poteto wantaim namel bun na lip

MICHAEL MONDA
i raitim

PLANTI manmeri long Papua Niugini bai i no inap bilip olsem yumi ken kamapim nupela pikinini poteto wantaim lip na namel bun bilong poteto. Tasol nau yet planti saveman i wok long mekim wok painimaut i go na oi i painim olsem oi man i ken planim poteto long lip namel bun bilong pikinini potaito. Nau yet oi man long ples i wok long planim oi poteto wantaim oi poteto stret.

Wanpela nupela kampani bilong ples Jemeni long Yurop i kam wok ananit wantaim Agrikalsa Dipatmen insait long PNG. Nem bilong dispela kampani em Dal-Haes German Developim Sevises (GDS). Oi i kam long helpim oi PNG manmeri long wok Agrikalsa. Dispela Dal-Haes kampani i statim pinis oi projek bilong oi long Aiyura, long Isten Hailans Provins (IHP), Kerevat, long Is Nu Briten Provins (INBP) na Tambul, long Westen Hailans Provins (WHP). Oi dispela ples bai kamap olsem oi ples we oi dispela saveman i ken mekim wok painimaut bilong kamapim oi kaintain kaikai long PNG. I gat 8-pela saveman i kam pinis na wok i stap long PNG. Nau yet oi dispela saveman i mekim wok painimaut i stap long Kerevat na Aiyura.

Namba wan hap wok oi dispela lain i bin wokim long en, em oi i kamapim oi nupela pikinini poteto wantaim lip na namel bun bilong pikinini poteto. Wanpela wokman bilong Dal-Haes, Steven Rambo bilong Kagua insait long Sauten Hailans Provins husat i wok insait long neseri haus bilong dispela nupela projek i bin tokim Wantok.

Steven i tok pastaim oi i save kism oi pikinini poteto olsem oi liklik gras oi i kolim Tirunu Kalsa. Dispela pikinini poteto i no inap luk olsem poteto bikos oi lip bilong oi i narakain na oi bai gro olsem gras i gat planti han o rop. Oi i save kism oi dispela pikinini poteto long Aiyura na long Kerevat.

Oi saveman bilong Jemani i save kamapim oi dispela pikinini poteto long oi eksperimen haus bilong oi long Kerevat na Aiyura. Bihain oi i save salim i go long Tambul long olgeta 6 mun. Mista Rambo i tok taim oi i kism dispela pikinini poteto i go long Tambul oi i save planim insait long sampela oi spesol boks o trei we oi i kolim blu boks na larim i stap insait long grin haus o haus bilong groim oi pikinini poteto. Oi i save

...Ol Tambul i brukim rekod long mekim dispela



• Oi pikinini i givim wara long oi pikinini poteto insait long neseri.

wokim grin haus long plastik sel i gat planti hol long en.

Bihain long oi i planim pinis oi dispela pikinini poteto em i tok oi i save givim wara tasol long oi i go inap long foapela wik. Taim oi i lukim olsem oi dispela tisu kalsa plantlet o pikinini poteto i karim 7-pela o 8-pela lip oi i save katim kru bilong oi wantaim tripela lip na planim gen long narapela boks o trei wantaim graun oi i kukim na putim sampela marasin pinis long en.

Bihain long dispela Mista Rambo i tok oi i save givim wara na nupela graun i go inap lip bilong oi dispela pikinini poteto i kamap yelo. Taim lip bilong oi dispela pikinini poteto i kamap yelo oi i save katim namel bun bilong oi dispela pikinini poteto na karim dispela blu boks trei i go long narapela grin haus we oi i save kolim haves haus na larim i stap inap long tupela wik olgeta. Dispela em bilong mekim skin bilong pikinini poteto i grow i go strong.

Taim skin bilong pikinini poteto i grow strong oi i save kamautim oi dispela pikinini poteto i luk wankain olsem oi mabol na putim i go insait long

oi net beg. Pasin bilong kamautim oi dispela pikinini poteto em oi i save kolim Mini Tubas. Oi i save putim oi dispela pikinini poteto i go insait long haus bilong oi pikinini poteto inap 6-pela mun olgeta. Bihain long dispela 6-pela mun, oi pikinini poteto i save bruk na oi nupela kru i save kamap long oi liklik poteto olsem mabol.

Taim dispela oi kru i kamap Mista Rambo i tok oi i save olsem dispela em i soim sain olsem pikinini poteto i redi long planim. Orait oi i save kamautim long neseri haus na karim i go autsait na planim long gaden.


Bihain long oi i planim oi dispela pikinini poteto long gaden em i tok oi i save wetim gen narapela 6-pela mun inap oi poteto i redi. Oi i ken save olsem oi poteto i redi taim oi i lukim oi lip bilong oi i kamap yelo. Bihain long dispela em i tok oi i save katim na kism oi lip na namel bun bilong oi dispela poteto ig o na larim oi poteto i stap long graun inap long foapela wik. Bihain long foapela wik i pinis oi i save kamautim oi poteto na putim gen i go insait long oi net beg.

Dispela grup poteto em oi i save kolim Jenerolism Wan. Oi i save go putim dispela Jenerolism Wan grup poteto long stoa bilong oi pikinini poteto inap oi i lukim olsem nupela kru bilong oi pikinini poteto i kamap. Taim oi i lukim olsem pikinini poteto i redi long planim, em i tok oi i save salim i go long oi lain husat oi i gat bilip na tu i kism tok orait bilong planim oi dispela pikinini poteto long planim long gaden bilong oi. Em oi fama husat i rejista wantaim Dal-Haes. Taim oi dispela fama i karim oi dispela pikinini poteto i go na planim long ples bilong oi em oi i save kolim dispela stes, Jenerolism tu.


Dispela Jenerolism tu poteto em oi fama i save baim long Dal-Haes na planim long ples bilong oi yet na i save go salim long oi maket, haus kai na long oi arapela kampani o ples husat i save baim oi poteto. Poteto we i save kamap gutpela bilong kaikai em oi i save kolim Jenerolism tri poteto. Wanpela gutpela we bilong mekim bisnis insait long Tambul eria yet em long rejista i go insait long Dal-Haes na kamap memba bilong kampani olsem bai yu inap baim pikinini poteto long oi na planim bilong salim na kism mani.

Wanpela Rises Opisa bilong dispela nupela projek, Melly Karoma i tok olsem oi bai surikim dispela hap wok i go moa yet long oi narapela distrik insait long WHP na tu i go long oi narapela provins olsem Mendi, na long Wabag.

Mista Karoma i tok taim dispela nupela Jenerolism poteto i go bikpela bai oi liklik fama bilong ples i ken lusim delpela pasin bilong planim poteto na bihainim dispela nupela stail. “Samting olsem 5 o 10 yia taim bai oi inap bihainim dispela nupela pasin bilong planim poteto oi i kolim long Jenerolism poteto. Taim oi i mekim dispela, oi bai lukim kaikai bilong hatwok bilong oi na oi bai amabas stret,” Mista Karoma i tok. Long pinisim tok em i tok yumi long PNG i mas givim bikpela tok tenkyu i go long oi lain bilong Dal-Haes long kamapim dispela naisgen oi go insait long oi net beg.



• Wanpela vota long ples bilong vot long Garden Hills setelmen insait long NCD i putim vot pepa i go insait long balot bokis. Aninit: Elektorat opisa Maria Elias i stretim ol balot pepa bipo long ol pipel i vot. Ol foto: Ivan Bayagau



Planti pipel i no inap vot long Mosbi

PLANTI pipel insait long Nesenel Kapitel Distrik (NCD) i belhat ol i no inap vot.

VERONICA HATUTASI
i raitim

De bilong vot long NCD i bin kamap long Mande, Jun 16. I gat tripela open ilektoret long NCD na wanpela rijonal sia, Mosbi Not west, Not is, Saut na Rijonal.

Provinsal Ritening opisa Frank Gabi i tok long NCD yet, moa long 900 plis i lukautim sekyuriti sait bilong ileksen long lukim olsem nogat trabel i kamap na wok long ileksen i ran gut tasol.

Samting olsem 125,000 pipel i bin rejista long vot long NCD. Mista Gabi i tok dispela namba i go antap long 10,000 mak abrusim kaunim bilong 1992 ileksen. Tasol long dispela mak bilong ol rejista votas, ol i skelim olsem 70,000 bai i vot.

Ilektoret Komisina Reuben Kaiulo i bilip olsem gutpela pablik toksave we ol lain bilong em i bin karimaut bipo long ileksen i karim kaikai na no gat bikpela trabel i kamap long taim bilong vot long NCD.

Planti pipel i bin wet longpela

taim long lain long vot na ol i no amamas taim ol i painaut olsem nem bilong ol i no stap long komon rol buk.

Sampela i rong long wanem ol i no putim nem bilong ol long komon rol. Tasol long planti arapela husat i stap longpela taim long Mosbi na ol i save vot long ol ileksen bilong ol yia bipo, ol i belkros tru bikos ol i laik votim ol lida husat bai i makim maus bilong ol insait long faipela yia i kam.

"Long narapela tupela ileksen bipo, mi vot. Nem bilong mi i stap long komon rol buk na mi save vot. Nem bilong tupela pikinini na papa bilong ol i stap na taim ol i sekim nem bilong mi long dispela taim bilong vot, em i no stap. Asua i mas stap long ol lain long ilektoret komisin lain taim ol i wok long putim nem long kompyuta na ol i lusim nem bilong mi", wanpela meri long Gordons i tokim Wantok olsem.

Em na ol planti arapela manmeri i belhat na ol i laikim ilektoret komisin long sekim na redim gut olgeta samting na lukim olsem ol i no wokim ol kain mistek olsem bikos em i bikpela samting long vot.

"Vot bilong pipel em i bikpela samting bikos sampela gutpela lida bai i lus long ol liklik asua olsem taim ol sapota bilong ol i misaut. Na sampela nogut lida bai i win," meri ya i bin tok.

Wantok Niuspepa i bin go aut long sampela hap we ol pipel i wok long vot long en long NCD na kisim tingting long ol lain husat i wet long vot.

Wanpela wokmeri husat i bin go long Konebada poling but long givim vot, Mary Kari i tok wanpela de voting we i bin kamap long NCD na ol hailens provins i no gutpela tumas long sampela we.

Dispela i moa yet long ol wok lain bikos em i no givim inap taim long ol bilong vot.

"Gavman i mas katim inap mani long larim taim bilong vot i go inap long wanpela wik. Mi luksave long sait bilong sekyuriti tasol gavman i mas tingting long givim taim na sans long ol woklain long vot.

"Sampela i kisim taim tu bikos nem bilong ol i no stap long wanpela ples bilong vot na ol i salim ol i go long narapela long painim nem bilong ol. Planti em ol i salim ol i go i kam na nem bilong ol i no stap na ol i belhat", Mary i tok.

Saut Bogenvil bai i vot long Mande

OL I surukim taim bilong vot long Saut Bogenvil i go long neks wik Mande Jun 23. Long pastaim voting long dispela eria inap kamap long dispela Mande Jun 16.

Ilektorat opisa long Buka i tok hevi i kamap bikos Hevi-Lift helikopta i laikim ful pei pastaim bipo ol i go het long karim ol opisa na ol balot pepa bokis bilong ileksen.

Tasol opisa i tok Hevi Lift helikopta kampani i kisim pinis mani long dispela wik.

Vot long Buka Distrik i bin stat long Tunde na i go gut. Tasol planti pipel i no bin vot long wanem nem bilong ol i no stap long komon rol.

Dispela hevi i kamap long wanem sampela asua i bin kamap long kompyuta taim ol i wok long rekotim nem long putim long komon rol. Opisa i tok long stretim dispela hevi, ol i bin putim nem bilong sampela pipel long saplimenteri rol. Sampela em asua bilong ol bikos ol yet i no putim nem bilong ol.

Vot long Tinputz distrik i bin

stat tu long Tunde.

Opis i tok nogat trabel i kamap long olgeta hap bilong provins long bagarapim wok go het bilong ileksen.

Ol Bogenvil pipel husat i stap nau long ol arapela hap bilong kantri na ol i apalai long wokim postal voting bai inap long vot tu. Elektorat opisa long Buka i salim nem na namba bilong ol long wanpela lista i go long ilektoret komisin opisa long wanem hap ol i stap long en na ol lain Bogenvil i ken makim ol lida long provins bilong ol yet.

Is Nu Briten vot gut

WOK sekyuriti long lukautim nesenel ileksen long Is Nu Briten provins i go gut tasol. Nogat trabel i kamap na ileksen long provins i ron gut tasol.

Provinsal Plis komanda long Is Nu Briten Sief Inspekta Michael Sirenis i tok olgeta samting i orait na plis wantaim ol ilektrel opisa lain i wok bung wantaim long lukim olsem ileksen '97 i go gut.

Long Pomio ilektret voting i bin inap long stat long Sarere Jun 14 tasol hevi long ol balot pepa i kamap na ol i surukim taim i go long Sarere Jun 21.

Inspekta Sirenis i tok hevi i kamap bikos i gat asua long putim poto bilong ol kendidat long vot pepa.

Wantok i bin laik kisim toktok

long Provinsal Ritening opisa Aaron Maramun long dispela samting tasol em i no bin stap long opis.

Inspekta Sirenis i tok tu olsem voting long Inlen Baining na Lassul eria em ol i bin surukim long Sarere Jun 14 i go long Mande Jun 16 bikos ol balot pepa i bin go leit. Sampela bokis wantaim ol pepa ya i bin stap long plis stesin na ol arapela long Open Be.

Inspekta Sirenis i tok provins i gat 504 ples bilong ol pipel long go na vot long ol na 282 opisa i wok long ol.

"Mipela bai i givim strongpela was long lukim olsem nogat paul pasin i kamap long dispela ileksen. Na tu mipela bai i stap sam-

bai long stapim wanem kain hevi inap kamap long dispela taim," Mista Sirenis i tok.

Bai i gat foapela ples long kaunim ol vot pepa na wanpela talirum we ol bai i bungim wantaim olgeta balot pepa long provins na kaunim.

Long Pomio Open, ol bai i kaunim ol vot long Palmalmal haikul. Long Rabaul Open, ol bai i kaunim long Malaguna Teknikol koles na dispela bilong Gazelle open em ol bai i kaunim long Tomaringa plis bareks. Ol bai i kaunim bilong Kokopo open long Kokopo haikul. Sentrel talirum long kaunim ol vot pepa bilong foapela ilektoret bai i kamap long Ralun klub talirumm long Kokopo.

Ol raskal man traim sutim wanpela Madang Open kenidet

SAMPELA raskelman i bin sut long gan long wanpela kenidet bilong Madang Open long las wik Sarere.

**JAMES
KILA i
raitim**

Kenidet ya Alois Yagas i bin draiv i go olsem long Bilbil viles taim dispela birua i kamap.

Provinsal plis komanda, Theodore Muriki i tok olsem ol plisman bilong em na sampela bilong task fos plisman blong Lae i bin stap klostu na i bin sut i go bek long ol dispela lain raskel man. Tasol ino gat wanpela bilong tupela lain i bin kisim bagarap.

Mista Muriki i tok dispela em wanpela trabel tasol we i bin kamap insait long Madang eria long taim ileksin i bin stat. Em i tok 7-pela yut i bin stap insait long dispela trabel.


Insait long narapela ripot plis long Madang i bin kisim sampela sapota bilong i wanpela kenidet long Bogia Open i bin traim long rausim ol kempein bilong narapela tupela kenidet husat i kempein i kam long eria ol i stap long en.

Mista Muriki i tok dispela liklik hevi i bin kamap long Ulingan taim ol sapota bilong wanpela kenidet, Bernard Mollok i bin traim long rausim ol lain bilong tupela kenidet Andrew Ariako na John Kirakar i goaut long eria bilong ol.

Em i tok tu olsem nogat wanpela bikpela trabel i kamap long dispela taim na ileksin i wok long go gut tasol long hap.

Plis komanda long Madang i tokaut tu olsem sampela lain pipel long wanpela viles long not kos i bin painim ol olupela bom na katres bilong Wol Woa 2 long nambis bilong ol.

Mista Muriki i tok ol i bin painim 105-pela olupela 7.632 milimita ol katres bilong woa.



• Lucy na Walter Nombi i redim ol pepa long ileksin long Madang. Ileksin i bin go gut tasol long provins. Poto James Kila.

Ol pipel pasim tingting long Enga ileksin pinis



PLANTI ol kain kain pasin bilong stopim ol manmeri long go votim nating ol narapela kenidet i wok long kamap insait long Enga

provins.

Ol manmeri i pasim tingting pinis long votim wanem kenidet ol i laikim, na ol i les long ol sapota bilong narapela kenidet gen i kam long senisim tingting bilong ol.

Planti manmeri long Enga i no laikim las minit senis i kamap long pulim ol long go votim narapela kenidet o stilim ol vot. Olsem na ol i pasim ol liklik ol han rot na bris long noken larim ol kenidet i go insait long eria bilong ol na senisim tingting bilong ol long vot.

Ol votas i bin blokim ol liklik ol han rot na ol bris wantaim ol bikpela ston na sein long stopim ron bilong ol kar long nait.

Wanpela ripot i kam long Enga i tok olsem planti ol liklik ol han rot na bris i go long Wapenamanda, Wabag, Lagaip na Kompiam we i

joinim ol bikpela haiwe rot i bin pas bikos ol sapota bilong ol kenidet i les long pasin bilong stilim ol manmeri long vot i kamap.

Ripot i tok tu olsem ol sampela man i bin blokim bris wantaim ol bikpela timba diwai long Timin na Topak bris insait long Loma Lai eria na eria we i gat planti manmeri tru em long Tsak Veli.

Mangomango bris long hap bilong Aiele veli i bin pas tu wantaim ol bikpela sein.

Bikpela toktok i go nau long ol Ilektrol Komision ofisal long Enga provins long karimaut gutpela wok bilong ileksin na vot i ken kamap gut namel long ol manmeri.

Ol i salim nupela balot pepa bilong Huon Galp Open

ILEKTROL Komisin i bin salim 37,500 ol nupela balot pepa bilong Huon Galp Open ilektoret long vot i ken stat long Tunde.

Vot i bin stop long 3-pela de bikos i bin gat asua long printing bilong wanpela balot pepa we i gat poto bilong wanpela kenidet Kingsly Nime i stap klostu long nem bilong narapela kenidet Hiob Maliaki.

Provinsal Ritening Opisa, Kala Rawali i tok ol printa i bin mekim asua, tasol bai i gat ol nupela balot pepa i redi long kamap long ronim ileksin gen.

Poling long Huon Galp i leit long 3-pela de bihain long asua long prinim ol balot pepa.

Ol voting insait long Bulolo, Menyama, Tawai-Siassi na Finschafen i bin gohet long taim ol i makim bikos ol balot pepa i go leit.

Mista Rawali i tok opis bilong em i salim pinis ol balot pepa i go long ol opisa long wan wan distrik na voting i ken stat nau.

Liklik hevi we i kamap long Mande em bikpela ren long hap bilong Aseki-Menyama. Wanpela helikopta i karim wanpela tim bilong ol ileksin opisa i bin tanim gobek long Lae taim ol i bungim taim-nogut long ren.

Taso: Mista Rawali i tok olgeta wok bilong ileksin i go gut tasol long Morobe, we voting bai i stap inap 2-pela wik olgeta.

Ilektoral Komisin i bagarapim wok

PLANTI manmeri long ol ilektoret insait long Mosbi i no vot long Mande bikos nem bilong ol i no bin stap long buk. Ileksin long Mosbi i wan de tasol long Mande Jun 16.

Insait long Gordons eria, planti manmeri i bin belhat tru bikos ol i wet longpela taim long lain na taim ol i kamap long buk bilong sekap long nem, ol i kirap nogut olsem nem bilong ol i no stap.

Planti bilong ol i komplem bikos ol i save vot long Mosbi Not Is tasol long taim Ilektoral Komisin i senisim ol nem long buk, nem bilong ol dispela lain i no go insait long nupela buk. Insait long nupela buk, ol i putim nem bilong ol manmeri long wan wan haus long olgeta strit.

Wanpela bilong ol dispela lain em Anna Solomon, pablisa bilong Wantok Niuspepa.

Em i belhat tru bikos em i sanap long lain long 12 klok beio i go inap kota pas tri na em i kamap long ples bilong sekap long nem. Em i kirap nogut long painimaut olsem nem bilong em i no stap long buk.

Anna i tok nem bilong man bilong em na tupela pikinini na anti bilong ol i stap. "Nem bilong olgeta lain long haus bilong mi i stap tasol nem bilong mi i no stap," em i tok.

"Mi stat vot long 1977 i kam inap

nau na nem bilong mi i save stap oltaim long buk bilong Mosbi Not Is. Las yia taim ol opisa bilong Ilektoral Komisin i kamap long haus bilong mi long kisim nem, mipela olgeta husat inap vot i bin givim nem. Olsem na mi kirap nogut na belhat wantaim taim nem bilong mi i no stap long buk. Nem bilong man bilong mi na ol pikinini i stap na nem bilong mi i lus nating."

Anna i bin komplem long ol opisa na ol i tokim em olsem em i no rong bilong ol. Ol i salim em i go long narapela ples bilong vot gen. Em i go sanap tupela aua gen na wankain samting, nem bilong em i no stap long buk.

Orait long hap pas faiv em i go traim gen long namba tri ples bilong vot na em i wet 20 minit samting na ol i sekap long olgeta pes long buk tasol ol i no painim nem bilong em. Em i lusim ples bilong vot long 10 minit tu sikis klok na wokabaut i go bek long haus.

"Sans bilong mi long vot i lus nau bikos nem i no stap na i no gat narapela buk we ol i ken sekap."

Em i tok planti ol narapela manmeri husat i wet long lain tu i bin go sekap long nem bilong ol long tupela o tripela ples na lukim

olsem nem bilong ol i no stap long buk.


Anna i bin ring long Ilektoral Komisin long komplem na ol i tokim em olsem em i wok bilong em long sekap long nem bilong em bipo long taim bilong vot.

"Nesenele ileksin i save kamap bihain long faivpela yia. Orait long foapela yia, ol wokman bilong dispela opis i save mekim wanem kain wok? Ol i sindaun nating o olsem wanem?"

"Ol i save olsem i gat wankain komplem i save kamap long we ol nem i paul o i no stap long buk, orait watpo ol i no laik kirapim wok bilong stretim nem long buk long olgeta yia i kam inap long taim bilong ileksin. Sapos ol i wok olsem long olgeta yia, bai ol inap hariap hariap klostu long taim bilong ileksin na paulim nabaut ol nem."

"Ileksin em i bikpela samting na yumi ol pipel i gat rait long votim ol gutpela lida i go long palamen. Kantri i nidim ol gutpela stretpela lida."

Mi no gat bilip moa long Ilektoral Komisin. Long neks ileksin bai mi yet i go kamap long opis bilong ol na sekap oltaim long nem bilong mi inap long taim bilong vot."



• Ol vota long Morata long Mosbi i glasim gut husat kendidet long votim insait long Mosbi Not-Wes ilektoret. Poto: Ivan Bayagau.

Wan-de voting long Wewak Open stat long Trinde

WEWAK Open insait long Is Sepik provins i bin statim wan-de voting bilong en long aste Trinde, Jun 18.

JAMES KILA
i raitim

Tasol wankain stori olsem ol narapela ilektoret i bin painim, sampela manmeri i painim sampela hevi liklik long taim bilong vot stret. Sampela i painim olsem nem bilong ol i no stap long komon-rol. Sampela i bin painim hevi tu long painim nem bilong ol long wanem hap o wod ol i stap long en.

Wewak Open em wanpela bilong ol ilektoret we ol i makim long stap long wan-de voting bikos Ilektoral Komisin i bilip olsem sampela kain trabel bai i ken kamap long taim bilong vot.

Provinsal ritening opisa, Alwynn Jimmy i tok Wewak Open i bin statim wanpela-de voting bilong en long aste, na long lukluk bilong em olgeta samting i go orait tasol.

Em i tok tu olsem ol dispela manmeri nem bilong ol i stap long komon-rol em asua bilong ol yet. Dispela em bikos ol i no givim nem o wod-kaunsela we ilektoret Komisin i bin givim wok long kisim nem i no mekim wok gut.

Narapela tupela provins we i bin gohet pinis long wan-de voting em Nesenel Kapital Distrik na Westen Hailans.

Mista Jimmy i tok wan-de voting long Wewak Open i bin stat long 8-kilok moning long aste.

Ol narapela 5-pela open ilektoret, Angoram, Ambunti-Dreikiker, Yangoru-Saussia, Maprik Open i bin statim vot long hap bilong ol long Sarere Jun 14.

Taim Wantok Niuspepa i ring long kisim ripot long aste apinun, i bin gat gutpela pasin bilong vot i bin kamap na ol pipel i bihainim lo stret.

Mista Jimmy i tok ol ofisel o poling opisa i bin yusim wanpela helikopta tasol long bringim ol balot pepa i go insait long ol ilektoret we i stap long bus tru, na dispela em i wanpela hatpela wok tru.

Em i tok dispela wanpela helikopta i save karim 3-pela man tasol i go long ol ples i stat longwe. Sapos em i karim planti kago, tupela man tasol i save kalap.

Mista Jimmy i tok olsem ol poling opisa long Maprik i bin wokabout long mekim wok bilong ol. Stat long Sarere planti ol dispela poling opisa i karim ol

kago bilong ol na go long ples bilong vot. Dispela em bikos ol i les long westim taim na wetim helikopta long go kisim ol.

Em i tok tu olsem planti ol ples insait long Sepik i stap long bus namel long boda bilong Sepik na Enga, Madang na Wes Sepik. Nogat rot long go insait long ol dispela eria na ol i mas yusim helikopta long bringim ol ileksin ofisel i go.

Mista Jimmy i tok tu olsem i tru olsem sampela hevi i bin kamap long ol manmeri i painim olsem nem bilong ol i no stap insait long komon-rol. Tasol ol ilektoret opisa i toksave long olsem dispela i no rong bilong Ilektoret Komisin.

Ilektoret Komisin i bin givim inap taim long ol manmeri long go putim nem bilong ol insait long komon-rol. Tasol ol yet i no mekim dispela.

Mista Jimmy i tok olsem ol i bin givim wok i go long ol wod-kaunsela long kisim nem bilong olgeta manmeri insait long wod bilong ol, tasol sapos ol i no mekim.

Em i tok bihain ol bai bung wantaim ol dispela wod-kaunsela na toktok long dispela.

Vot long Usino-Bundi, Raikos na Midel-Ramu go het gut

....maski voting i stat tupela de leit

RIPOT bilong ileksin long Madang provins i soim olsem 3-pela ilektoret long provins we i statim ileksin bilong ol tupela de leit, Midel Ramu, Raikos na Usino-Bundi i statim ileksin bilong ol pinis.

Tasol provinsal Ilektoret Opisa, Abraham Wari i tok em i kisim ripot pinis long ol ileksin ofisel bilong em olsem ol i gat bikpela bilip olsem ol ilektoret ya bai i pinis stret long taim.

Ol narapela ilektoret husat i statim ileksin bilong ol long Sarere em Madang Open, Sumkar Open na Bogia.

Mista Wari i tok nogat wanpela bikpela hevi ol i painim insait long dispela ol ileksin i kam inap nau. Tasol sampela ol vota i bin kros liklik long komon-rol.

Em i tok tu olsem de bilong kaunim ol vot bai i stat long Jun 29, bihain long ileksin.

Ripot Wantok Niuspepa i kisim long Madang long stat bilong dispela wik i tok olsem i bin gat sampela hevi long peim ol sevis bilong Heli Niugini helikopta, na tu i bin gat hevi long ren we i mekim ileksin i stat tupela de leit.

Tasol Mista Wari i tok olsem olgeta samting bilong vot i go gut tasol long ol 6-pela ilektoret insait long provins.

Bikpela ren long Lae bagarapim ol ples bilong vot

BIKPELA ren insait long Lae siti i bin bagarapim sampela ron bilong ileksin long hap stat long Tunde.

Taim ren i bin pundaun ino planti manmeri tumas i bin go long ples bilong vot.

Planti ino bin go long vot bikos nem bilong ol i no bin stap long komon-rol. Planti ol lain husat i bin vot long 1992 nesenel ileksin i painimaut olsem nem bilong ol ino stap long komon-rol.

Ol plis long Lae i givim bikpela toksave i go long manmeri long bihainim lo stret long taim bilong ileksin.

Insait long Lae yet, wanpela rot i soim olsem wanpela kenidet husat i laik sanap long Lae Open i bin kisim toksave long peim K1000 long Lae Distrik Kot bipo long 4pm long Fraide.

Tasol dispela kenidet i go hait long peim nominesin fi bilong em i go long Ilektrol Komisin opis long Lae.

Opisa lukautim plis operesin long Lae, Simon Kauba i tok olsem Ilektoret Komisin opis long Law i bin kisim wanpela bens warrant long holimpas dispela kenidet long Tunde apinun bihain long em i no bin kamap long taim ol i makim.

Mista Kauba i tok plis i wok long painim em yet long bringim em i go antap long Buimo CIS long stap 6-pela mun kalabus.

Mista Kauba i tok man ya i gat planti taim long painim moni long baim, olsem kot i putim tasol man ya i no bin bihainim tok.



• Sampela ol dispela man i sanap long skelim ron bilong ol kendidet ol i sapatim insait long Mosbi Not-Wes ilektoret.

Planti NCD manmeri no amamas tumas long Wan-De voting

PLANTI ol manmeri i tokaut olsem ol i no amamas tumas long dispela sistem bilong wanpela de tasol long vot insait long Nesenel Kapital Distrik (NCD). Dispela em bikos planti bilong ol i bin painim sampela hevi long go putim vot bilong ol.

NCD i bin gat wanpela de tasol long vot long Mandé, Jun 16. I gat sampela ilektoret long kantri tu i bin stap insait long wan-de voting.

Ilektrol Komisin i bin makim sampela ol provins long kantri long PNG long yusim Wan-de voting bikos ol i bilip trabel i ken kamap long ol dispela ilektoret.

Insait long 4-pela ilektoret long Mosbi, planti ol kain kain samting i bin kamap. Ol dispela ilektoret em NCD Rijinol, Mosbi Not-Is, Mosbi Not-West na Mosbi-Saut.

Wantok Niuspepa i bin toktok long sam-

pela bilong ol dispela pipel, na hia em sampela toktok ol i bin givim.

Wanpela mausman bilong ol Gordon Flats, Mikes Joe i tok olsem planti ol lain manmeri long eria em i stap long en i bin hatwok tru long painim nem bilong ol long buk bilong vot (elektrol rol) bipo long ol i vot.

Stat long moning ol i go sanap long lain long go vot. Lain i bin longpela tru na taim ol i go kamap stret long poling opisa, man ya i tokim ol olsem nem bilong ol sampela manmeri ino stap.

Turangu ol manmeri ya i wokabout gen i go long narapela poling eria i stap klostu long traimekem nem bilong ol. Taim ol i go kamap long hap, ol i mas sanap long lain gen. Lain tu long longpela tru na taim ol i go kamap long poling opisa long putim

vot, man ya i tokim ol olsem nem bilong ol ino stap. Ol i mas westim taim gen long go painim ol narapela ples we ol i mas putim vot bilong ol.

Wanpela poling ples long Gordon Flats i bin stap i go samting olsem 6:45 pm long Mandé apinun tru. Dispela em bikos planti manmeri i sanap long lain long putim vot bilong ol.

Narapela meri nem bilong em Saina bilong Goroka tasol, husa i save stap long Lapwing Draiv long Gordon i painim aut olsem narapela man i bin yusim nem bilong em long vot.

Em i tok em i painimaut olsem taim em i go kamap long ples bilong vot, narapela man i bin yusim nem bilong em pinis. Em i guria nogut tru bikos ol lain nem bilong femili memba bilong em i stap, tasol nem

bilong em tasol i nogat.

Dispela ol kain kain pasin i bin kamap long NCD insait long voting de long Mandé.

Dispela dispela de planti samting i bin lukim sampela kain tenis stret.

Long moning taim. Nogat planti bas i bin ron long rot, na ol wokman meri i wet longpela taim liklik long moning long kalap long ol bas na go long wok.

Planti ol bisnis i bin larim ol wokmanmeri bilong ol i go vot. Tasol i gat ol sampela husat i no bin larim ol wokmanmeri i go wok. Ol wokmanmeri i mas go vot bihain long wok o long belo taim.

Wanpela meri Teresa i tok olsem i moabeta gavman i makim pablik holide long dispela taim bilong vot.

Mosbi Not Wes bokis vot i paul

WANPELA kendidet bilong Mosbi Not Wes Andrew Kandakasi i raitim pas i go long bos bilong Ilektoral Komisen Reuben Kaiulo na tokim em olsem ol opisa i no ken kaunim tepela vot bokis i kam bihain.


Mista Kandakasi i tok vot bokis namba 0335, 0153 na 0175 i kamap long Waigani Plis Stesin long ka namba ZGR 976. Insait long dispela ka nogat vot opisa, tupela plisman tasol na nogat mak long soim vot tim na vot eria na ol vot opisa i no save dispela bokis i kam we.

Em i tok ol opisa i luksave long mak olsem tupela bokis 0154 na 0201 i bilong Geheru tasol nupela mak gen long en i tok i kam long Hohola na i kamap bihain long 8 klok long nait.


Mista Kandakasi i tok bokis namba 0186 na 0161 i kamap klostu long 9 klok long nait na i no gat liklik pepa insait o autsait long bokis long makim vot tim na i gat liklik lok tasol long pasim. I no gat wanpela vot opisa i kam wantaim long bringim dispela bokis.

Em i tok bokis namba 0141 i kam long Morata 3 na 47 pipel i vot. Dispela bokis i kamap long Waigani Plis Stesin long 1 klok long moning Tunde. "Morata 3 i pinisim vot bilong em long 12 kilok apinun yet long Mande na dispela vot bokis i mas kam long taim yet long kaunim ples," em i tok.

Mista Kandakasi i tokim Reuben Kaiulo olsem ol i no ken kaunim dispela ol bokis i paul na kam bihain. Em i tok sapos ol opisa i kaunim ol dispela vot em bai kisim Ilektoral Komisen i go long kot.




• Ol elektrol opisa i helpim wanpela sumating bilong yuni-versiti bilong PNG long vot long Mande 16 Jun.



Antap: • Ol biklain bilong Morata nambawan i sanap long bik san long vot. Planti bilong ol i no bin gat nem long koman rol.

Raithan: • Lapun Karoho Guba husat i gat sik lepa na i no inap rait i bin gat sans long vot tu. Poto i soim wanpela plisman Tinol i helpim Karoho long putim mak na gen subim vot pepa i go insait long balot bokis.

Ol poto: Ivan Bayagau




Antap: • Ol pipel bilong Gaden Hil setelmen i sanap long lain putim mak bilong ol long makim memba bilong long Mosbi North West open sit.

Raithan: • Ol mama bilong Pari viles tu sambai long vot . Moa long 2,000 pipel bilong dispela ples i bin putim mak bilong ol long Mande 16 Jun

Kanai tingim bek Operesin Rausim Kwik na Sandline hevi

.....musik i kik tru wantaim stail



□ Musik man, Kanai Pineri. . . . insait poto em nupela kaset bilong Kanai.

LONG mun Mas long dispela yia (1997), wanpela bikpela politikal hevi i bin kamap long Mosbi.

JAMES KILA i raitim Ripot i bin kamap long niuspepa, radio na TV taim komanda bilong PNG Difens Fos wantaim ol ami i bin tokaut strong long disisen bilong gavman long kisim ol Sandline paitman i kam. Ol ami i tokaut strong tru olsem gavman i mas rausim Sandline i go.

Planti ol manmeri long NCD i ken tingim taim ol ami na planti ol manmeri i mas i go long palamen na protes.

Dispela i mekim praim minista Sir Julius Chan, depyu

bilong em Chris Haiveta na Difens minista Mathias Ijape long sanap arere pastaim.

Wanpela musik man husat i tingim dispela taim na hevi em Kanai Pineri.

Dispela i sutim bel bilong em na bagaros i raitim wanpela song we i gat stail na naispela tru long harim

Insait long wanpela nupela kaset album bilong em, taitel bilong en "Operesin Rausim Kwik" Kanai i mekim song ya we i stori long wanem samting i bin kamap.

Em i bilip olsem sapos ol pipel i harim dispela song em i ken tingim na traim long bringim gutpela sindaun i go long ol brata-susa husat i stap

long Bogenvil na ol narapela husat i stap nabaut long PNG.

Kanai i save pilai wantaim Shutdown na Barike ben, tasol dispela resa man bilong ples Tavui i bin katim sampela solo kaset bilong en wantaim Pacific Gold Studio pinis.

Dispela nupela kaset, "Oporeisen Rausim Kwik" em i namba 6 kaset bilong Kanai na dispela i karim olgeta marasin na pawa long mekim pipel i salim tingting stret.

Wantok Niuspepa i gat bikpela bilip tru olsem dispela song bai kamap wanpela top song insait long ron bilong kauntim musik long PNG. Tru tumas dispela song i gat pawa ya.

Kanai i givim bikpela tok tenkyu i go long Patti "Potts" Doi long putim hariap tru dispela album long sotpela taim tasol. Em long save na gutpela wok bilong Potts na dispela kaset i kamap.

Kanai i tok tenkyu na salim spesel helo bilong em i go long ol lain husat i spesel tru long laip bilong em. Ol dispela lain

em Randal, Dindin, Ian Rancy lan na Shawn.

Kanai i tok God i blesim ol na mipela i pre olsem God bai bringim bek gutpela sindaun long PNG, ples we ol spesel pipel ken gro na amamas long stap long en.

I gat planti ol narapela gutpela song i stap tu long dispela nupela album bilong Kanai.

Sampela song we i gat kik tu em lamadit, Masinge, Lele Ura e, Katsco, Cops Pabeke na narapela moa.

Kain stail bilong musik, Patti "Potts" Doi i pilaim i gutpela tru na i gat bikpela bilip olsem planti manmeri bai mangalim stret dispela nupela kaset bilong Kanai.

Dispela nupela kaset bilong Kanai i bin kamaut wantaim tupela narapela nupela rilis bilong Pacific Gold.

Narapela tupela kaset we i gat kik tu em The New Darkends ben na Border Flames.

Daunbilo em pawa song bilong mun Jun, Pacific Gold wantaim Kanai Pineri i bringim i kam long yu.

OPERESIN RAUSIM KWIK SONG

Intro.....pnis bilong Nesenel Entem (O'rise All you Sons)

(1st ves) Namba 19 de long mun Mas 97, Political Crisis i bin kamap long NCD, Oporeisen Rausim Kwik long Papua Niugini, Difens Fos i toktok strong turu long gavaman, Yumi mas rausim ol Sandline i go.

(korus) Noken pait na kilim man, Strong peace na unity. PNG em i Kristen kantri Strongim lotu bilong yumi, Lus tingting long pasin pait, Strongim kantri bilong yumi

(Man toktok)Ol brata na susa, Jisas i tok yu mas laikim bikpela God bilong yu: wantaim olgeta bel na olgeta sol na wantaim olgeta tingting, na laikim narapela narapela olsem yu laikim yu yet. Mekim olsem yu noken mekim rong wantaim rong. Yu mas mekim gut long ol narapela man tu.

(2nd Ves) Gavman yu mas tingim ol pipel blong yu, Noken kilim ol barata long Bogenvil, Yu noken yusim masin gan long bringim peace God antap i gat pawa long bringim peace long Bogenvil.

(singim gen korus)



□ The New Darkends




□ Border Flames

YUMI FM

TOP

20

This Week!



LW	T/W	SONG	ARTIST
1	1	LULU	QUAKES
2	2	MANU AFAI HIMENE	LAURENT DEGACHE
6	3	ACTING YANG	WALI HITS
3	4	IA LYNETTE	LEONARD KANIA
8	5	AI DAUE	WALI HIT
4	6	DESI	TELEK
7	7	ANGEL MANGAS	JUNIOR KOPEX
5	8	KAKAUL	KANAI PINERI
10	9	MERI WALI	WALI HITS
11	10	KULUNGI	JUNIOR KOPEX
9	11	KEPOKO	TARIKANA
14	12	AZZIMBAH	AZZIMBAH
12	13	RI USHIWA	NODEAK
16	14	SHERRY	S. SEREVI
13	15	MELBOURNE CITY	G. TELEK
15	16	LAMBADA RAGGAE	DAVID ANDREW
0	17	TAMATA	QUAKES
0	18	OPERESSEN RAUSIM	K PINERI
18	19	MANAM ISLAND	QUAKES
19	20	NA KUMBIO	MANDARAH SOULS

NAUFM

YUMI FM

PNG FM PTY LTD
Trading as
NAUFM and YUMI FM

P.O. Box 774,
Port Moresby
Papua New Guinea
Ph: (675) 320 1996
Fax: (675) 320 1995



■ Kanage em bilong Arowe long WNBP. Wanpela Sande em i laik i go lotu. Em i waswas pinis, kam spreim em yet na em i putim nupela gam but su wantaim soks pinis na traim long putim longpela trausis. Baga tuhat stret long putim trausis ya bikos lek bilong en iwok long pas long gam but. Tasol em suvim het yet long putim trausis. Kanage i traim hat yet long dresim em yet na ol narapela i go pinis statim lotu na klostu long pinisim long las hap bilong lotu. Wanpela poro bilong em i kam na kolim em "Atus Poromam. Yu go pinis o yu stap yet?" Kanage i bekim long rum, "Mi stap yet kandere bilong mi." Poroman bilong en i go laik sekap long em na em i lukim Kanage i tuhat na sotwin tru wantaim long dres i stap. Taim em i lukim olsem oloman em kilim stret long lap long Kanage. Kwik taim em i ron i go aut sait long haus na tokim ol arapela long pasin Kanage i mekim.

Mista Stemphil Blaiton
Karkar, Madang

□ Kanage wantaim poro bilong em i go holide long ples na ol bigman i lukim ol wanpela bilong tupela bai i marit. Kanage i lukim olsem em i bikpela moa long Poro bilong em olsem na long tingting bilong em. Amamas i kilim em wansait stret bikos meri ya i smatpela na stail na em i stret long ai bilong em. Sande nau Kanage i ful dres stret na wokabaut i go. Long rot ol manmeri i singaut kandere Kanage, man, dres bilong yu i narakain tru ya. Kanage i wokabaut i go kamap long haus lotu na i go sindaun stret long pes we em inap was long meri bilong em i kam. Em stap liklik bai em i kirap sanap liklik na sindaun. I no longtaim ol yangpela i bringim man tru bilong marit wantaim ol song long gita na ol Sande skol mangi i wok long tromoi ol flawa na bringim tupela marit i kam insait long haus lotu. Kanage lukim olsem na bel bilong en i pas olgeta. Pes bilong en i senis i go ret olgeta. Kanage em wanpela man bilong karai stret. Tasol long dispela taim, em i strongim em yet long ai bilong ol kongrigesen. Kanage tingim tasol i stap i go na taim olgeta manmeri i pasim ai long prea, Kanage i lus isi tasol na i go autsait long haus lotu na i go olgeta long haus bilong em. Bihain sampela poro bilong em i go na tokim em, olsem "em i orait, yutupela i ken fifiti fifiti long meri ya". Na Kanage bekim na tok: "Nogat. Mi bikpela olsem na mi bai handred long em".

Traim Gen
Karkar Madang

■ Kanage em i wanpela pater na olgeta taim ol kristen manmeri i go autim sin o konpes long em, em i save sotkat na hariap long olgeta man na ol marit manmeri. Tasol long ol yangpela meri, Kanage i save spendim longpela taim wantaim ol. Ol kongrigesen i painimaut long dispela pasin bilong Kanage na wanpela taim ol yet i bung na paitim toktok i go i kam long dispela hevi. Tasol Kanage i save pinis long bung bilong ol. Olsem na bifo long ol kongrigesen i autim belhevi bilong ol long em. Wanpela Sande em i autim tok bilong Adam na Eve na em i tok, ol meri em ol as tru bilong sin bikos mama bilong ol Eve i bin statim. Olsem na mipela olgeta pris na pasto i mas spendim longpela taim wantaim ol yangpela meri taim ol i kam na autim ol sin long ol pater. Kanage em i giaman autim disp ela tok long haitim kusai bilong em yet. Mekim na ol kongrigesen i no gat rot long kotim em.

Mista Stemphil Blaiton
Karkar, Madang

Tupela maunten i kamap birua



BIPO bipo tru i bin gat tripela welman i stap long boda bilong Mendi na lalibu insait long Sauten Hailans provins nem bilong ol em Kiluwe, Yalipu na Koraipe.

Long dispela taim i bin i gat wanpela lapun man nem bilong em Yombi.

Lapun man ya i no save olsem i gat tripela wel man i stap. Tasol ol i save long em. Ol tripela welman save laikim em moa yet na ol save was gut long em. Taim lapun man i mekim ol trap nabaut long bus ol i save hangamapim ol rat na kapul. Ol tripela welman i pasim tok gut tru na ol tok ol bai i no inap bagarapim em.

Mekim olsem i go na long wanpela taim lapun Yombi kirap na mekim wanpela bikpela kumu gaden. Em wok long katim diwai na klinim ples i go olsem na klostu long gaden i laik pinis na lapun kirap na katim wanpela laspela diwai. Diwai ya i go pundaun antap long haus bilong ol tripela welman.

Long dispela taim ol i go painim kaikai bilong ol yet na taim ol i kam bek ol i lukim olsem haus i bagarap tru, tasol rum bilong Koraipe na Yalipu i no bagarap tumas.

Taim Kiluwe i lukim olsem em belhat nogut tru na tromoi olgeta samting. Isi tasol em i tanim baksait long haus na lukim lapun i wok long katim diwai i stap, na em go kilim em na kaikaim em. Long moning tupela i ting bai tupela lukim lapun Yombi tasol nogat nois bilong tamiok i kamap.



Yalipu sore no gut tru na em karai i go inap moning. Em i planim olget bun na wokabaut i go long haus na i kisim hap diwai na brukim het bilong Kiluwe na het bilong em bruk. Kiluwe pilim pen na em kisim wanpela hap diwai na brukim het bilong Yalipu. Na bikpela pait kamap namel long tupela. Turangu Koraipe i stap namel long tupela na stopim tupela tasol tupela wok long pusim em i go aut. Tupela i pait i go inap moning na tupela i hap indai i stap. Koraipe i mekim wanpela hap tok olsem, Kiluwe yu save kaikai man olsem na i luk olsem bihain tu bai yu kaikai man yet. Na yu stap long hap. Na Yalipu, yu save sore long ol man na yu bai lukautim ol yet olsem na yu stap long hap-

sait. Na Koraipe em yet em man bilong stopim pait na em stap namel long tupela na ol i tanim kamap maunten. Na nau mipela save kolim ol Mt Kiluwe, Mt Yalipu na Mt Koraipe. Na long ples Yalipu i planim lapun Yombi em wanpela ples Yombi i stap. Na karai bilong em i tanim kamap wanpela wara ol i kolim Bune.

Taim yu go long Mendi insait long Sauten Hailans long Hailans Haiwe bai yu lukim Mt Yalipu, Mt Koraipe na Mt Kiluwe, raun wara Bune na ples Yombi.

Michael A Kokem
Bomana



DIA LAIPLAIN,
Mitupela man bilong mi i kisim gutpela skol na wok i stap lukautim tripela pikinini bilong mitupela.

Tasol long sindaun na laip bilong mi, mi no stap amamas. Bilong wanem man i save lusim mi na ol pikinini na pinisim laik raun wantaim ol wantok bilong em. Em i save raun na paul wantaim ol yangpela meri na tokim ol olsem em bai i lusim mi na maritim ol. Taim em i dring spak em i save tromoi ol tok nogut long mi, paitim mi na tokim mi olsem em bai i lusim mi.

Mi no laik lusim ol pikinini bilong mi na stap long narapela hap o painim nupela man. Tasol taim mi harim ol kain toktok bilong em na tu lukim ol pas long gelpren bilong em, mi save belhat tru na kros pait wantaim em.

RESENTFUL

Man i save paul tumas

DIA PREN,

Mipela i luksave long bel kros yu gat long ol samting we man bilong yu i save mekim. Moa yet yu wari long ol toktok we man bilong yu i mekim long lusim

yu bikos dispela bai i brukim famili na bagarapim gutpela sindaun long yu na ol pikinini.

Yu klia olsem gutpela sindaun long marit em i bikpela samting long famili. Na samting we yumi i lukim olsem em i gutpela em yumi bai i lukautim. Dispela i nidim hatwok na sakrifais. Yumi ken ting olsem gutpela marit bai i kamap nating tasol, nogat ya. Tupela marit i mas wok hat long mekim marit i ron, kamap, stap na go gut. Ol bai mas redi long mekim sampela sakrifais.

Wanpela hevi we mipela i luksave i stap long planti marit na i as long ol hevi insait long marit laip em long hevi bilong komyunikesen, moa yet long autim tingting bilong tupela man na meri. Hevi bilong yu i stap long dispela sait. I luk olsem wanpela long yupela i no save amamas long sampela samting we wanpela patna i mekim o toktok long en. Yutupela i autim ol dispela kain hevi we i kamap namel long yutupela? Moabeta yutu-

pela i bihainim dispela rot long stretim ol samting sapos yutupela i no wokim olsem yet.

Mipela i edvaisim yu olsem moabeta yu painim rot we yu na man bilong yu i sindaun na toktok long ol tingting na pilings bilong yutupela. I moabeta long makim wanpela taim yutupela i sindaun gut na i no kros na bai yutupela i ken sindaun na toktok gut. Tokim man bilong yu long ol samting we em i mekim na yu no wanbel o amamas long en. Long wankain taim tu, strongim em long tokaut long ol samting we yu wokim na em i no wanbel long en. Sapos yutupela i bihainim dispela rot bai yupela i klia gut long ol samting we i wok long kamapim ol hevi na bai yutupela i painim rot long daunim ol. Tu, long bihain taim bai yutupela i abrusim ol ausa we i save kamapim ol hevi long marit laip bilong yutupela.

pela long toktok (komyunikesen) wantaim yutupela na long wankain taim strongim luksave olsem yumi wan wan man inap wokim asua na yumi mas pogivim wanpela arapela long ol rong we yumi wokim. Yu na man bilong yu inap wokim rong tu. Sapos yutupela i luksave long dispela, yupela bai i redi long pogivim rong bilong wanpela arapela na i no long kros pait olgeta taim.

Sapos yu painim hat long kamapim pasin bilong sindaun na toktok gut long ol hevi, wari na ol arapela samting we i kamap long laip na sindaun bilong yu na man bilong yu, i moabeta long painim wanpela gutpela man/meri long helpim yu. Dispela em ol lain olsem ol pater, pasto, wanpela hauslain bilong yu o wanpela pren bilong yu husat bai i helpim yu long stretim wari/hevi.

Dispela rot bai i helpim yutu- LAIPLAIN

TOKSAVE

Salim ol hevi na wari bilong yu i kam long: Laiplain, PO Box 6047, Boroko.

Yu ken ringim mipela tu long telipon namba 326 0011. Mipela i no inap autim trupela nem bilong yu long hia.

Tasol taim yu rait long Laiplain, yu mas putim trupela nem na adres bilong yu, bai mipela ken bekim pas bilong yu.

Hapim pe bilong ol wokman

Dia Edita,

MI WANPELA wokman bilong Nam Yang Timba Kampani. Mi bilong Is Nu Briten Provins. Mi marit na mi wok long NHT long WBNP. Mi laik sapotim pas bilong Lowale Napa bilong lalibu bilong Sauten Hailan provins we i bin kamap long Wantok Niuspepa long Me 15, 1997.

Mista Lowale bin tok olsem ol kampani i mas baim ol wokman gut. Na narapela brata Joshua Joe bilong Kimbe WBNP i bin tok long gavman i mas sekim gut ol kampani na apim pe bilong ol wokman husat i wok inap long 5-pela yia wantaim NHT Kampani.

Mi i no gat gupela pe. Sampela wokman i winim 8 na 9 yia, tasol pe bilong ol i no gut yet. Planti taim long taim bilong ileksen, planti kendidet i save grisim mipela long toktok olsem, sapos ol i winim ileksen ol bai lukluk long mipela. Tasol i kam inap tude, i nogat dispela samting i kamap.

Olsem na mi laik bai gavman i mas traim na luksave olsem mipela ol wokman na ol grasruts i stap na i gat gavman. Mipela i makim ol memba na ol i kamapim gavman, olsem na ol i mas tingim mipela.

Na gavman i noken lus tingting long mipela. Gavman i mas mekim polisi bai ol kampani i apim pe bilong mipela ol wokman. Nau long dispela taim prais bilong ol samting i go antap, na mani mipela i kisim i daun bilong tumas. Gavman i noken apim pe bilong ol kaka na kaikai long ol stoa tasol na pe bilong mipela ol wokman i no gupela. Husat gupela man i ken luksave na marimari long mipela? Plis ol lida long palamen senisim polisi na hapim pe bilong mipela ol kampani wokman.

Em tasol na yu husat i laik sapotim pas bilong mi yu welkam tasol.

**Kepson Gramson
Nam Yang Timba
Kimbe.**

Prais Kontrola no mekim wok

Dia Edita,

MI WANPELA mangi long Wes Nu Britan. Mi laik bringim bel hevi bilong mi i go long ol Konsuma Afes Kausel. Mipela ol pipel bilong Wes Nu Britan i no amamas tru long ol bikpela stoa long Kimbe taun.

Prais bilong ol samting long stoa i go antap tumas, na mipela i laik baim ol samting long stoa na karim mani inap olsem K5-K70 na K100 tasol i luk olsem dispela mani i no inap tru long mipela baim planti samting. Dispela liklik mani i save pinis long wanpela bek rais, 10-pela tin pis na lukim, westap traipela mani? Prais bilong ol ol kaikai long stori na servis i go antap tasol Gavman i no hapim pe bilong mipela ol wokman long kamapani na Gavman. Em wanem kain Gavman? Ol hapim tasol pe bilong ol politisen na i no tingting long ol wokman na ol man bilong ples.

Na bilong wanem na prais kontrola i no save lukluk long olgeta provins na daunim prais bilong ol kaikai long stoa. I luk olsem i nogat prais kontrola long long Kimbe tasol? Kamon Konsuma Afes Kausel, mekim wok.

Em tasol na yu husat brata o susa i laik sapotim pas bilong mi orait rait tasol long Wantok na bai mi ritim.

**Nickson Joseph
Kimbe**

TOKSAVE

Sapos yu laik salim pas bilong yu, salim long dispela adres:

**WANTOK NIUSPEPA
PO BOX 1982
BOROKO. NATIONAL
CAPITAL DISTRICT**

“EMTV stretim Musik program”

Dia Edita,

PLIS INAP yu putim kamap dispela bel hevi bilong mi i go long ol wokmanmeri bilong EMTV.

Bel hevi bilong mi em i olsem, planti taim mi no save hamamas long lukim EMTV Mekim Musik, Pepsi Fizz, na Top 10.

Ol i save miksim ol singsing olsem lotu na roken rol wantaim. Dispela em i no stret.

God em i no pilai bilong yumi. Sapos yupela long EMTV i laik pilaim song bilong roken rol orait no ken

miksim wantaim ol song bilong lotu.

Mi laik yupela pilaim song bilong lotu long Sande na long Trinde na Fonde em yupela i ken pilaim ol roken rol song.

Em tasol liklik bel hevi bilong mi. Sapos yu husat i laik sapotim mi yu wel kam tasol. Na sapos yu laik agensim mi em orait tu. Rait tasol long Wantok nuspepa. Tenkyu na God i blesim yupela.

**Diana Maro
Tabubil
Western Provins**

Stretim Goroka maket gut

Dia Edita,

MI WANPELA mangi Hailans, tasol nau mi stap long Tabubil.

Mi bin lukim pas bilong Webby Gurare i bin kamap long Me 15, 1997. Mi laik sapotim dispela pas bilong en. Goroka maket i stap namel stret long Goroka taun na em i wanpela gupela ples tru.

Tasol maket tasol i rong liklik. Goroka kausol i mas lukluk long en na mekim sampela samting. Ol mama i save maketim ol gupela kaikai na kumu na planti manmeri i save amamas long raun long Goroka maket na baim kaikai. Goroka maket i mekim Goroka taun i kamap wanpela gupela pels tru. Tasol bikos maket bilong Goroka taun nau yet i no gupela, i mekim planti pipol i no amamas.

Olsem na plis ol Goroka Kausol. Yupela i mas lukluk long en na mekim sampela samting. Mi save lukim panti ol turis i save kam raun na lukluk long Goroka taun na mi bilip ol i save amamas. Tasol mi sem long lukim olsem maket ples em i no gupela.

Plis, Kausol na Provinsel gavman, yupela i mas lukluk long dispela ol samting. Stretim banis gut, streim maket haus gut, tebol na bikpela samting em toilet. Sampela hap long maket i gat olgeta samting. Bikpela servis i save kam insait long Goroka, tasol provinsel gavman i no lukluk gut na wokim ol gupela samting. Yumi yet i mas lukaun taun na maket bilong yumi.

**Pee. James
Tabubil**

Putim wara saplai long Kerakera

Dia Edita,

MI WANPELA mangi Morobe mi stap long Kerakera Agi Oil Pam. Mi laik autim wari bilong mi i go long pablik na tu long ol pipel bilong Kerakera olsem, mi save raun na harim planti manmeri na tu ol pikinini i save tok olsem nau bai ol i putim wanpela wara saplai long Kerakera. We stap dispela wara saplai. Dispela tok mi bin harim long 1993 i kam inap long 1997 na mi harim yet.

Plisman bilong Lumi no mekim wok

Dia Edita,

MI LAIK sapotim pas bilong brata Liex Y. Ico long Yawasoko Wewak.

Em bin raitim pas long Me 8 na nau mi laik sapotim pas bilong em.

Long lukluk bilong mi ol plis bilong Lumi na Vankok ol i no save wokim wok bilong olsem brata bilong mi Liex bin raitim pinis long Wantok nuspepa.

Ol plis bilong dispela tupela distrik ol i bin stap long sampela hap ol save wokim wok bilong ol. Na taim ol i kam long Lumi na Yankok ol bai putim yunifom bilong plisman nating na raun-raun wantaim ol lain bilong ples

MI no lukim wanpela wara saplai long Kerakera inap tude na mi les tru long harim dispela toktok.

Turangu ol mama bilong yumi ol i save karim olgeta samting bilong ol na taitim bun long go kam long wasim ol samting bilong ol long wara.

Mi laik askim yupela ol lida olsem, ol i putim wara saplai long eria 8 na olsem wanem long Kerakera. Olsem wanem na yupela i no sori long ol turangu

na kaikai Buai na Simuk raun nating. Ol i no save wokim wok bilong ol.

Bipo i gat ol gupela plisman husat i save mekim gut wok bilong ol. Tasol nau ol dispela plisman, ol skin dai. Ol save waswas tasol na putim yunifom tasol na was long ol meri bilong ol kukim kaikai tasol long hauskuk na ol i no save wokim wok bilong ol.

Ol i stap nating tasol na kisim mani bilong gavman nating. Ol i no wokim gut ol wok bilong ol helpim ol pipel bilong ples.

**Keval Treding
Vanimo, Sandaun provins.**

Mobail plisman i no mekim gut wok

Dia Edita

MI LAIK sapotim pas bilong brata Hanch Wakore husat i bin salim i go long Wantok nuspepa long Me 15, 1997.

Toktok na wari bilong mi i go olsem. Yumi ol PNG i save yusim ol samting olsem, naip, sawol na tamiok long wok long gaden. Yupela ol Mobail plisman i painim wok o? Ating ol i salim yupela long go sekim bilum bilong ol meri na rausim ol samting

bilong ol bilong go wok long gaden ha?

Bihain yupela bringim ol mama i go long stesin na paitim ol nating long ai bilong ol pablik. Ol Mobail plisman bilong Lae i save giaman saspek nating. Traim na stretim ol bikpela trabol pait pastaim.

Long sampela hap provins, ol Mobail plisman i save wokim wok gut. Ol i no save saspek nating. Ol i save wok gut na bihainim ol lo stret. Tasol ol Mobail plisman bilong Lae i

no save mekim gut-pela wok. Yupela tu, i gat papamama i stap. Olsem na traim na tingim bek pastaim orait wokim ol samting.

Busnaip, sawol na tamiok i no bilong karim i go long taun na paitim ol manmeri? Em ol samting bilong wok gaden.

Em tasol liklik wari bilong mi. Yu husat i laik sapotim pas o egensim em orait tasol.

**James P
Lockland
Tabubil**

Makim gupela kendidet bilong Kabwum

Dia Edita,

MI WANPELA mangi Kabwum tasol mi stap long Madang. Mi laik sapotim pas S. Kmuringa long Tabubil.

Brata em i tru olsem ol Kabwum i no gat saveman long palimen. Planti taim ol lain long Kabwum i save votim ol lain i pinisim tasol gret 6 na kamap didiman o tisa.

Ol dispela kain kendidet ol i win na i go long Palimen na i no save wanem samting bai kamap long yumi pipol bihain. Sampela bilong ol i no save long rit na rait.

Olsem na taim ol i go long palimen, ol i save slip na i no

toktok long autim hevi bilong mipela ol pipol i makim ol.

Ol kendidet i mas save long rit na rait. Olsem bai ol inap long save long wanem samting i kamap o wanem kain developmen ol i mas bringim i kam long ilektoret na provins na kantri bilong yumi.

Nau em i taim bilong yumi long votim ol gupela lida husat inap harim wari bilong yumi na maski long pundaun long tok gris na mani.

Em tasol na mi hamamas long sukim bekim bilong pas bilong mi.

**Sayland Bessah
Madang**

lain bilong Kerakera? Plis mi laikim ol bos i mas glasim dispela hevi na putim wanpela wara saplai long ol pipel bilong Kerakera. Em tasol liklik komplemen bilong mi. Yu husat man i laik agensim mi, yu ken rait long Wantok Niuspepa na bai mi lukim.

**Josia Mato
Kerakera, Divisen Tri
Bois Kamp, Bialla.**

Sir Peter Lus i no mekim wok

Dia Edita,

MI WANPELA mangi Maprik. Mi stap long Wewak taun inap long 10-pela yia. Mi laik olsem memba bilong mipela Sir Peter Lus em i sanap memba inap long 20 yia olgeta. I kam inap nau i nogat wanpela wok i kamap long ilektoret bilong em liklik. I nogat olgeta.

Nau mi laik tokim yupela ol pipel bilong Maprik olsem, lukluk gut na votim nupela memba. Senisim Peter Lus. Maprik taun i bus na kolta long rot i bruk bruk olgeta. Maprik taun i bus olgeta.

Na tu mipela pipel bilong em i tokim em long helpim mipela long wokim rot bilong yumi tasol em i no mekim wanpela samting. Sans bilong yumi long votim nupela na gupela lida husat inap lukluk long yumi na harim tok bilong yumi. Yu husat i laik sapotim mi o egensim mi plis yu rait tasol long Wantok bai mi ken lukim.

**Fex Richard
Bala viles
Mangi Buki**

Gavman mas rausim Islam

Dia Edita,

MI WANPELA mangi i lukim olsem gavman bilong yumi i larem ol kainkain lotu we ol i no save autim tok bilong Jisas Krai bikpela bilong yumi i kam insait long kantri bilong yumi na mi no wanbel long gavman bilong yumi.

Wanpela lotu we ol i no save laikim ol man i autim tok bilong Jisas Krai, em lotu Islam. Dispela lotu Islam i save tok olsem Jisas em i no pikinini bilong God. Ol Islam i save tok, em man nating olsem wanpela gupela profet i kamap bihain long ol arapela profet. Ol i save tok olsem, ol manmeri i bihainim lotu Islam i kisim nem muslem. Na dispela lain manmeri i bilip long Alah em wanpela tasol i bikpela. I no gat narapela i olsem Alah i stap.

Olsem na dispela ol lain bilong lotu Islam em ol profet giaman na ol inap long paulim ol kristen. Olsem na mi aksim olgeta kristen Sios long sanap wantaim na tok strong long gavman long rausim dispela lotu Islam i go bek long kantri bilong ol.

Em tasol na yu husat i laik sapotim o egensim tok bilong mi em orait tasol.

**Mark Leo
Mosa Trading, Kimbe**

Noken paul, makim gutpela lida

Dia Edita

MI WANPELA mangi Niwara, long Wara Sepik.

Mi laik autim wari bilong mi long ol Niwara. Lukluk bilong mi olsem.

Mi laik givim wanpela tok piksa olsem wanpela pamuk meri i save kisim K50 long nait na lusim em na go long narapela man na kisim ken mani long en.

Mi laik tokim yupela olsem nau em politik taim.

Olsem na sapos yupela i no makim gut lida, yupela i save kalap kalap na giaman long ol kendidet.

Yupela i mas lukluk gut na givim X bilong yupela i go long ol man husait bai kisim yumi go long yia 2002.

Olsem na nau i taim bilong makim gut lida. No ken kalap kalap na paul nabaut.

Horz Timayaman Maprik

Jias em trupela rot long go long heven

Dia Edita

MI LAIK sapatim pas bilong brata Tutuk Sawooy i bin kamap long Wantok Nius na em i tok, Sabat na Sande no rot tru Jisas em i rot tru. Mi laik sapatim pas bilong brata ya bikos. Baibel i no bin tokim yumi olsem, Sabat o Sande em rot i go long heven. Nogat tru.

Long buk Baibel, God i givim yumi Jisas Kraus olsem rot i go long heven na i no long Sabat o Sande.

Lukim Buk Baibel long

Jon 14: 6 Jisas i tok mi yet mi rot,

Aposel 4:12 No gat narapela nem God i givim yumi,

1 Jon 5: 12 Man pas wantaim Jisas i gat laip,

1 Timoti 2: 5 Jisas em namel man long yumi na God. Dispela ol Baibel ves i tok long Jisas tasol em i rot i go long heven.

Na i gat planti moa Baibel ves i toktok long nem Jisas. Na i no long sabat o Sande. Bilip long Jisas Kraus na bihainim pasin Em i laikim na bai yu go long heven. Yu bilong Sabat, o yu bilong Sande em i orait tasol maski kros pait long dispela. Lotuim God long bel na long toktok na pasin bilong yu na noken kros long Sabat o Sande.

Charis Pora NCD

Plisman long Lae i painim meri tumas

Dia Edita

MI WANPELA mangi long, Lae Morobe provins. Mi laik sapatim komplek bilong Monica Charles olsem. I no yupela Hagen tasol i gat dispela kain hevi, olsem ol plisman i save aigris long ol meri.

Dispela pasin bilong ol plisman long ai gris long ol meri i pulap tu long Lae. Wanpela taim mi yet i lukim long ai bilong mi long Malaumi bris, ol plisman bilong Nazab i kisim ol meri bilong rot na putim insait long plis ka na ol i raun wantaim na sapak wantaim.

Na mi ting ol dispela Meri em ol meri bilong ol. Tasol nogat. Em ol meri bilong rot nabaut. Olsem na mi askim bos bilong plisman i ken lukluk tru long ol plisman i wok long mekim dispela kain pasin. Plis rausim ol. No gut ol i givim sik long olgeta plisman.

Steven Yansom Lae

Noken seksek long K20 o lek pik na salim vot

Dia Edita,

MI WANPELA mangi Sepik tasol nau mi stap long Hagen.

Mi laik sapatim pas bilong John Kera na Keveh. Tupela i tok-tok long ol memba i save givim mumu, sampela bai putim danis, sampela bai soim video na kainkain samtung bilong grisim man. Wanem man o meri i save go long dispela kain hama-mas mas ting. Bai mipela bai go olgeta taim o? Tasol ol brata na susa bilong mi. Mi tokim yupela. Noken seksek long K20, lek

pik o danis na salim vot bilong yupela. Sapos wanpela kendidet i mekim olsem na em win em go long palamen na em kisim lilektorel Developmen Fan mani, tingim gut, dispela em mani bilong ol pipol. Em bai tingting long karamapim dispela mani taim em i spendim long kempein taim. Sapos em i spendim olsem K3 milion, orait em bai tingting long kisim K5 milion. Sori tumas olgeta mani bilong ol pipol i pinis. Olsem na save i stap long yumi wan wan. Votim wanpela man we i yu gat bilip olsem dispela man bai lukluk long gutpela sindaun long bihain taim bilong yu.

Lawrence Juafi Mt Hagen

Plis long Biala mekim wantok sistem tumas

Dia Edita

MI WANPELA mangi Sepik tasol na mi stap wok wantaim Hargy company long Biala. Mi laik autim wanpela wari bilong mi.

Long lukluk bilong mi long ol plisman long Biala mi lukim olsem ol plisman i save wokim planti wantok sistem.

Planti stil pasin na raskol pasin i kamap hia long Biala bikos ol plis i save long dispela kain man nogut o raskol man.

Long namba wan taim ol plisman bai wokim wok long painim ol dispela trabel man, tasol i stap liklik ol bai lus tingting na i no moa mekim wok painim aut.

Dispela pasin i kamap bikos ol plisman i wokim plen na sapatim ol raskol man na taim ol raskol.

Olsem na yu husat PPC bilong West Niu Briten yu mas lukluk gut long dispela na transferim husat plisman i winim planti yia long Biala na salim ol i go long narapela hap provins.

Narapela hevi mipela i lukim ol plisman long Biala i save mekim em olsem ol plisman long Biala i save yusim plis ka long karim ol K2 meri na bia tasol.

Em tasol. Yu husat brata o susa i laik sapatim o egensim mi yu welkam tasol.

Joe Barex Biala

O PNG loya i no laik helpim Singirok

Dia Edita

MI WANPELA mangi long bus stret namel long Sandaun na Sauten Hailens.

Mi laik autim wari bilong mi i go long olgeta loya bilong PNG olsem.

Bilong wanem na yupela i no laik helpim Mista Singirok long kotim ol lida bilong yumi husat i wok long bagarapim dispela gutpela kristen kantri bilong yumi?

Mi ridim long Wantok Niuspepa, Post Courier na National Nius olsem planti grasrut, lapun, na skul

manmeri i wok long bungim mani long baim loya bilong winim dispela kot wantaim ol tripela Minista.

Ol PNG loya stret i go we long helpim yumi PNG? Ating ol loya i no sem long kisim mani i kam long papamama bilong ol yet?

Sapos mi wanpela loya, bai mi helpim Mista Singirok nating long kotim ol dispela tripela man.

Benson Popo Kemibou Lake Kopiago, SHP.

Memba bilong Menyamya i mas mekim rot

Dia Edita

MI WANPELA Mangi Morobe tasol nau mi stap long Kimbe Wes Nu Briten provins.

Mi laik autim liklik bel hevi bilong mi i go long ol memba bilong Menyamya. Ol memba bilong Menyamya i mas dai pinis o i stap yet. Sapos yupela i stap yet orait rot i go long Menyamya i bagarap na mi i no amamas long dispela. Long wanem Menyamya rot em nesenol rot. Olsem na mipela laikim yupela i mas putim ol

bikpela masin na wokim dispela rot. Dispela rot em nesenol rot na yupela ol memba i mas lukluk hariap. Planti pasindia ka tu i save kapsait long dispela rot bilong Menyamya. Ol pipol insait long Menyamya i save painim hat long wok mani na i stap nabaut long Lae siti na long Kimbe, na Rabaul.

Olsem na memba bilong Menyamya i mas painim wanpela we bilong stopim ol pipol bilong em long go aut long ol narapela provins insait long

kantri. Yupela ol memba i mas painim gutpela rot bilong helpim ol pipol. Yupela mas putim kainkain projek long Menyamya olsem bai ol pipol i no ken lusim ples na go long narapela hap. Ol memba i save olsem mipela ol pipol i stap na memba i stap. Olsem na tingim ol pipol na mekim sampela rot bilong stopim pipol long go aut.

Michael Wosako Umba village Morobe

No ken sapatim PPP, PANGU na PDM

Dia Edita

MI WANPELA mangi Boana. Mi stap long Lae na mi harim ol kain kain man i wok long kempein long tripela pati. Maski lusim ol.

Mi tokim yupela stret ol pipol bilong Nawaeb olsem ol dispela pati PPP, PANGU, na PDM ol bagarapim kantri bilong yumi pinis. Olsem na yumi lukluk gut na votim ol. Sapos yumi makim ol sem lain em bai kantri i bagarap olgeta.

Olsem na nau em taim bilong lukluk gut na sanapim man.

Ol papamama bilong Nawaeb, mi tokim yupela olsem, yumi save holim pasim ol pati em nau pinis. Olsem na nau em taim bilong yumi long lukim na skelim. Man husat i sanap long tiket bilong pati em yu save olsem yu bai lus long Nawaeb PPP, PANGU na PDM.

Jeffery Kambagit Lae

Makim gutpela lida bilong Nuku Distrik

Dia Edita

MI WANPELA mangi bilong ples Seim long hap bilong Nuku, Sandaun Provins. Tasol nau mi stap long Kimbe, Wes Niu Briten. Mi laik sapatim pas bilong Francis A.

Em i tok makim wanpela rait man long Nuku.

Brata long sapatim toktok bilong yu. Mi ken tok olsem Memba bilong mipela long Nuku Distrik, Mista Sambre i sanap i kam inap nau, i no gat wanpela gutpela wok em i kamapim long Nuku.

Dispela 22 yia Mista Sambre i sanap rot i no senis na Nuku Distrik i no kamap gut i kam inap dispela yia 1997.

Olsem na dispela yia 1997 em taim bilong ileksen na yu husat yangpela manmeri bilong Nuku Distrik yu mas lukluk gut na

makim wanpela rait man bai sanap long Nuku.

Nau em las sans bilong yumi ol pipol bilong Nuku Distrik.

Olsem na yumi mas lukluk gut na makim rait man.

Yu husat papamama o yangpela manmeri yu no ken harim gris bilong husat man i laik giaman yu long ileksen. Yu mas lukluk gut na makim gutpela man.

Sapos yu makim nating man, em yu save pinis long Distrik bilong yu. Sapos yu laik lukim senis, orait makim gutpela lida.

Em tasol na yu husat brata or susa i laik bekim em welkam tasol bai mi lukim.

Denis Makanu Seim Jikanda Nuku Distrik, Sandaun Provins

Votim ol meri maski long ol man

Dia Edita

MI WANPELA mangi Buang mi stap long Lae long Morobe provins. Mi laik autim wari bilong mi olsem. Ol memba yumi save votim ol i go long palamen haus, save lus tingting long ol pipol na provins bilong ol.

Ol i save pulapim poket bilong ol na ol i no save tingim kantri na provins bilong ol. Taim ol i kamap minista, ol i tingting long raun long gutpela ka na tingim ol yet wantaim ol meri pikinini bilong ol. Ol i no save tingim pipol na provins na kantri bilong ol. No gat tru.

Ol pipol, nau yumi mas tingim ol meri. Votim ol meri na larim ol i mekim sampela samtung na yumi lukim. Larim ol meri i sanap. Long mi yet mi lukluk na i nogat senis insait long provins na long kantri. Nau em i taim bilong ol meri long sanap. Sapos yu laik sapatim o egensim pas bilong mi, rait tasol long Wantok na bai mi ritim.

Lelesi Teron Lae

Olgeta mama i save kuk gut

Dia Edita

MI LAIK bekim pas bilong Sony Wowo, Kamonom Viles Lumi Sandaun Province. Em kamap long Wantok Niuspepa Oktoba 17 1996.


Brata yu tok olsem, ol meri Tolai i win long kuk. Brata yu painim wanem samtung, yu painim kaikai or yu painim mani na yu go kamap long Wes Niu Briten. Na nau yu kompelin long kuk bilong ol meri Sepik. Ol meri bilong olgeta provins i save kukim wankain kaikai tasol na yu save kaikai. Brata mi ken tokim yu stret olsem yu smelim bilong ol meri Tolai na yu kompelin long kuk bilong ol meri Sepik. Brata yu bilong Lumi na mi bilong Nuku long hap bilong seim.

Tasol nau mi stap long Kimbe. Na mi save lukim ol meri i save kukim gut kaikai. I no gat wanpela meri i save kukim kaikai nogut. Brata ples bilong yu em mi lukim pinis. Tasol yu no save long ples

bilong mi Seim. Ples bilong yu, em yu save kuk long mambu, na yu ting mi no save long ples bilong yu na yu komplek long kuk bilong ol meri Sepik. Yu bilong wanem hap. Yu bilong Simbu o yu bilong Morobe o ol Tolai i karim yu long hap. Yu bilong Sepik ya yu go testim kaikai bilong ol Tolai na yu opim maus nating long Wantok Niuspepa. Yu pasim maus na yu stap wantaim ol Tolai long Rabaul.

Yu stap long Kimbe bai mi lukim yu. Olgeta hap kona bilong Kimbe taun em mi save raun tasol mi no save lukim yu. Brata mi ken tokim yu stret olsem, mi wantaim yu mipela raun man tasol. Na noken komplek long kuk bilong ol meri Sepik. Em tasol na yu husat man o meri i laik bekim rait tasol.


Denis Makanu Seina Jikanda Nuku Distrik, Sandaun Provins




Ol poto bilong ileksen insait long Mosbi

Ol poto:
IVAN
BAYAGAU

- A. Ol pipel bilong Pari i wet arere long banis bilong vot. Ol pipel i bin sanap long banis long monin i go apinun long vot
- B. Maria Elias, wanpela elektoral opisa i soim ol pipel we bilong putim mak antap long balot pepa long Konebada. Elias i bin lukautim wanpela polin but long Mosbi Saut.
- C. Ol skrutunia bilong wan wan kendidet bilong Mosbi North West i sindaun isi long sait na lukluk long pipel i vot long Morata.
- D. Komisina bilong Elektoral Opis Reuben kaiulo i subim balot pepa i go insait long balot bokis bihain long em i makim pepa long Konebada.
- E. Dispela em i polin haus bilong Morata. Haus ya ol i mekim long sel.





PNG

BUSINESS

ISSUE No. 284 JUNE 1997 48 PAGES

PROPOSAL TO REVIVE DORMANT PNGNBA

by FAY DUEGA

A PROJECT proposal has been submitted to the Department of Commerce and Industry to revive the now dormant Papua New Guinea National Business Association (PNG-NBA).

The proposal was developed in conjunction with a report by Lukis Romaso, of Kum Cie, a consultancy firm. While the report highlighted various problems encountered by provincial business associations (PBAs), it also recommended a new strategy that emphasises a "bottom up" approach which fosters greater participation by members through their PBAs. This strategy would ensure formation of an umbrella body such as PNG-NBA will be made up of representatives from the provinces.

The Romaso Report (PNGNBA Study for UNDP, February, 1997) recommended that "the obvious place to start should be in the provinces which show interest to re-organise their associations. It should be a bottom-up approach which will require dedication and voluntary services on the part of the members to start up."

The proposal was submitted by the president of the PNG NBA, John Malai after its secretariat office was closed in June 1996. It said that the association had failed to realise its full potential due to a number of constraints, the main one being the lack of support from members.

A major conference that was held in Lae in October, 1996 noted that PNG-NBA and its PBAs have not progressed to fostering the views of its members and to deliver and provide simple business services as required from time to time by financial members.

Some of the major areas of concerns raised included:

- Mismanagement of associations at provincial levels. It was noted that provinces withheld funds because of the practice made by LIKBA in the past.
- Executives responsible for these centres have in the past not accounted for monies collected as membership fees. Such practices have discouraged potential members from maintaining their membership fees.
- Despite the fact that most provinces which initially received financial assistance to purchase fax machines, photocopiers, typewriters etc., lack of communication has remained one of the contributing factors in the downfall of the PNG-NBA. The proposal stated that the cost of phone/fax and the non settlement of the accounts remains a common problem in the head office and provincial offices.
- General lack of administration at PBAs was acknowledged and further discussions on how to improve that is required.
- It has not been possible to sustain the operational costs of PNG-NBA and PBAs without assistance from the national government and external donor agencies. The proposal called for financial self-sustaining by PNG-NBA of its operations without outside assistance.
- Most PBAs had no realistic budgets; some had no budgets at all; and

to page 2

7-PAGE ISLANDER NEWS MONTHLY.

5-PAGE BUILDING AND CONSTRUCTION.

4-PAGE FOOD PROCESSING.

C - 200
The small Mercedes has been a among compact cars; the for others to follow. the latest mer we are setting stand comp lengi

E - 230
The Mercedes E230 is a truly exceptional car, with its front and rear aprons and AMG light-alloy wheels, the appearance alone creates a powerful overall impression. Its power output is converted smoothly into dynamic performance by a new, electronically controlled five speed automatic transmission.

Mercedes Benz

NOW IN STOCK

BOROKO MOTORS
The Best Buys

Keep up to date with the latest happenings in the business and investment sector of Papua New Guinea by reading your copy of PNG BUSINESS.

Published at the end of each month, PNG BUSINESS is distributed direct to its target market, the decision makers and looks to comment on such items as new product releases, new company opening, any new initiatives which may influence local trade, changes to key management etc...

ENSURE YOU STAY INFORMED WITH PNG BUSINESS

PROUDLY PUBLISHED BY WORD PUBLISHING COMPANY PTY. LTD.
P.O. BOX 1982, BOROKO, NCD, PHONE: 325 2500 FAX: 325 2579.




• ANTAP: Lukaut long ol dispela bikman. Ol taitim bun long Pom Aussie rule resis. s.



• Pilai namel long ol Blue Kumuls na Blue Kings bilong Bomana long PMSA soka resi.



• Tas ragbi salen namel long Laws road na Hyundai.



• Yupela! Karate Kid o? Lukaut long kain pilai bilong ol meri long PMSA soka resis.



• Pilai namel long West na Dragon Koki Dockers las wiken.

IC Fund Yunivesiti kisim bikpela salens long Blue Kumuls

BLUE Kumuls soka klap putim kamap wanpela strongpela pilai long Sande abinun na dro wantaim IC Fund Yunivesiti.

WATSON GABANA i raitim

Dispela i bin namba wan dro bilong IC Fund Yunivesiti long dispela sisen bilong Mosbi soka asosiesen resis.

Sikspela pilaia bilong IC Fund Yunivesiti i stap insait long PNG skwat olsem na dispela i givim ol plis manki bilong Bomana na gardens gutpela sans long kamap wantaim dispela dro.

Oi biknem pilaia bilong IC Fund Yunivesiti, husat nau i stap long PNG tim em; fulbek Joe Aisa na Beno Luluai, winga Roy Karang na Batman Furigi na straike Steven Mune na Hans Gewabing.

Tupela tim wantaim i bin putim kamap wanpela strongpela salens tru. Oi salim bal i go i kam na mekim nois long gol mak bilong birua klostu klostu.

Mekim olsem i go na i no long-taim, wanpela penalti kik bilong Jackson i painim het bilong Desmond Waku long namba wan gol bilong dispela abinun.

Oi manki Blue Kumuls i traim long putim wanpela gol tasol olgeta kik bilong ol i no bin kisim gut mak.

Midfilda bilong ol, Nasa Wangu i kontrolim bal gut tru na laik traim long kamap wantaim sampela spes tasol, wantu, oi manki Yuni, hariap long kam na blokim em.

Tupela tim wantaim pait strong i go na oi manki IC Fund kamap wantaim wanpela gol gen.

Joe Turia kikim bal i go painim lek bilong Ben Lakasa long mekim

nois insait long umben bilong Blue Kumuls.

Dispela gol i bringim gem i kam long arere bilong fes hap. Taim tupela tim i kam bek long seken hap, ol plis manki i pait strong tru.

Oi salim bal i go i kam na soim pes klostu klostu long gol mak bilong IC Fund Yunivesiti.

Mekim olsem i go na bihain long wanpela kona kik, ol painim umben bilong Yunivesiti.

Bihain long dispela gol, ol Blue Kumuls i bin pilai strong tru.

Oi traim planti taim long skoarim gol i go na dispela hat wok bilong ol i bin karim kaikai taim, Charles Romo painim gen Umben bilong IC Fund klostu long pinis bilong gem.

Oi manki Yunivesiti i bin pilai strong tru na kamap wantaim sampela gutpela sans long skoa tasol dispela hat wok bilong ol i bin kamap gut. I bin gat wanpela taim we, Ben Lakasa i bin ran em yet long gol mak tasol kik bilong em i no bin painim taget.

Tupela tim wantaim pait strong i go tasol taim pinis olsem na ol dro 2-2.

Long arapela primia gem bilong PMSA Sande las wiken, French Bake Haus Difens i bin nekim Sobou 1-0, Pepsi Momase dro wantaim Krunti Andra 2-2 na Babaka dro wantaim Guria 1-1.

PMSA bai i no inap ranim kompetisen bilong ol dispela Sarere bikos long bikpela gem namel long PNG na Fiji long Sir Hubert Murray Stadium.

Tasol long Sande, bai olgeta gem i go het.



Skul soka Anda 10 salens namel long Korobosea na Wardstrip Primari Skul long wiken. FOTO: HARRY KOMBEGA

Goroka soka kamap gut gen bihain long planti yia

SAPOTA na pilaia bilong Goroka soka asosiesen i ken lukim bikpela senis i kamap long dispela sisen, bihain long ol makim nupela eksekutiv long wik i go pinis.

SAP METTA i raitim

Bikos long ol dispela biknem eksekutiv bilong GSA, pilai namel long ol risev, primia na "womens" divisen i bin kamap gut tru long wiken i go pinis, we i bin lukim kambek bilong planti spekteta na folowa long kamap na witnessim ol gem long NSI pilai graun.

Stendet bilong soka long Goroka i bin pundaun sikspela yia i go pinis bikos long planti ol paul pasin na mismenesmen namel long ol opisels husat bin i go pas long lukautim opis bilong GSA.

Dispela paul pasin i bin kamap bikpela tru na kilim interes bilong planti pilaia na tu ol folowa bilong soka insait long Goroka we i bin lukim soka olsem wanpela samting nating.

Nau yet long dispela sisen wantaim ekspirians bilong ol nupela eksekutiv bilong GSA olsem Edris Kumbruwah husat bai i go pas long teknikel na dis-

aplineri komiti, sinia refri Augustine Tom na Dimirit Mileng bai i ken lukim planti eksen i kamap long dispela seksen.

Long wanpela GSA miting sampela wik i go pinis deleget i bin makim wanpela olpela sinia pilaia, Iffson Isaiah long go pas long asosiesen olsem presiden na Peter Siba olsem namba tu bilong em vais presiden.

Tredera bilong asosiesen em Victor Simons na Velda Mave (assisten tredera).

Sekreteri em Dimirit Mileng, gems komiti siaman em Mathew Waram husat bai i go pas long lukautim ol gem na ol komiti huait bai asistim em, em Noxi Savia, Freddy Beamu, Jacob Reuben, Luke Elleye na Samu Sasama.

Sinia refri bilong GSA Augustine Tom i tok nau yet lukluk long ol asisiesen eksekutiv husait i gat planti ekspirians, GSA bai i ken luk fowat long kamapim gutpela soka sisen dispela yia na ol yia i kam bihain.

Em i tok GSA i bin i stap long taim nogut long ol yia i go pinis bikos long ol olpela opisa husat i

no bin ranim gut asosiesen long Goroka.


Klostu long mak bilong soka inap long dai aut long Goroka, tasol ol deleget bilong wan wan klab i kamap wantaim gutpela na wanbel tingting we ol i makim ol dispela nupela eksekutiv.

Tom i tok wantaim save na ekspirians bilong ol dispela nupela pawa haus eksekutiv, GSA i ken luk fowat long kamapim nupela na strongpela kompetisen long lokel na bilong nesenel level.

Nau yet GSA i gat 29 tim i pilai stap nau long ol kompetisen stat long risev na i go antap long divisen bilong man na meri.

Klap we i kamapim dispela 29 tim long nupela 1997 sisen em: Murat, Rapatona, Morobe United, Goroka United, Kalibobo, Guria, Telikom na Elcom (mens primia divisen). Men's A risev em Rapatona, Murat, Morobe United, Goroka United, Kalibobo, Guria, Telikom, Elcom na Tarangau.

Women's sinia divisen em Kalibobo, Murat, Rapatona, Goroka, United, Morobe United, Guria, Telikom, Elcom, Tarangu, Seigu, Guria 2 na IMR Murat 2.



Was aut Tupela meri yah i pilai soka o?

LAHI SOCCER ASSOCIATION
1997 WEEK TWO DRAW

Sik Stadium

Saturday June 21

8.00 U/19 1 Sunstriders vs MilneBay United

9.15 W2 North West vs Eastern Stars

10.30 W1 Asiawe vs Sunstriders

11.45 W1 Morobe United vs Waliya

1.00 P2 Rapatona vs Sikambu

2.15 P1 Asiawe vs Telekom

2.00 P1 Sobou vs Elcom

Sunday June 22

8.00 U/19 1 Elcom vs Morobe United

9.15 W2 Lae Biscuit vs Sikambu

10.30 W1 Elcom vs Rapatona

11.45 W1 Sobou vs Gaziga

1.00 D2 Sunstriders vs Kuac

2.15 P1 Rapatona vs Sikambu

4.00 P1 Morobe United vs Guria

Uni 1

Saturday June 21

10.00 U/19 1 Telekom vs Unitech

11.00 U/19 2 Gee Otton vs Mungkas

12.15 D2 Mungkas vs Kurti Andra

1.30 D1 Lae Biscuit vs Mungkas

3.15 Morobe United vs Guria

Sunday June 22

10.00 U/19 1 Telekom vs Rapatona

11.15 D2 Eastern Star vs Mungkas

1.30 D1 Wullet vs Northwest

3.45 P2 Sobou vs Elcom

Uni 2

Saturday June 21

11.00 U/19-2 Guria vs Defence

12.15 D2 Kalam United vs DAL labu

1.30 D1 Muna vs Late Funzun

2.15 D1 Defence vs Gee Otton

4.00 D1 MilneBay United vs Sunstriders

Sunday June 22

11.00 U/19-1 Unitech vs Asiawe

12.15 U/19-2 Sikambu vs Eastern Star

1.30 D2 Suten Blue vs Lae Biscuit

2.45 P2 Asiawe vs Telekom

PMSA SOCCER DRAW

Bisini 1

8.00 U/19 Uni vs Babaka

9.05 W2 Cyclone vs Blue Kumuls

10.10 U/19 Hoods vs K/Andra

11.15 W2 Bomana B.K vs Keweh

12.20 First Pom Utd vs GFC

1.25 W2 Tawala vs CT Kings

2.30 U/19 Rapatona vs Momase

3.35 First Simla vs Ilimo

Bommers

4.40 First Buresong vs PS Rutz

Bisini 2

8.00 U/19 Pom Utd vs Sobou

9.15 U/19 Ela United vs Blue Kumuls

10.20 W2 GFC vs K/Andra

11.30 First Keweh vs CT Kings

12.45 W2 PS Ruts vs Morata United

2.00 U/19 Guria vs Tarangau

3/15 First Wanzesi vs Shell Eastenders

4.30 First Normads vs Tawala

Byes: Frist Adau, W2 Pom Utd, W2 Namiu, U/19 FBH Defence.**Suspended Clubs** First Sians, W2 Pepsi Momase**Note:** First Under 19 and women's two will play their catch up games this Sunday June 22, 1997. At Bisini soccer park. All other matches have been deferred to the following week, because of international match between PNG and Fiji. here on Saturday June 21 1997.PORT MORESBY SCHOOL SOCCER ASSOCIATION
1997 LEAGUE LADDER (After Week 13)

Under 15B

	P	W	L	D	FF	NRF	A	PT
1. Kila Kila High	12	6	2	4	1	0	11	7 22
2. Ted Diro B	12	6	4	1	1	2	7	6 19
3. W.S.Demo	12	4	4	4	1	0	12	12 16
4. St. Theresa	12	4	6	1	1	2	9	13 13
5. Bavaroko	12	2	7	3	2	1	6	16 9
6. Pom Grammar	12	1	8	3	3	1	6	15 6

Under 16A

1. De La Salle A	12	8	2	2	0	0	17	6 26
2. Bavaroko	12	8	4	0	1	0	16	7 24
3. Don Bosco	12	5	4	3	0	0	7	10 18
4. Kila Kila High	12	5	5	2	2	0	14	9 17
5. St. Theresa	12	4	6	2	2	0	13	12 14
6. Sacred Heart	11	4	5	2	0	1	7	15 14
7. Pom Int'l	11	3	5	3	0	1	11	15 12
8. Maino Heduru	12	1	9	2	0	0	2	25 5

Under 16B

1. Hohola Youth	12	7	3	2	0	0	19	13 23
2. St. Peters	12	7	4	1	0	1	20	12 22
3. De La Salle B	12	6	4	2	0	1	23	15 20
4. Coronation	12	5	5	2	1	0	14	16 17
5. Pom Grammar	12	3	6	3	1	0	16	21 12
6. Maino Heduru	12	2	10	0	0	0	8	25 6

Under 17A

1. De La Salle	12	8	1	3	0	1	18	2 27
2. Hohola Youth	12	7	4	1	0	1	18	12 22
3. Don Bosco	12	5	4	3	1	0	16	7 18
4. B.V. Center	12	5	7	0	2	0	11	15 15
5. Gerehu High A12	3	8	1	5	0	8	14	10
6. Maino Heduru	12	2	10	0	0	0	4	31 6

Under 17B

1. Coronation	12	8	3	1	0	0	22	14 25
2. Kila Kila High	12	7	4	1	1	0	14	14 13
3. Gerehu High B12	4	6	2	1	1	12	12	14
4. Holy Rosary	12	4	6	2	3	1	7	10 14
5. Pom Grammar	12	3	6	3	1	0	9	16 12
6. Badihagwa	12	3	8	1	5	0	8	9 10

Under 7

1. Pom Int'l	12	11	1	0	0	0	25	10 33
2. Murray	12	5	6	1	0	0	24	26 16
3. Gordons	12	5	5	1	1	1	19	18 16
4. Ela Beach	12	5	6	0	0	2	16	20 15
5. St. Joseph's	12	2	7	3	0	1	15	21 9

6. Korobosea	12	2	7	3	1	0	9	15 9
--------------	----	---	---	---	---	---	---	------

Under 8

1. Pom Int'l	12	11	0	1	0	0	19	3 34
2. Ela Beach A	12	7	3	2	0	0	18	5 23
3. St. Joseph's	12	7	5	0	0	0	13	13 21
4. Murray	12	6	4	2	1	0	6	12 16
5. Ela Beach B	12	4	4	4	1	0	6	12 16
6. Korobosea	12	4	7	1	1	0	7	20 13
7. Gordons	12	3	9	0	6	0	10	10 9
8. Vacant	12	0	12	0	5	0	0	12 0

Under 9

1. St. Joseph's	12	11	0	1	0	25	2 34	
2. Korobosea A	12	9	2	1	0	1	16	6 28
3. W.S.Demo	12	5	6	1	5	0	15	13 16
4. Philip Aravure	12	4	5	3	1	1	13	10 15
5. Gords/Koro B	12	4	5	3	2	0	8	14 15
6. Pom Int'l	12	4	8	0	0	2	10	20 12
7. Ela Beach	12	2	7	3	0	0	13	20 9
8. Murray	12	0	10	2	1	0	5	24 2

Under 10

1. Korobosea	12	10	2	0	1	0	19	6 30
2. Ela Beach	12	8	3	1	0	0	16	8 25
3. Gordons	12	6	5	1	0	1	15	22 19
4. St. Joseph's	12	5	4	3	1	1	10	14 18
5. Murray	12	4	4	4	0	0	14	12 16
6. W.S.Demo	12	3	9	0	6	0	8	19 8
7. Ted Diro	12	2	8	2	4	0	8	19 8
8. Pom Int'l	12	2	9	1	5	0	4	10 7

Under 11A

1. Ela Beach A	12	7	1	4	0	0	30	13 25
2. St. Joseph's	12	7	2	3	0	0	19	9 24
3. Korobosea A	12	6	1	5	0	0	23	10 23
4. Murray	12	7	5	0	0	0	14	20 21
5. Pom Int'l	12	6	4	2	1	0	17	12 20
6. Sacred Heart	12	4	7	1	2	0	8	23 13
7. W.S.Demo B	12	2	9	1	4	0	8	22 7
8. Vacant	12	0	12	0	6	0	0	12 0

PORT MORESBY SCHOOL SOCCER ASSOCIATION WEEK 14 DRAW

Under 7

8.00-8.40	Pom Int'l vs Ela Beach	3	14	7.040
8.40-9.20	St. Joseph's vs Gordons	3	14	7.041
9.20-10.00	Murray vs Korobosea	3	14	7.042

Under 8

8.00-8.40	Ela Beach B vs Korobosea	8	14	8.052
8.40-9.20	Gordons vs Murray	8	14	8.053
9.20-10.00	St. Joseph's vs Pom Int'l	8	14	8.054
10.00-10.40	Vacant vs Ela Beach A	8	14	8.055

Under 9

8.00-8.40	P/Aravure vs Pom Int'l	5	14	9.053
8.40-9.20	Gords/Koro B vs E/Beach	5	14	9.054
9.20-10.00	St. Joseph's vs Korobosea A	5	14	9.055
10.00-10.40	W.S.Demo vs Murray	5	14	9.056

Under 10

8.00-8.50	Ted Diro vs Ela Beach	10	14	10.053
8.50-9.40	Gordons vs Murray	10	14	10.054
9.40-10.30	St. Joseph's vs Korobosea	10	14	10.055
10.30-11.20	W.S.Demo vs Pom Int'l	10	14	10.056

Under 11A

8.00-8.50	Sacred Heart vs Pom Int'l	11	14	11.052
8.50-9.40	W.S.Demo B vs Korobosea A	11	14	11.053
9.40-10.30	St. Joseph's vs Murray	11	14	11.054
10.30-11.20	Vacant vs Ela Beach A	11	14	11.055

Under 11B

8.00-8.50	Gordons vs St. Peters	2/1	14	11.140
8.50-9.40	Koro B vs W.S.Demo A	2/1	14	11.141
9.40-10.30	E/Beach B vs Bomana Com.	2/1	14	11.142

Under 12A

8.00-8.50	St. Joseph's vs E/Beach	2/2	14	12.041
8.50-9.40	Murray vs Gordons	2/2	14	12.042
9.40-10.30	Pom Int'l vs Koro A	2/2	14	12.043

Under 12B

10.30-11.20	Vacant vs Koro B	2/2	14	12.141
11.20-12.10	Kila Kila Prim vs Ted Diro	2/2	14	12.142
10.30-11.20	St. Peters vs W.S.Demo	2/1	14	12.143

Under 13

8.00-9.00	Gordons vs Pom Int'l	6	14	13.053
9.00-10.00	Sacred Heart vs Pom Grammar	6	14	13.054
10.00-11.00	Philip Aravure vs St. Joseph's	6	14	13.055
11.00-12.00	St. Peters vs Ela Beach	6	14	13.056

Under 15A

8.00-9.00	Ted Diro A vs De La Salle	1	14	15.053
9.00-10.00	Holy Rosary vs Hohola Youth	1	14	15.054
10.00-11.00	Coronation vs Sacred Heart	1	14	15.055
11.00-12.00	Gerehu High vs Don Bosco	1	14	15.056

Under 15B

12.00-1.00	W.S.Demo vs Ted Diro B	1	14	15.141
12.10-1.10	Pom Grammar vs Bavaroko	2	14	15.142
1.10-2.10	St. Theresa vs Kila High	2	14	15.143

Sunday

Under 13

8.00-9.00	Gordons vs Pom Int'l	1	14	13.053
9.00-10.00	Sacred Heart vs Pom Gram	1	14	13.054
10.00-11.00	Philip Aravure vs St. Joseph's	1	14	13.055

11.00-12.00	St. Peters vs Ela Beach	1	14	13.056
-------------	-------------------------	---	----	--------

Under 14A

8.00-9.00	Korobosea vs St. Peters MS	14	14.041
9.00-10.00	W.S.Demo vs Bavaroko MS	14	14.042
10.00-11.00	Pom Int'l vs Philip Aravure MS	14	14.043



Under 14B

8.00-9.00	Pom Gram vs Holy Rosary	2	14	14.141
9.00-10.00	Ted Diro vs De La Salle	2	14	14.142
10.00-11.00	Kila Prim vs Bavaroko B	2	14	14.143

Under 16A

8.00-9.00	Kila High vs De La Salle A VS	14	16.052
9.00-10.00	St. Theresa vs Sacred Heart VS	14	16.053
10.00-11.			

WANTOK SPOT



PNG mas winim Fiji long 10-pela gol sapos ol i laik salensim Australia

WATSON GABANA i raitim

LASP wol kap gem bai kamap dispela wik Sarere, taim PNG bungim Fiji long Sir Hubert Murray Stadium. PNG mas winim Fiji wantaim moa long 10-pela gol, long pilai wantaim Australia insaitlong namba tu raun bilong wol kap gem. Tasol sapos PNG win long liklik namba o lus, bai yumi hagapim su.

PNG tim, husat i bin go pilai raun long Nu Silan na Fiji, i kamap long kantri aste (Trinde) abinun na liklik lain femili tasol i bin go long bungim ol. Olgeta memba bilong PNG tim i bin amamas long kam bek, tasol no gat planti manmeri i bin go long

bungim ol. Tasol dispela i no stapim kosa Richard Nagai long tok: "Yupela harim olsem PNG i bin lusim olgeta gem bilong mipela. Tasol mi no inap lusim tingting long gutpela pasin bilong ol manki bilong mi. Olgeta pilai i bin mekim gutpela pasinlong Nu Silan na Fiji.


Olgeta tim memba i go stap wantaim ol femili bilong ol long Tride nait na bung gen long Islander hotel nau moning. Ol bai i go het long mekim liklik trening na redim ol yet long bungim Fiji tim long Sarere (2pm), long Sir Hubert Murray Stadium. Tim bilong Fiji bai kamap long Mosbi long nau 2 klok na i go slip long Islander hotel.

Bihain long dispela gem namel long Fiji, PNGFA bai stretim olgeta wok long holim nesanel klab sempionsip.

Olgeta strongpela klab bilong wan wan asosiesen long las yia bai redim ol yet long pilai insait long dispela nesanel klab sempionsip long Independens wiken. Eking presiden bilong PNGFA, Cathy Davani i tokim Wantok olsem, ol i bin makim Kokopo olsem ples bilong nesanel klab sempionsip. Tasol planti soka senta i ting Kokopo em longwe tumas long ol na ol klap i no gat inap mani long baim balus o sip na go. Olsem na PNGFA eksekjutiv bai bung na kamap wantaim nupela ples.

Long tupela yia i go pinis, nesinel klap sempionsip i bin kamap long Lae, we klostu 10-pela tim i bin kam na pilai.

Wanpela bikman bilong ol klab husat i bin stap long sempionsip bipo i bin tok olsem, PNGFA i no save givim gutpela prais long ol tim husat i save win long pilai soka. Em tok long tupela kris-mas, klab bilong em i bin lusim bikpela mani tru long go pilai insait long dispela soka resis. Tasol prais ol i bin kisim em, wanpela tropi tasol bilong ol tim i win na em i no amamas. Em tok long dispela yia, PNGFA mas painim sampela gutpela spona na givim sampela gutpela prais olsem mani i go long ol tim i win.




• Geoffrey Emang (Kepten)

long PNG
i stap long ol kain kain
stua klostu long yu!



• Peter Paliwa, swipa bilong PNG pulim bal aut long gol mak bilong em wantaim Joe Aisa sapatim em long beksait.



**GURIA AUTIM
TIKET BILONG
COWBOYS**

• Vipers bekim dinau.

p2

• Kundiawa go pas long SP Inta Siti Salens.

p3

• ARL na Supa lig nius.

p4 na 5

• Ragbi lig poto.

p6

• Ragbi lig dro.

p7



Vipers bekim dinau long Toowoomba

WATSON GABANA i raitim

- namba tri win bilong ol

Pot Mosbi Vipers bekim dinau bilong ol long lusim namba wan asples gem wanpela foitnait i go pinis long winim gen narapela ovasis pilai taim ol nekim Toowoomba Clydesdales 42-24. Dispela em bekiim bilong las yia, taim Toowoomba i bin bagarapim sindaun bilong Vipers 40-0.

Aninit long strongpela kol win klostu olsem 10 digri selsius, Vipers mekim ol liklik PNG sapota husat i stap long Toowoomba long i go bek long haus bilong ol wantaim bikpela amamas. Dispela em i namba tri taim bilong ol long winim ol pilai bilong ol insait long Kwinslen Sanel 9 kompetisen.

Ol manki Mosbi, husat i bin tin ting planti long kol na tu surik long lusim narapela gem bilong ol ovasis i bin putim sikspela trai. Ol manki husat i bin tas daun long trai lain em; David Buko, Liprin Palangat (2), Mek Gele, kepten Kera Ngaffin na Francis Pegu. Mejik but bilong Tuksy Karu i bin painim sikspela konvesen olgeta na havbek Aquila Emil kikim tripela gol.

Gem i bin stat gut na spirit bilong ol turis i bin stap antap taim, Tuksy Karu i bin kikim wanpela penalti long stat bilong kik ov stret. Tasol i no longtaim, olgeta samting i kamap nogut long ol bihain long 10 minit, taim hom tim putim tupela trai hariap tru. Tasol i no long taim, lok fowet, Chris Lome salim kepten Ngaffin long wanpela spes we em i bin ran 20 mita long tas daun

antap long trai lain. Sampela sekens bipo long fultaim, kain ol strongpela ran bilong David Buko mekim na em pusim ol strongpela difens bilong Toowoomba i go na em setim Mak Gele long namba tu trai bilong ol manki PNG.

Taim ol i kam bek long seken hav, Vipers i bin paia lait tru. Stat tasol long kik ov na Palangat i bin kisim wanpela bal 10 mita insait long trai lain bilong em yet na siksti abrusim olgeta difenda bilong ol birua long slip antap long trai lain. Tasol sampela liklik paul pilai kamap insait long kompaun bilong ol Vipers na ol asples manki kisim tupela trai gen. Dispela i no bin stapim ol turis manki bilong PNG. Ol strongim sait bilong ol na insait long las 10 minits, ol kamap wantaim tripela arapela trai long han bilong David Buko, Pegu na Palangat.


Bihain tasol long pilai long las wik Sande, wanpela bikman bilong ragbi lig long Australia, John McDonald soim amamas bilong em long gutpela gem bilong ol Vipers. McDonald i bin amamas tru long we Coca Cola Vipers i bin pilai na tok olsem, sapos ol go het long kamap wantaim wankain pilai bai ol i ken mekim i go insait long gren fainel. Em tok olsem, pilai namel long ol Vipers na Toowoomba em wanpela naispela gem we em i bin lukim insait long sanel 9 kompetisen bipo.

Ol menesmen bilong Vipers i bin amamas tu long ol kain gutpela tok tok bilong McDonald tasol ol i no bin amamas long rot selekta bilong Kwinslen kantri tim. Ol Vipers i ting olsem, hatwok bilong ol long dispela taim i bin kamap samting nating. Ol selekta bilong Kwinslen Kantri tim i no makim wanpela Vipers pilaia taim ol nemim skwat bilong ol pilai egensim City long neks wik. Long dispela as, ol manki Pot Mosbi Vipers i no bin amamas. Long las yia, Stanley Haru tasol i bin mekim nem insait long Kwinslen Kantri tim, husat i bin pilai wantaim City tim bilong NSW.

Kosa bilong Vipers, Genolagani i bin tok olsem Vipers i gat sampela eksperiens pilaia husat i bin stap long tim long stat long taim ol i bin joinim dispela kompetisen. Em tok, Vipers i gat sampela gutpela kika tu olsem, Stanley Haru yet, we selekta bilong Country tim i bin abrusim, taim ol mekim seleksen.

Dispela i no arere bilong olgeta samting. Long dispela wiken, Pot Mosbi Vipers bai bungim pes wantaim Brisbane Wests long Lloyd Robson ovel.

• **Lukaut long ol Vipers long dispela Sande. Kain strongpela ron bilong kepten Kera Ngaffin mekim na ol bagarapim Toowoomba 42-24 long las Sande.**



Goroka Lahanies krungutim Mendi Muruk

SAPE METTA i raitim

PLANTI wik i go pinis nau we bikpela san i wok long hatim stet Goroka taun mekim na bikpela das i bin kirap na flai nambaut taim tupela inta-siti tim, Goroka Lahanis na Mendi Muruk's ibin lokim het long wanpela strongpela pilai long Danny Leahy pilai graunlong Goroka las wiken.

Tasol dispela salens ino bin go het wantaim gutpela sait long en. Ol pilaias long tupela sait i bin kamap wantaim sampela trabol na i bin pait igo ikam.

Tasol dispela trabol i no kamap bikpela bikos ol memba bilong PNG Defens fos (soldia) i bin kamap wantaim kwiikesen long daunim dispela trabol na pilai i bin go het inap long 80-minit.

Klostu refri bilong Goroka, Willie Togoba, i kisim taim long han bilong ol pilaias na sapotas bilong ol Muruks bihain long em kontrolim dispela inta-siti pilai, tasol wantaim lukaut bilong ol PNGDF soldia em i bin kamaut long pilai graun na ino painim birua.

Bikpela tenk yu i ken i go long ol dispela memba bilong Difens fos.

Sapos ol dispela soldia ino bin kamap long dispela taim bilong trabol, bikpela bagarap inap long kamap na planti man meri inap long kisim ol bagarap nambaut.

Taim pilai i bin kik ov long namba wan hap, tupela tim wantaim i bin piali strong tru long ranim bal na sanapim strongpela banis.

Tasol long sait bilong Lahanis ol i kirapim bikpela das moa antap long hom graun bilong ol na dastim ol boi bilong sauten hailens wantaim tu-poin win.

Fainel skoa em 18-16.

Insait long 20-minit long dispela namba wan hap, tupela tim wantaim i bin putim ap sampela paia woks na ino bin givim sans long tupela sait wantaim long skorim poin,

O boi long Isten Hailens i bin kamap wantaim sampela sans bilong skorim trai, tasol taim ol i ranim bal i go klostu long trai lain bilong ol Muruks, ol i kamap wantaim ol asua nambautolsem dropim bal na wokim bal i go fowat, na dispela i bin bagarapim planti sans long bilong ol long kamap wantaim ol trai.

Dispela wankain pasin tu i bin kamap long sait bilong Muruks. Mekim i go na Muruks i kamap wantaim sans bilong skorim namba wan hap bilong dispela salensem Anton Mal husait i bin painim gep, sait step na abrusim ol Lahanis difendas na ron isi tasol i go insait long putim bal antap long trai lain. Faiv et, Timon Mosebiya, i abrusim konvensan kik na Muruks i go pas 4-0.

Insait stret long wan minit bihain long kik ov na ristat bihain long dispela Muruks trai, Lahanis i paia bek wantaim wantaim wanpela strongpela ran em nupela rikrut, John Mogia, i mekim na taim ol didifendas bilong Muruks i bin stopim em long takel, em i mekim wanpela stail pas i go long hap bek, Mak Mom, husait i kukim stret long 45-mita

mak, long putim bal aninit long tupela gol pos.

Ful bek Ferdinand Nongkas isi tasol sinkim konvesen kik na Lahanis i abrusim Muruks i go pas wantaim 6-4 poin.

Insait long dispela Mom trai Lahanis i kamap wantaim narapela kwik konveted trai em pawa haus senta Ivan Mosoka i skoarim na ol i surik i go antap 12-4.

Tupela minit bihain long hap taim Lahanis i kamap wantaim asua bilong rausim bal long han bilong wanpela Muruks pilaia na Mosebiya i kikim gut penalti kik na ol i sotim skoa i go daun long 6-12 long hap taim.

Long namba tu hap Lahanis i kamap wantaim wanpela konveted trai na Muruks i kamap wantaim tupela trai we Mosebiya i sinkim wanpela na abrusim narapela. Sapos em i bin kikim gut tupela konvesenol inap long kamaut dro 18-18 wantaim Lahanis na tu sapos i bin gat moa taim Muruks inap long skorim las trai na kamaut winas, tasol taim i bin ran aut long ol na ol i lus 18-16.

Bihain long pilai i pinis kosa bilong Muruks i bin gat bikpela hevi long refri, Willie Toguba.

Em i tok olsem planti ol dispela disisen Togoba i bin mekim ino fea na long dispela as tim bilong em (Muruks) i bin lus.

Kosa ya i tok sapos refri i bin kamap wantaim ol dea disisen, Muruks bai inap long kamaut wantaim win. Long hapsait bilong fil, kosa bilong ol Lahanis Leva Tete i bin hama-mas long dispela win, tasol em tok tu-poin

win ino inap. Wm tok em i bin lukluk long 20-poin margin tasol dispela ino bin kamap.

Kosa Tete i tok, ol boi bilong em ino skoarim dispela poin we em i tingting long en, tasol bikpela samting em ol i win na kamap wantaim 2-poin long poin lata bilong kompetisen.

Dispela wiken Lahanis bai igo daun long Madang long tromoi huk na pulim ol Marlins i kamaut long solwara.

Tasol long tromoi huk na pulim ol Marlins bai ino inap isi bikos ol Marlins bai gat bikpela sapot long hom graun bilong ol na bai i ken kamapim wanpela apset tu sapos ol Lahanis ino taitim string na sapim huk bilong ol gut.

Lahanis wantaim kambek bilong kepten John Markham bai i ken igat pawa long fran lain we long sapotim em bai Tai Onise, Simon Nul, John Mogia, James Koronam na Uti Divilake bai go het long kamapim bikpela bagarap long difens lain bilong Marlins na tu kamapim sampela sans bilong bek lain em Mark Mom, Fatty Buka, Agi Tete, Ivan Mosoka, Steven Seki na Oscar Zungu long kamap wantaim ol trai na kamaut wantaim win.

Madang Marlins husait ino registerim wanpela win bai traim lak long kamapim apset win na sapos Lahanis ino strongim ol yet gut wantaim huk bilong ol, Marlins i ken pulim ol igo daun long solwara na solwara i ken daunim ol.

STORI BILONG PILAIA



• Joe McKona

McKona klostu bai winim wanpela Kumul jesi

JOE KANEKANE i raitim

AUTSAIT sent bilong Rabaul Guria, Joe McKona i putim mak bilong em pinis olsem wanpela strongpela pilaia husat i gat gutpela sans long stap insait long Kumul tim.

Dispela i bihain tasol long helpim em i givim tim bilong em long wilwilim ol Kepitel siti Kaubois 10-8 long wik i go pinis. McKona i bin pilai strong tru na em i givim hat taim tru long ol Kaubois pilaia long holim na tu taim em i holim bal em i abrusim planti pilaia bilong ol Kaubois.

Em i halivim hav-bek na kepten Stanis Kale long wokim sampela bek lain muv na long wanpela bilong ol dispela muv, wanpela trai i bin kamap.

Trena bilong Gurias, Arnold Tivilet i tok aut tu olsem McKona i wanpela gutpela pilaia we ol Guria i putim ai long helpim em.

Taim August Joseph i muv i go long fowet, i nogat wanpela gutpela pilaia husat i kisim ples bilong em.

Tasol McKona i soim ol kosa na tim menesmen olsem em wanpela man husat i ken kisim ples bilong Joseph na tu helpim tru long win.

Long wanem em i gat spit, sait step na em i save takol strong tru long birua bilong em.

McKona tu i ken pilai long ol fowet, olsem na nau yet em i wanpela ki man bilong Guria, olsem em i soim stail bilong em long wik i go pinis.

Narapela gutpela samting, em McKona i ken ritim geim bilong ol wan-pilai bilong em.

Plantu taim em i resis i go long kisim ol hai bom na klostu tru em i putim wanpela trai tasol ol kaubois difens i pulim em i kam bek.

Em i putim mak bilong em pinis olsem wanpela stail senta na i no long taim bai em i stap insait long Kumul tim.

McKona em i wanpela sumtain long Vudal Agriksa yuniest. We em i skul long wok didiman.

Kundiawa Warriors go pas nau long SP Inta-siti salens

WATSON GABANA i raitim

TINGTING hait bilong Spear Kundiawa Warriors long pilai gen insait long gren fainel long dispela yia i stap antap tru. Long wik i go pinis, ol manki Simbu i bin givim hat taim tru long Maut Hagen Eagles long Kundiawa.

Collins & Leay Spear Warriors, husat i bin pilai insait long gren fainel las yia wantaim ol Mendi Muruks i go pas long SP Inta-siti resis bihain long raun 5 wantaim 10 pons. Tasol, tupela tim i ran klostu wantaim 8 pons. Dispela tupela tim em, Lae City Bombers na Maut Hagen Eagles.

Kosa bilong Kundiawa Warriors na biknem pilaia bilong PNG bipo, Bal Numapo i bin tok olsem, ol manki bilong em bai i no inap givim sans long narapela Inta Siti tim bilong dispela yia. Em tok, husat tim laik pilai wantaim Kundiawa Warriors mas ting ting gut pastaim bikos, woa

krai bilong ol; Suwo - bai stap olgeta taim long olgeta hap ol pilai.

"Mipela wok hat nau long kisim dispela kap, mipela sapos long kisim las yia," Numapo tok. "Win bilong mipela las sisen i bin ranawe long han bilong mipela bikos long ol sapota bilong mipela. Tasol long dispela sisen, mipela olgeta Simbu i bungim het wantaim na pasim tok olsem kain hevi olsem i no inap kamap gen. Long wanem, mipela gat bikpela ting ting long karim SP Inta-siti kap i kam long Kundiawa taun," em tok.

Narapela hait ting ting bilong Warriors em long winim olgeta asples gem bilong ol. Dispela samting i wok long karim kai kai isi isi. Long tripela gem long Kundiawa, Warriors i winim tupela. Ol i bin lus tasol long namba wan gem bilong ol wantaim Lahanis. Long tupela wik i go pinis, ol i bin nekum ol birua klap bilong ol long las yia, Mendi Muruks 20-18 long foa-kona-taun, Kundiawa. Na long las wiken, ol angla bilong Simbu i ranawe long maus

bilong ol Eagles 20-16. "Olgeta gem mipela pilai hia long Kundiawa, ol tim i mas tingting tupela pastaim na kam," Numapo i tok. "Ol manki bilong mi bai sapim tamiok bilong ol na sambai tasol long katim nek bilong olgeta birua kam long graun bilong mipela."

Nau yet, 1995 sempion LBC Bombers i stap namba tu long lada wantaim 8 pons. Long wik i go pinis, ol wiliwilim Madang Marlins 52-0 long asples bilong ol Lae. Ol i gat bikpela gol pesentes stret. Olsem na ol daunim Maut Hagen i kam daun long namba tri ples.

Bihain long Goroka Lahanis ranawe long trep bilong las yia primia, Mendi Muruks, ol i stap nau long namba foa ples. PNGRFL i rausim 2 pons bilong Muruks, Lahanis na Cowboys bihain tasol long ol painim aut olsem, ol i bin gat kosa husat i no rejista wantaim PNGRFL.

Long dispela wik, tupela tim husat i go pas nau long tembol bai bungim pes long

Kundiawa. Ol angra bilong Simbu bai traim strong bilong ol siti manki long asples bilong ol long lukim husat bai strongim sait bilong em long stap antap long leda. Kosa bilong Bombers, Joe Katsir i no bin stap tasol wanpela sinia pilaia, David Glipu i bin tok olsem, bihain long ol winim Marlins, ol manki Bombers i redi tasol long bungim wanpela birua tim bilong ol. Wantaim dispela win bilong ol las wik, ol bai traim gen long brukim nek bilong ol manki Simbu.

Tasol ol manki Kundiawa Warriors i no wari bikos as graun bilong ol yet na ol i no inap givim tru sans long ol manki Lae.

Ol bai pilai wanem kain gem ol bin pilai egeisim Eagles na traim long mekim sampela paia wok long fron lain na kam aut wina. Long arapela gem, Lahanis bai bungim pes wantaim Marlins long Madang, Muruks na Cowboys bai pilai long Tande ovel long Mendi na Eagles bai bungim pes wantaim ol lain wan-solwara, Rabaul Guria long Kokopo.



• Pilaia bilong Cowboys i bin lait long takelim pilaia bilong Guria long SP Inta Siti resis.

Tripela klap sanspen na faivpela les long pilai long Hagen lig

OLGETA tim long Maut Hagen lig resis i no pilai klostu tripela wik nau bihain long PNGRFL i bin saspenim tripela tim.

Ragbi lig kodineta bilong hailens rijen na olpela kosa bilong PNG Kumuls, Joe Tokam i bin tok olsem, stat long taim, PNGRFL i bin saspenim ol klaps, tims na pilaia long kantri, tripela klap long Hagen lig i no bin pilai. Em tok, olgeta pilaia bilong tripela ragbi lig ya i bin lusim pilai na i go bihainim kandidat bilong ol raun na lus tingting olgeta long pilai. Long dispela rot, ol arapela faivpela klap tu i no ting ting long kamap long fil long pilai.

Joe i bin tokim RLN olsem, taim bilong ileksen na taim PNGRFL saspenim ol klap, ol arapela klap husat i bin pinisim olgeta fi bilong ol tu kirap na lusim ragbi na i go bihainim ol kandidat bilong ol. Long las wik, bikman bilong ol tripela klap,

PNGRFL i bin saspenim i bung na pasim tok olsem ol bai go het long pinisim olgeta fi bilong ol wanwan pilaia bilong ol na statim gen olgeta gem long neks wiken.

Ol tripela klaps i stap nau long saspenen em; Solo Hills, Panthers na Hagen Norths. Ol dispela klap i no bin pinisim olgeta fi bilong ol na PNGRFL i bin stapim ol long i no inap pilai ragbi lig moa inap ol baim olgeta hap hap fi bilong ol.

Long Hagen yet, ol klap husat sapos long pilai insait long nesinel ragbi lig i no pilai i stap. Sikspela klap, husat i bin rejista wantaim NRL, we ol i bin kamap wantaim Westen Hailens Kange tim i moa stap long Hagen. Olgeta tim i lusim asosiesen bilong ol na ol i go kempein raun long ol kendidet bilong ol long dispela ileksen. Tok pait bilong Rabiamul

ovel tu i bin pinis taim sikspela tim husat sapos long pilai aninit long ambrela bilong NRL i bin les long pilai na tek ov nabaut.

Tingting bilong Hagen ragbi lig long painim wanpela loya long kotim Westen Hailens ragbi lig long yusim Rabiamul ovel tu i pinis taim, dispela sikspela tim bilong WHRL i bin lusim pilai bilong ol.

Tokam i bin tok olsem, ating bihain long ileksen, olgeta samting bai stat gen long Maut Hagen. Nau yet, olgeta man i ting ting tumas long ileksen na lusim ting ting olgeta long ragbi lig. Tasol, ol Hagen Eagles tasol i wok long trening insait long Rabiamul ovel. Na long neks wik, ol Lae City Bombers bai pilai wantaim Eagles long Rabiamul. Long dispela taim tu, olgeta eitpela klap bai kik ov gen wantaim olgeta raun wan kompetisen bilong ol.



Photo: JOHN ELLIOTT

MICHAEL GILLETT Balmain

Posisen: Faiv-eit.

D.O.B: April 10, 1973.

Longpela: 185cm. **Hevi:** 86 kilogram.

Wanem wok yu save mekim? Mi wok olsem selsmen bilong wanpela ka kampani.

Hamas taim long wanpela wik yu save wok? Mi save wok olsem faiv o siks de long wanpela wik. Tasol dispela yia, mi srulik i kam daun long tri. Dispela i helpim mi long impruvim gem bilong mi, kain olsem ol kik bilong mi.

Husat em i feveret pilaia bilong yu taim yu liklik manki? Peter Sterling.

Feveret muvi: Shawshank Redemption.

Feveret ples yu save go long pati: Drummoyne Rowing klap.

Laspela buk yu bin ridim: Laip stori bilong Michael O'Connor.

Feveret ples yu save go long holid: Mi bin go long Hawaii las yia na mi laikim tru ol naispela waisan na ples bilong kaikai (restaurants) long hap.

Taim yu lusim Penrith long las yia, hau yu sainim kontrak wantaim Balmain? Mi bin stap wantaim ol Penrith long krismas pati bilong mipela long Surfers Paradise, taim mi bin kisim wanpela telepon kol i kam long anda 21 kosa bilong Tigers Barry Donnelly. Mi bin spak liklik long dispela taim olsem na mi ting olsem dispela toktok bilong mitupela i mauswara tasol.

Wanem samting tru mekim na yu tingting long joinim Tigers? Wanem samting i kam long ai bilong yu, yu mas kisim. Tasol trupela samting em, Wayne Pearce i gat bikpela bilip long mi.

Long wanem hap bilong ol gem bilong yu, Wayne i bin helpim yu planti taim? Em i bin helpim mi long planti samting, tasol bikpela tru, Wayne i mekim mi luk save long mi yet gut tru na tu long ol hevi bilong mi long sait bilong dis-aplin.

Wanem gutpela samting i bin kamap long Balmain Tigers taim ol lusim Parramatta Stadium na go long Leichard? Mipela i save kisim bikpela sapot tru i kam long ol sapota bilong mipela. Sampela yangpela pilaia i no bin pilai long kain bikpela grup olsem bipo.

Sapos yu gat wanpela open sek buk, yu tingting long kisim husat pilaia long mekim Tigers i kamap strong? Andrew Johns long baklain na narapela man moa long kisim ples bilong Paul Sironen.

Yu save mekim wanem sapos yu no pilai ragbi? Mi save go ski long wara na tu raun i go long muvi.

Yu mekim wanem na i go insait long ski antap long wara? Mi bin stat 10-pela krismas i go pinis na mi pas olgeta long dispela wok. Planti taim mi wantaim ol arapela poroman i save i go ski long wara Hawkesbury.

Ol samting yu save laikim: Meri, Corona bia na go raun wantaim sampela pren nabaut.

Samting yu no save laikim: Ol les man.

Sapos yu winim wan milion long Loto, bai yu mekim wanem wantaim dispela mani? Bai mi invest long Real Estate bisnis.

Yu ting husat em stail pilaia insait long ragbi gem tete? Brad Fittler... Dispela man i no gat pasin no gut bilong em.

Yu laikim wanem samting i mas sans insait long gem? Rausim skram... bikos yumi save westim taim tru.

Sapos yu driman long tripela samting. Tokaut long ol: Winim primiasip wantaim Balmain, raun long olgeta hap bilong graun na kamap kosa bilong wanpela A-gret tim.

Yu tingting long mekim wanem samting bihain long 10 yia taim? Mi mas i gat planti mani na wokim wanpela haus antap long wanpela wara.

Wanem long long samting tru, wanpela man i bin mekim long yu? Mi bin pundaun long Entrance Bris long Central Coast. Mi bin pundaun nogut tru tasol laki tru olsem mi no bin kisim wanpela bagarap.




Photo: JOHN ELLIOTT

SOLOMON HAUMONO i gat wanpela kain bodi we em i save brukim na bagarapim ol birua long taim bilong pilai. Ol poro bilong em save lukim em olsem wanpela strong-pela man bilong takel insait long ragbi lig tete.

I no dispela tasol. I gat arapela samting yumi ken stori moa long dispela traipela Canterbury fowet. Em i gat wanpela kain ai olsem pusi i lukluk raun long droim ol piksa. Dispela i winim pawa ran bilong em insait long ragbi fil. I gat sampela man husat i save tok olsem, pasin bilong droim piksa i kamap nating long Haumono.

Em i bin stap pinis insait long top 10 pesen long Nu Saut Wales taim em i bin stadim art long hai skul. Na tu sampela wok bilong em, ol manmeri i bin aigris tru taim em putim kamap ples klia long Art Gallery long NSW.

Taim Haumono tren insait long gym bilong Canterbury, insait long baksait bilong tingting bilong em, em i save driman long wande, em bai go het long mekim moa drowing. Planti taim em i save driman tu long go long Rome na lukim ol kain kain drowing bilong ol penta bilong bipo, olsem

Michelangelo.

"Mi laik sanap insait long Sistine Chapel na lukim ol kain kain art wok bilong ol biknem penta bilong bipo, ol dispela i stap antap long wol bilong haus na long siling longpela taim tru," em tok. "Mi save lukim ol piksa bilong ol dispela drowing olgeta taim na mi save tingim tasol hau wanpela man inap long kamap wantaim kain ol drowing olsem?" Dispela mekim het bilong mi paul olgeta."

Haumono i bin statim atis wok bilong em taim em i bin stap long skul. Na taim ol tisa bilong em i bin lukim em, ol tokim em long developim dispela save bilong em. Tasol Haumono i bin tingting long lusim dispela wok atis bilong em taim ol wan pilai bilong em i bin tokim em olsem kain wok bilong drowing piksa bilong flawa na maunten em i hap wok bilong ol meri.

"Mi bin winim wanpela prais na taim sampela pren bilong mi harim dispela, ol mekim bikpela fani tru," em tok. "Laip em ragbi na trening. Tasol dro em hap wok mi save mekim taim mi no trening o go pilai. Mi save rilax tasol na dro i stap long haus. Na dispela i givim mi bel isi."

Long nau yet, Haumono i bin lus ting long go raun long Rome na lukim kain kain droing na pasim tingting long mekim nem bilong em insait long Supa lig. Em save lus tingting long em yet na save ran long long olgeta taim i go insait long han bilong ol birua. Long wanpela taim, em i bin kisim taim tru long han bilong bikpela fowet bilong Penrith Panthers, Phil Adamson. Haumono i bin pas antap long bros bilong Adamson na pundaun hap i dai na ol dokta bilong Canterbury i bin karim em i go autsait.

"Mi no bin kirap inap mi bin kamap long dresing rum," em tok. "Mi lukim vidio riple na mi bin lukim olsem mi bin takel gut i go na kirap nogut, Phil kam tasol na kilim mi hap i dai. "Em wanpela samting mi no inap traim long lus tingting," Haumono i bin tok.

I bin olsem tasol, olgeta manki na trenas bilong Bulldogs i bin tingting planti na traim long stretim Haumono hariap. I nogat wanpela man i bin wari tru long em olsem mama bilong em. Mama bilong em i bin lusim sia bilong em na siksti i go daun long fil long lukim wanem samting i bin kamap long Haumono.

Nau yet, taim Haumon takelim wanpela

man o ran strong na bamim wanpela man, em save tingim tasol sindaun bilong ol femili bilong em.

"Tingting hait bilong mi em long wokim wanpela bikpela haus em olgeta lain femili bilong mi i ken stap amamas long em. Taim mi mekim dispela pinis, bai mi lukluk long sampela arapela samting," em tok.

Wantaim dispela ol driman bilong Haumono, em i bin kamap wantaim wanpela kain pilai we ol selekta i no inap lus tingting long em. Olsem pe bilong em, Haumono i stap pinis insait long NSW tim na sampela arapela bikpela gem insait long Australia.

"Mi laikim tru ol dispela jampa", em tokim RLW. "Em bikpela samting tru long mi bikos mi no bin pilim gut taim mi pilai namba wan taim. Mi bin ting olsem ol dispela biknem pilaia i no inap amamas long kisim mi go insait long tim, tasol ol soim bikpela rispek tru long mi," em tok moa.

Olgeta taim Haumono tingting long mekim wanpela samting tingting bilong droim ol piksa i wok long kirap moa long bel bilong em.

BRISBANE bagarapim amamas bilong ol Yuropean sapota long Mande nait taim ol rausim trausis bilong Wigan, sempion tim bilong Inglen long namba tu gem bilong ol Supa lig klap sempionsip long ANZ stadium.

Bikpela amamas tru long Mande nait em, i nogat wanpela tim i bin winim Wigan wantaim 0 skoa lain klostu 8-pela yia. Dispela i bin namba wan taim tru bilong Brisbane Broncos long holimpas Wigan wantaim 34-0 skoa lain. Dispela bikpela win i bin kamap long wanem, kepten bilong Broncos, Allan Langer i bin putim kamap wanpela stail pilai tru.

Kosa bilong Brisbane, Wayne Bennett i amamas tru long dispela gutpela wok ol boi bilong em i bin mekim insait long dispela sisen. Na tu em tenkim kepten Allan long dispela kain stail pilai bilong em.

Broncos bagarapim sindaun bilong Wigan

"Long namba wan hap bilong pilai, Wigan i bin kamap strong tru na pasim olgeta rot na i mekim mipela painim hat tru," Bennett i tok. "Ol i bin pasim rot bilong ol bois bilong mi long arere bilong fil olsem na Alfie mekim nupela rot long namel bilong fil long ol manki Brisbane i ken go na putim trai. Long ai bilong mi olsem kosa, mi gat bikpela amamas tru long kain gutpela tingting olsem."

I no long taim i go pinis, ol manki Wigan i bin kamap olsem sevia bilong Noten Hemisfia, taim

ol rausim tiket bilong Canterbury Bulldogs 22-18 long Belmore. Tasol long Mande nait, Broncos i bin pilai gut tru na winim ol Wigan wan sait tru wantaim bikpela skoa lain stret.

Long hav taim, Broncos i bin go pas wantaim 10-0 skoa lain. Faiveit Kevin Walters i tas daun long namba wan trai bilong dispela gem bihain long 24 minits we fulbek Darren Lockyer i bin kikim i go insait. I no long taim, Lockyer i gen tas daun long namba tu trai bilong dispela nait bihain long 35 minits insait long fes hav.

Gutpela kombinesen bilong Langer na Walters long las wik i wok wankain long Mande nait taim ol setim foapela arapela trai bilong Broncos long winim Wigan. Langer, husat i bin pilai 200th gem bilong em ran 20 mita long putim wanpela trai bilong em na setim arapela 5-pela trai bilong dispela nait.


Arapela paul samting i bin kamap long Mande nait em taim, fowet Gorden Tallis i bin kirapim pait wantaim prop bilong Wigan Terry O'Connor. Tupela wantaim i bin putim kamap wanpela gutpela

gem tasol klostu long pinis bilong pilai, tupela statim traipela pait insait long fil we refiri Halligan i rausim tupela i stap 10 minits long sin bin.


Kosa bilong Wigan, Eric Hughes i no bin wanbel wantaim sampela disisen bilong Bill Harrigan. Em i bin tok olsem, kain pasin bilong refiri long panisim O'Connor i no stret. Em bai i moa gutpela sapos, Harrigan i bin panisim tasol Tallis na i no O'Connor bikos em tasol i bin statim pait. Tasol, Hughes i bin tokaut stret olsem Broncos i gat naispela stail bilong pilai na dispela i mekim ol ka.map aut wina.

Long Inglen, Cronulla Sharks i bin bagarapim sindaun bilong Yuropean sempion tim, St Helen 48-8. Kain pilai bilong ol manki Sharks sotim win bilong ol boi St Helens long ai bilong planti manmeri.

SP Inta Siti Salens namel long Island Rabaul Guria na Capital City Cowboys



Guria 10
winim
Cowboys 8



TEAMS FOR WORLD CLUB CHALLENGE ROUND THREE LEAGUE SUPER TEAMS WORLD

Teams for round one of Super League's World

Club Challenge on June 20, 21, 22, and 23. Note: All times AEST.

IN AUSTRALIA:

FRIDAY:

Adelaide v Oldham at Adelaide Oval (7.30pm).

RAMS: Rod Maybon, Wayne Simonds, Chris Quinn, Solomon Kiri, Michael Maguire, Luke Williamson, Dean Schifilliti, Mark Corvo, Kerrod Walters (c), Alan Cann, Brett Galea, David Boughton, Elia Paiyo. res: Bruce Mamando, Andrew Hick, Steve Stone, Kurt Wrigley, Danny OLDHAM: Paul Atcheson, Bob Myler, Vince Fawcett, Howard Hill, Alfei Leulia, Francis Moloney, Martin Crompton, Luke Goodwin, Matt Munro, Paul Davidson, Brett Goldspink, David Stephenson, Ian Gildar. res: Gary Lord, Joe Faimalo, John Clark, Paul Topping.

SATURDAY:

NORTH QUEENSLAND v SALFORD at Stockland Stadium (7.30pm).

COWBOYS: Reggie Cressbrook, Luke Phillips, Mark Shipway, Scott Mahon, Adam Warwick, Ian Dunemann, Andrew Dunemann, John Lomax, Martin Locke, Steve Walters, Ian Roberts, Owen Cunningham, Peter Jones, Kyle Warren (one forward to be omitted). res: Glen Murphy, John Doyle, Bert Tabuai, Shane Vincent.

SALFORD: Gary Broadbent, Fata Sini, Darren Rogers, Nathan McAvo, Phil Coussons, Steve Bleakley, Mark Lee, David Hulme, Esene Faimalo, Lokeni Savelio, Cliff Eccles, Peter Edwards, Andy Platt. res: Craig Randall, Ian Watson, Paul Forber, Andy Burgess.

SUNDAY:

CANBERRA v WIGAN at Bruce Stadium (2.30pm).

RAIDERS: Ken Nagas, Noa Nadruku, Royston Lightning, Brett Mullins, David Boyle, Ruben Wiki, Jason Coker, Laurie Daley, Ricky Stuart, Bradley Clyde, David Fumer, Ben Kennedy, Brett Hetherington, Luke Priddis, Luke Davico (two to be omitted). res: Simon Woolford, David Westley, Quentin Pongia, Jason Burnham.

WARRIORS: Henry Paul, Jason Robinson, Gary Connolly, Kris Radlinski, Andy Johnson, Nigel Wright, Tony Smith, Andy Farrell, Mick Cassidy, Simon Haughton, Lee Hansen, Martin Hall, Neil Cowie. res: Darryl Cardis, Gael Tallec, Stephen Holgate, Stu Lester.

BRISBANE v HALIFAX at ANZ Stadium (2.30pm).

BRONCOS: Darren Lockyer, Tonie Carroll, Steve Renouf, Anthony Mundine, Wendell Sailor, Kevin Walters, Allan Langer (c), Darren Smith, Gordon Tallis, Brad Thorn, Andrew Gee, John Driscoll, Glenn Lazarus. res: Shane Webcke, Peter Ryan, John Plath, Michael Devere.

BLUE SOX: Mike Umaga, Asa Omonie, Daio Powell, David Bouveng, Fereti Tuilagi, Martin Pearson, Craig Dean, Martin Moana, Simon Baldwin, Michael Jackson, Carl Gillespie, Paul Rowley, Karl Harrison. res: Chris Chester, Richard Marshall, Michael Slicker, Paul Heighton.

MONDAY:

CANTERBURY v LONDON at Belmore Sports Ground (7.30pm).

BULLDOGS: Matt Ryan, Hazem El Masri, Shane Marteene, John Timu, Daryl Halligan, Craig Polla Mounter, Duncan McRae, Steve Price, Jason Hetherington, Mitch Newton, Robert Relf, Simon Gillies, Travis Norton. res: James Pickering, Barry Ward, Solomon Haumono, Barry Berrigan.

BRONCOS: Andrew Duncan, Scott Roskell, David Krause, Tulsen Tollett, Martin Offiah, Terry Matterson, Josh White, Peter Gill, Russell Bowden, Andrew Hamilton, Matt Dunford, Robbie Beazley, Tony Mestrov. res: Tony Martin, Matthew Salter, Greg Barwick,

Andy Spencer.

IN EUROPE:

FRIDAY:

SHEFFIELD v HUNTER at Don Valley (7.30pm).

SHEFFIELD: Lynton Scott, Whetu Taewa, Nick Pinkney, Keith Senior, Jean-Marc Garcia, Wayne Flynn, Mark Aston, Martin Wood, Danny McAllister, Paul Carr, Steve Edmed, Johnny Lawless, Paul Broadbent. res: David Mycoe, Jason Erba, Willie Morganson, Alex Thompson.

MARINERS: Robbie Ross, Keith Beauchamp, Craig Wise, Kevin Iro, John Carlaw, Scott Hill, Noel Goldthorpe (c), Willie Poching, Neil Piccinelli, Tony Iro, Anthony Brann, Robbie McCormack, Darrien Doherty. res: Troy Stone, Nick Zisti, Brett Kimmorley, Paul Marquet.

BRADFORD v CRONULLA at Odsal Stadium (7.30pm).

BULLS: Stuart Spruce, Matt Calland, Paul Loughlin, Danny Peacock, Jon Scales, Glen Tomlinson, Robbie Paul (c), Brian McDermott, James Lowes, Paul Anderson, Mike Forshaw, Graeme Bradley, Steve McNamara. res: Simon Knox, Nathan Graham, Paul Medley, Tahī Reihana.

SHARKS: David Peachey, Mat Rogers, Andrew Ettingshausen, Russell Richardson, Richie Barnett, Mitch Healey, Paul Green, Tawera Nikau, Chris McKenna, Nick Graham, Jason Stevens, Dean Treister, Danny Lee. res: Martin Lang, Geoff Bell, Wade Forrester (one to be named).

SATURDAY:

PARIS v PERTH at Charlety Stadium (8pm).

PARIS: Deon Bird, Jason Eade, Jamie Olejnik, Pierre Chamorin, Phil Bergman, Matt O'Connor, Jason Martin, David Lomax, Adam Peters, Wayne Sing, Jason Sands, David O'Donnell, Tony Priddle. res: Craig Menkins, Michael Hogue, Anthony Hancock, Nick Hyde.

REDS: Greg Fleming, Chris Ryan, Paul Bell, Tim Horan, Matthew Daylight, Scott Wilson, Matthew Roodwell, Dale Fritz, Peter Shiels, Darren Higgins, Robbie Kearns, Matthew Fuller, Brett Green. res: Corin Ridding, Darren Higgins, Chris Dever, Matthew Geyer.

ST HELENS v PENRITH at Knowsley Road (6.35pm).

ST HELENS: Andy Haigh, Danny Arnold, Alan Hunte, Vila Matutia, Anthony Sullivan, Jason Johnston, Bobbie Goulding, Dean Busby, Chris Morley, Simon Booth, Julian O'Neill, Paul Anderson, Anthony Leatham. res: Alan Cross, Kevin O'Loughlin, Scott Barrow, Richard Shiel.

PANTHERS: Peter Jorgensen, Jason Williams, Sid Domic, Ryan Girdler, Andrew Hinsoon, Steve Carter (c), Craig Gower, Darren Brown, Matt Adamson, Jody Gall, Phil Adamson, Danny Farrar, Carl MacNamara. res: Brian McDermott, Nathan Graham, Paul Medley, Tahī Reihana.

MONDAY:

WARRINGTON v AUCKLAND at Wilderspool (7.45pm).

WARRINGTON: Lee Penny, Salesi Finau, Jon Roper, Nigel Vagana, Mark Forster, Kelly Shelford, Lee Briers, Paul Sculthorpe, George Mann, Tony Tatupu, Gary Chambers, Paul Hulme, Warren Stevens. res: Chris Rudd, Tony Thorniley, Willie Swann, Paul Wingfield.

WARRIORS: Matthew Ridge, Sean Hoppe, Tea Ropati, Anthony Swann, Marc Ellis, Shane Endacott, Stace Jones, Denis Betts, Stephen Kearney, Bryan Henare, Joe Vagana, Syd Eru, Mark Horo. res: Brady Malam, Logan Swann, Gene Ngamu (one to be added).

AAP

ARL: TEAMS FOR ROUND 14 (A)

Teams for the first weekend of the split 14th round of the Australian Rugby League premierships on June 20, 21 and 22 are as follows:

FRIDAY:

WESTERN SUBURBS v SOUTH SYDNEY at Campbelltown Sports Ground (7.30pm).

MAGPIES: Andrew Leeds, Adam Donovan, Darren Willis, Kevin McGuinness, Brett Hodgson, Adam Doyle, Steve Georgallis, Paul Langmack (c), Damian Kennedy, Shane Millard, John Skandalis, Ciriaco Mescia, Harvey Howard. res: James Smith, Bill Dunn, Des Hasler (one to be added).

RABBITOHS: Brendan O'Meara, Marty Moore, David Penna, Phil Howlett, Jeff Orford, Scott Murray, Darrell Trindall, Darren Burns, Tere Glassie, Michael Francis, Michael Ostini, Shannon Donato, Matthew Parsons. res: Peter Stimson, Troy Slattery, Brett Gillard, Craig Simon.

SATURDAY:

BALMAIN v GOLD COAST at Leichhardt Oval (3pm).

TIGERS: Michael Withers, Greg Donaghey, William Kennedy, Jason Webber, Laloa Milford, Michael Gillett, Steven Jolly, Hudson Smith,

Mark O'Neill, Mark Stimson, Paul Sironen (c), Darren Senter, Adam Starr. res: Shane Walker, Glenn Morrison, Chris St. Clair (one to be added).

CHARGERS: Andrew King, Marcus Bai, Graham Mackay, Jason Nicol, Shane Russell, Chris Orr, Wes Patten, Steve Parsons, Dave Clark, Damian Driscoll, Scott Sattler, Chris Nahi, Brendan Hurst. res: Brett Plowman, Tony Durheim, Tom O'Reilly, John McKelleher, Martin Bella (one to be omitted).

SUNDAY:

ST GEORGE v ILLAWARRA at Kogarah Oval (3pm).

DRAGONS: Dean Raper, Mark Bell, Daniel Wagon, Jim Lenihan, Adrian Bruner, Shane Kenward, Gavin Clinch, Jeff Hardy, Lance Thompson, Darren Rameka, Colin Ward, Nathan Brown (c), Corey Pearson. res: Luke Felsch, Brad Smith (two to be added).

STEELERS: Brendon Reeves, Dean Moon, Brett Rodwell, Shaun Timmins, Wayne Clifford, Glen Air, Will Robinson, John Cross (c), Brad Mackay, Andrew Hart, Darren Bradstreet, Dean Callaway, Scott Cram. res: David Cox, Terry Lamey, Chris Leikvoll (one to be added).

AAP

LAE RUGBY LEAGUE SP CUP

Round 11 DRAW:

Saturday June 22, 1997

Outside Ground

9.30 U/19 Defence vs Royals

10.30 U/19 Spiders vs Brothers

Inside Ground

9.30 U/19 Tarangau vs Magani

10.30 U/19 Panthers vs Tigers

11.30 B Tarangau vs Magani

12.30 B Panthers vs Tigers

2.10 Defence fs Royals

3.30 Spiders vs Brothers

Sunday June 23, 1997

Outside Ground

9.00 U/17 Defence vs Royals

10.00 U/17 Spiders vs Brothers

Inside Ground

9.00 U/17 Tarangau vs Magani

10.00 U/17 Panthers vs Tigers

11.00 A Tarangau vs Magani

12.30 A Panthers vs Tigers

2.00 A Defence vs Royals

3.30 A Spiders vs Brothers

POINTS LADDER

A Grade

As at 15/6/97 After Round 10

TEAM	P	W	D	L	P/F	P/A	PTS
Tarangau	10	7	-	3	228	188	14
Spiders	9	6	-	3	215	152	12
Royals	10	5	1	4	231	209	11
Brothers	10	5	-	5	194	200	10
Tigers	1-	5	-	5	196	211	10
Defence	9	3	2	4	190	228	8
Panthers	10	3	1	6	206	246	7
Magani	10	3	-	7	207	233	6

B Grade

Spiders	10	9	-	1	196	74	18
Brothers	10	9	-	1	198	112	18
Tarangau	10	8	-	2	200	118	16
Magani	10	4	-	6	168	168	8
Royals	10	4	-	6	136	189	8
Panthers	10	3	-	7	123	168	6
Tigers	10	2	-	8	105	188	4
Defence	10	1	-	9	86	195	2

Under 19

Brothers	10	7	-	3	93	64	14
Magani	10	7	-	3	101	74	14
Spiders	10	6	1	3	118	82	13
Royals	10	6	-	4	99	61	12
Tarangau	10	6	-	4	142	96	12
Defence	10	2	1	7	59	124	5
Panthers	10	2	-	8	102	168	4
Tigers	10	2	-	8	52	117	4



PNGRFL mas ting ting gut pastaim na saspenim ol klap

WATSON GABANA i raitim

SAMPELA lokel kompetisen long planti hap bilong kantri i no bin ron gut bihain long PNGRFL i bin pasim tok long rausim o saspenim ol tim na klap husat i no baim fi bilong ol.

Wanpela mausman bilong Tabubil ragbi lig i bin tokim RLN olsem, stat long taim PNGRFL i b.n saspenim ol tims insait long maining taunship bilong Tabubil, dispela i bin bagarapim plen bilong lig long hap. Em tok, i tru olsem olgeta pilaia i no bin pinisim olgeta fi bilong ol hariap. Tasol long kain rot bilong rausim ol pilaia na klap bai no gat pilai i bai kamap na planti arapela klap husat i pinisim fi bai painim tim bilong pilai egensim.

"I gutpela PNGRFL i bin saspenim mipela tasol, ol tim husat i bin pinisim olgeta fi bilong ol bai pilai wantaim husat?" em tok.

Dispela man, husat i no laik long mipela kolim nem bilong em, i bin tokim mipela olsem, PNGRFL mas save gut long wanem sait ifekt bilong dispela rot bilong saspenim klap pastaim na ol i ken i go het long rausim na saspenim ol tims na klaps long wan wan asosiesen.

"Narapela samting tu, PNGRFL mas traim long tingim em; planti bilong mipela ol liklik senta i no save stap insait long PNG Kumuls tim," em tok. "Tasol olgeta taim, ol selekta bilong Kumuls i save lukim tasol ol pilaia bilong olgeta bikpela senta na luk daun long ol pilaia bilong ol liklik senta. Long dispela as, mipela i no laik westim nating long baim moni i go long PNGRFL," em tok.

Olpela kosa bilong PNG Kumuls, Joe Tokam i bin mekim wankain tok tok long RLN. Em tok olsem, olgeta taim PNG selekta i save lukluk long ol junia na miks reis pikinini tasol na i no save tingting tumas long kism ol manki PNG stret.

"Selekta mas nau lukluk tasol long kism ol PNG pilaia, husat i rejista insait long kantri tasol i go pilai long Australia," Tokam i tok. "Long dispela kain we, bai yumi traim long developim ragbi long kantri bilong yu."

Em askim tu: Watpo na planti taim, ol selekta bilong PNG Kumuls i wok long luk luk tasol long ol yangpela manki husat i stap longtaim long Australia tasol i no rejista wantaim wanpela klap, tim o asosiesen long PNG. Tokam i tok olsem, dispela pasin i no gutpela bikos, planti ragbi pilaia i baim ol fi bilong ol long stap insait long PNG tim sapos ol pilai gut. Tasol dispela kain rot bilong ol nesinel selekta long lukluk tasol long ovasis pilaia i mekim ragbi i kam daun long kantri.

"Sapos ol i laik kism ol ovasis pilaia, selektas mas kism foapela tasol. Tupela beks na tupela fowet," Tokam i tok.

Long Wewak, sekreteri bilong lig, Helen Heni i bin tok olsem, i tru PNGRFL i saspenim klap bilong ol tasol ol bai i go het long pilaim lokel kompetisen bilong ol. Em tok dispela ol nupela klap husat i bin joinim



asosiesen i bin baim olgeta fi bilong ol na WRL i no inap bagarapim ol long saspenim olgeta gem insait long Wewak. Em tok, presiden bilong olgeta foapela klap i bung pinis na pasim tok olsem, ol bai go het wantaim olgeta gem bilong ol. Tasol ol i no inap tek pat long bikpela gem bilong PNGRFL olsem, nesinel 9's sempionsip na Kembris kap salens.

Kain rot PNGRFL i bin mekim long raunsim ol klap na tim husat i no baim olgeta fi bilong ol, Helen i bin tok olsem, ol mekim olsem long mekim ragbi i kamap wanpela

kompetitiv gem long kantri na em wanpela gutpela rot.

Long Vanimo, olgeta tim husat i kik insait long dispela sisen i no pinisim olgeta fi bilong ol. Olsem na sisen i no ran gut bihain long PNGRFL i bin saspenim olgeta tim na pilaia long hap. Narapela samting i daunim ragbi long Vanimo em sponso. Ol i wok long painim sponso yet long helpim edministresen bilong VRL long ranim olgeta opresinel kos bilong ol. Ilekse 97 tu i gat bikpela ifekt long Vanimo ragbi lig. Presiden bilong PNGRFL, Kevin Murphy i

no stap long kantri, olsem na RLN i no kism sait stori bilong em. Tasol sampela man klostu long PNGRFL i bin tokim RLN olsem, de bilong olgeta fi bai pas long pinis bilong dispela mun. Bihain long dispela de (31-06-97), PNGRFL bai pasim olgeta buk bilong ol na ol i no inap raitim nem bilong ol klap moa, tim na pilaia husat laik baim fi bilong ol. Tasol long ol tim husat i rejista pinis wantaim ful memba insait long PNGRFL bai kik insait long nesinel 9's sempionsip na Kembris kap resis long dispela yia.



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.